

იოსებ სიხოშვილი

ტელა

იოსებ სიგოშვილი

ც ა დ ა



გამომცემლობა „მნიგნობარი“  
თბილისი 2022

რომანში ასახულია ქართლ-კახეთში მიმდინარე მოვლენები შაჰ-აბასის შემოსევების დროს. ავტორი ისტორიულ წყაროებზე, საერო და საეკლესიო გადმოცემებზე დაყრდნობით წარმოგვიდგენს კახელების გმირულ ბრძოლას დამპყრობლების წინააღმდეგ, ექვსი ათასი გარეჯელი ბერის მოწამეობრივ აღსასრულს, სასწაულმოქმედი მადლის ქვის და დავითის ცრემლების ისტორიას, კახელი კაცის სიყვარულს სამშობლოსა და ვაზისადმი.

მკითხველი თვითონ გამოიტანს დასკვნას, ქართლ-კახეთისთვის ამ საბედისწერო ჟამს ვინ იყო ჭეშმარიტი მამულიშვილი და ვინ მოღალატე.

რედაქტორი  
**მანანა გორგიშვილი**

მხატვარი  
**თეა ბუზარიაშვილი**

დამკაზაღონებელი  
**თამარ ტყაბლაძე**

ISBN 978-9941-498-59-6

იმ წელს კახეთმა სუსხიანი და ამასთან ცხელი ზამთარი გადაიტანა. სუსხიანი იმიტომ, რომ ყინვამ და გამუდმებულმა ქარებმა მინიან-ტყიან-მდინარიანად გათოშა ყველაფერი, ხოლო ცხელი იმიტომ, რომ ღვთისგან წყეულმა ირანის შაჰმა - შაჰ-აბასმა ააოხრა მთელი კახეთი, მერე კი მთებში გახიზნულ მოსახლეობას თავისი ყიზილბაშები<sup>1</sup> შეუსია და ბრძანება გასცა, ქართველებისგან წინააღმდეგობის გამწევი არავინ დაეტოვებინათ ცოცხალი. ცოცხლად გადარჩენილები კი ირანისკენ მიმავალ გზაზე დაეყენებინათ. შაჰის მებრძოლენი მთელი ზამთარი ტყე-ღრე დაეძებდნენ კახელებს, ხშირ შემთხვევაში მათ ასავალ-დასავალს ვერ აგნებდნენ და თუ სადმე გადაეყრებოდნენ სათანადო დარტყმასაც იღებდნენ მათგან. თითქმის ყველა შეტაკება კახელების გამარჯვებით მთავრდებოდა. ამიტომაც შაჰის სარდლებმა გადანყვეტილება მიიღეს, დევნა გაზაფხულისთვის გადაედოთ. აქაც მოტყუვდნენ, რადგან ქართველებმა მოუხშირეს მათზე თავდასხმას. ისინი მოულოდნელად გამოჩნდებოდნენ ხოლმე მტრის ბანაკებში და სანამ სპარსელები გამოფხიზლდებოდნენ, მოაოხრებდნენ ხოლმე იქაურობას, ამოხოცავდნენ ნითელთავიანებს და მალევე გაეცლებოდნენ იმ ადგილს.

კახეთში განვითარებული მოვლენების შესახებ შაჰ-აბასი, რა თქმა უნდა, საქმის კურსში იყო და ყოველდღიურად შათირების<sup>2</sup> მეშვეობით ახალ ამბებსაც იგებდა, მაგრამ ირანის მბრძანებელი არ ჩქარობდა, პირიქით, თავის ამალასთან ერთად ნადირობით ირთობდა თავს და მტკვრის ნაპირას გაშლილ ბანაკში ნებივრობდა. არ ჩქარობდა სამშობლოში დაბრუნებას, რადგან მას ავადმყოფურად აკვიატებული ჰქონდა კახეთის მიწასთან გასწორება და იქ თურქმანი ელების ჩასახლება. აგრეთვე ურჩი თეიმურაზ მეფის დასჯა და კახეთის სამეფოს გაუქმება. თეიმურაზი ვერ მოიგდო ხელთ, იმერეთში გაექცა. სამაგიეროდ, ჯერ კიდევ კახეთში გამოლაშქრებამდე, მისი ცოლის ძმა - ქართლის მეფე ლუარსაბი დაატყვევა სარწმუნოების შეცვლაზე უარის თქმის გამო და გამოკეტა შირაზის<sup>3</sup> ციხეში, რითაც სურდა, ქართლ-კახეთის მოყვრობით განმტკიცებული კავშირის მოშლა, მაგრამ ურჩი თეიმურაზის გამო ჯერჯერობით სანადელს ვერ მიაღწია. ერთობ ცბიერი გახლდათ სეფევიდების<sup>4</sup> შთამომავალი. მან ისიც კარგად უწყობდა, რომ მარტო ყიზილბაშებით ვერაფერს გააწყობდა ქართველების წინააღმდეგ და მათი განადგურება რომ მოეხდინა, ამისთვის მათივე ჯიშის ხალხი უნდა გამოეყენებინა. აბასმა მოღალატე ქართველებისგან ბევრი რამ ისწავლა. კარგად იცოდა მედროვე გურჯების ბუნება. საკმარისი იყო ისინი დაენინაურებინა სასახლის კარზე, მიეცა უზრუნველი ცხოვრების საშუალება და იმდენ სიბოროტეს ჩაიდენდნენ თავის მოძმეთა წინააღმდეგ,

რომ ეს ყოველივე თვით ქართველებზე გულაცრუებულ უცხოტომელთა გაკვირვებასაც კი გამოიწვევდა. ასეთი ქართველები კი ბევრი ჰყავდა შაჰ-აბასს, რჯულშეცვლილიც და რჯულშეუცვლელიც. აქედან უმრავლესობა დახვეწილი მლიქვნელი გახლდათ. შაჰს ეზიზღებოდა ასეთი კაცუნები, მაგრამ ამას არ იმჩნევდა, რადგან ისინი სწორედ ის იარაღი იყო მის ხელში, რომელიც მათივე ხალხის წინააღმდეგ უნდა გამოეყენებინა. ხშირად გაიფიქრებდა ხოლმე: „როგორ უნდა ენდო ამ ნაძირლებს, როდესაც პირველივე მოთხოვნისთანავე უარყვეს თავიანთი წინაპრების ღმერთი, მის თვალწინ აფურთხეს და შეურაცხყვეს ქრისტე და დედამისი და არც წინადაცვეთაზე უყოყმანიათ. ამათი ნდობა არ შეიძლება, ამიტომ ჯერ უნდა გამოვცადო და მერე ვნახოთ“.

მხოლოდ ასეთი ქართველები არ ჰყავდა აბასს ამაღლაში. იყვნენ ისეთებიც, რომლებმაც შეთავაზების გარეშე უარყვეს მაცხოვარი და შაჰის ერთგულებაზე დაიფიცეს. ერთ-ერთი მათგანი გიორგი სააკაძე გახლდათ, რომელიც სასწაულით გადაურჩა ქართლელი დიდებულების დაგებულ მახეს და ირანში გაქცევით უშველა თავს. შაჰი გიორგის გვერდიდან არ იცილებდა და უამრავი მსტოვარი ჰყავდა მასზედ მიჩენილი. ძირისძირამდე შეისწავლა მისი მოდგმა, დარწმუნდა მის რაინდობასა და საბრძოლო გამოცდილებაში და ახლა, ისე როგორც მის გარშემო შემოკრებილ ქართველებს, გამოცდას უპირებდა და ამისთვის შესაბამის დროს ელოდა და საბაბს ეძებდა. აბასმა გიორგის შესახებ ცნობები მხოლოდ ქარ-



თლის თავად-აზნაურობაში კი არ მოაგროვია, არამედ უბრალო ხალხში - გლეხებში. მსტოვარმა, გარდა გიორგის საგმირო საქმეებისა, ერთი გლეხის ნაამბობიც მოუთხრო მბრძანებელს: „გიორგის გვარი სააკაძე არ არის, ის ხევსური გიგაური ყოფილა. სააკაძე მაშინ დაურქმევია, როდესაც დიდი სახელი გაითქვა. ის აღზევებამდე ჩვეულებრივი გლეხი ყოფილა. სააკაძე ხმლითა და ხმით ომობს. დიდი ხმალი ხომ უჭრის და ხმაც დიდი აქვს. საფეთქლებზე ხელს მოიჭერს და საშინელი ხმით იწყებს ყიჟინას თავის მოყიჟინებთან ერთად. მტერს ბრძოლის დაწყებამდე ამით აშინებს თურმე. ხალხმა შეიყვარა თავისი გმირი, თავადებმა კი ვერ აიტანეს გლეხის ასეთი აღზევება და გადაემტერნენ“.

შაჰ-აბასს, ერთის მხრივ, ასეთი ძლიერი ქართველი, რომელიც სამშობლოში გმირად მიაჩნდათ, მაინც და მაინც არ აწყობდა, მაგრამ მეორეს მხრივ, ის მის ხელში ბასრი მახვილი იყო ქართველების დასაჩოქებლად. გაიფიქრებდა ხოლმე აბასი: „ერთი უნდილაძე<sup>5</sup> არ მეყოფა გვერდით, ახლა ეს მეორე დავიყენო და თან კახეთის აოხრებაზე ვიფიქრო...“. თუმცა შაჰი ისეთი ხვითო<sup>6</sup> იყო, რომ გველს იქით აათამაშებდა, თავის ჭკუაზე გაატარებდა და ვისაც უნდოდა იმას დააგესლინებდა სასიკვდილო შხამით.

აბასს, დიდ სახელმწიფო მოღვაწის უტყუარ ნიჭთან ერთად, თანდაყოლილი ჰქონდა პირადი ხასიათის ისეთი თვისებები, რომლებიც მას ხშირად ადამიანურ სახეს უკარგავდნენ და კაცურ ქცევას ავიწყებინებდნენ.

შაჰ-აბასი მცირე რამის გამოც თავშეუკავებელ მრისხანებას იჩენდა. ხშირად უაზრო სისხლისღვრა, შემადრწუნებელი ვერაგობა და შემზარავი შურისძიება იცოდა თავის მახლობელ წრეშიც, რომ უნებლიეთ მისი გონებრივი ნორმალურობის შესახებ ეჭვიც კი გაუჩნდებოდა თვითმხილველს. როდესაც მისი უსაზღვრო მრისხანება ქართველებმაც გამოსცადა თავის თავზე, ხშირად გაიგონებდით ხალხში: „კაცი მცბიერი და მოყვარე მზაკვრობისა“, „მცბიერი, ხვანჯიანი, უნდო და მტერი ყოველთა მემკვიდრეთა“. ხოლო მეფე თეიმურაზმა სრულყოფილად დაახასიათა: „მძლავრი, უწყალო, ქრისტიანეთა მტანჯველი, ეროდიას წილ მჯდომელი, უბრალოს სისხლთა მჩქეფელი“.

აბას პირველის ტახტზე ასვლის პირველივე წლებში, გამუდმებული შინაფეოდალური ომებისაგან დასუსტებულმა სპარსეთმა, ოსმალეთთან ომში მარცხი განიცადა. აბასი იძულებული გახდა ოსმალეთთან სპარსეთისთვის წამგებიანი ზავი დაედო. შემდეგ კი ენერგიულად შეუდგა ცენტრალური ხელისუფლების გაძლიერებას. ებრძოდა სახელმწიფოს დაქუცმაცების მომხრე ამირებს.<sup>7</sup> ქვეყნის სახელმწიფო და სამხედრო თანამდებობებზე მოხელეებად მოკალათებულ ყიზილბაშურ-თურქმანულ დაჯგუფებებს დაუპირისპირა სპარსეთის სამსახურში დანიშნურებული ქართველები, სომხები და ჩერქეზები. ისპაჰანის ტარულა<sup>8</sup> აუცილებლად ქართველი უნდა ყოფილიყო. ქართველებს ნიშნავდა სპარსეთის პროვინციების ბეგლარბეგებად,<sup>9</sup> ყულარალასის<sup>10</sup> თანამდებობაც ხშირად





ქართველებს ეკავათ. შექმნა მუდმივი ჯარი - თოფხანე,<sup>11</sup> თოფანქჩიებისა და ლულამთა<sup>12</sup> ნაწილები. ეს უკანასკნელი ძირითადად ქართველებისგან შედგებოდა...


შაჰმა კარგად იცოდა ქართველთა ცხოვრების წესი, კარგად იცნობდა მათ შინაგან ბუნებას. იცოდა, რომ ქართველს უცხო ქვეყანაში რა გინდ ფუფუნებაში ეცხოვრა, მას მაინც არაამქვეყნიური ლტოლვა ჰქონდა სამშობლოსადმი და როგორც კი ნახავდა შესაფერის დროს, აუცილებლად დაუბრუნდებოდა მამა-პაპისეულ მიწას. ამიტომ საჭიროდ მიაჩნდა გადაეჭრა მათთვის ფესვები, აეოხრებინა მათი მიწა-წყალი, დაესახლებინა იქ ალაჰის მონები და რაც მთავარი იყო, გაეკეთებინა ეს ყველაფერი ქართველების ხელით.

ახლაც იჯდა მტკვრის პირას გაშლილ კარავში თავის ერთგულ მსახურებთან ერთად, სადაც ქართველები სჭარბობდნენ, ხელთ ეპყრა ძვირფასი თვლებით შემკული ვერცხლის ფიალა და ნეტარებაში მყოფი უცქერდა ჰარამხანის<sup>13</sup> მოცეკვავე ქალებს...

## II

დიდმარხვის ვნების კვირა ახლოვდებოდა. გარეჯის მრავალმთის უდაბნოს მონასტრებში სადღელამისო მღვიძარებას დაესადგურებინა. გამუდმებული წირვა-ლოცვა და სხვა საეკლესიო მსახურებანი უწყვეტად აღესრულებოდა მართლმადიდებლობის ერთ-ერთ გა-

მორჩეულ სავანეში. საქართველოს სხვადასხვა ქალაქებიდან და სოფლებიდან მრავალი სასულიერო და საერო პირი მოდიოდა გარეჯის მონასტრებში ქრისტეს აღდგომის დღესასწაულზე დასასწრებად. ყველას სურდა, მოკრძალებით ხლებოდა აქ დავანებულ საეკლესიო სინმიდეებს და განსაკუთრებით წმიდა დავით გარეჯელის მიერ იერუსალიმიდან ჩამობრძანებულ მადლის ქვას, რომელიც დავითის ლავრაში იყო დაბრძანებული. ხალხმრავლობა იყო ბერთუბნის, დოდორქის, ნათლისმცემლის, ჩიჩხიტურის, უდაბნოს მონასტრებში და განსაკუთრებით დავითის ლავრაში. დიდმარხვაში სასულიერო პირების ასეთი სიმრავლე უცხო არ იყო გარეჯის სავანეებისათვის, მაგრამ ეს წელიწადი მაინც განსაკუთრებული გახლდათ. მტერთაგან შევიწროვებულ ღვთისმშობლის წილხვედრ ქვეყანას დიდი გასაჭირი დასდგომოდა. ოსმალეთი და სპარსეთის ვერ იყოფდნენ საქართველოს. ხელიდან ხელში გადადიოდა ღვთივკურთხეული მამული. წუთისოფელში კი მისი დამხმარე არავინ იყო, პირიქით კალიასავით შემოსეოდა მტერი. ამ მძიმე განსაცდელიდან, როგორც ადრეულ საუკუნეებში, საქართველოს ხსნა მხოლოდ ღმერთს შეეძლო. ამისთვის კი გამუდმებული და გულმხურვალე ლოცვა იყო საჭირო. სამეფო კარი და დედა ეკლესია მოუწოდებდა ერსა და ბერს ელოცათ სამშობლოს და ერის გადარჩენისთვის და, რა თქმა უნდა, მომზადებულიყვნენ კარს მომდგარი მტრის დასახვედრად. ამიტომაც გარეჯის მონასტრები ნელ-ნელა ივსებოდა მომლოცველებით. ადრეული გაზაფხულის



სუსხიან ღამეებში ვარსკვლავებით მოჭყდილი ცა თითქოს დაბლა დაწეულიყო და დედამიწასთან შეერთებას აპირებდა, რათა ანგელოზთა და ადამიანთა ერთობლივ ლოცვას მიეღწია სამყაროს შემოქმედამდე და ღმერთს განსაცდელისგან ეხსნა საზეპურო ერი...

არც ქართლისა და კახეთის სამეფო კარი იჯდა გულ-ხელდაკრეფილი. განსაკუთრებით კახელები აკვირდებოდნენ გარეჯის ქედის გადაღმა, ყარაიას ველზე და მტკვრის პირას დაბანაკებულ სპარსელთა ლაშქარს, რომელსაც მიზანში ისევ კახეთი ჰქონდა ამოღებული. მეფე თეიმურაზმა გარეჯში გამოცდილი მეომრები გააგზავნა შაჰ-აბასის ლაშქრის გადაადგილების შესასწავლად. ისინი ქედზე ჩიჩხიტურის და უდაბნოს მონასტრებში დაბინავდნენ. იქიდან ხელის გულივით ჩანდა სპარსელების ყველანაირი გადაადგილება. იმ შემთხვევაში თუ მტერი დაიძვრებოდა კახეთის მიმართულებით, ჩიჩხიტურის კოშკის სახურავზე ცეცხლი დაინთებოდა, რომელიც ნიშანს გადასცემდა მანავის ციხეს, ხოლო ეს უკანასკნელი ასევე ცეცხლით ამცნობდა - თელავსა და გრემს. მეფის მეომრებში ერთი ვაჟკაცი ირიცხებოდა, რომელსაც განსაკუთრებული დავალება ჰქონდა მიცემული. საფრთხის მოახლოების შემთხვევაში, საეკლესიო საგანძური უნდა შეეგროვებინა და გადაემალა მტრისგან მიუვალ ადგილებში. ეს მეომარი ტალა ტალაური იყო. ის სისხლით და ხორციით ქართველი, ქრისტეს თიხის კაცი, ქართულ საბრძოლო ხელოვნებას დაუფლებული და უშიშარი მეომარი გახლდათ. ეს მოხდენილი ვაჟკაცი ჯერ ოცდაა-

თი წლისაც არ იყო და უკვე უამრავ ბრძოლაში ჰქონდა მონაწილეობა მიღებული. კავკასიონის მთებში, მიუვალ ადგილებში თავისი სამალავები ჰქონდა მონყობილი და მტრის შემოსევების დროს მეფისა და კათოლიკოსის დავალებით სამეფო და საეკლესიო საგანძურს იქ ინახავდა ხოლმე. მის ხელში არაფერი იკარგებოდა. თვალის ჩინივით უფრთხილდებოდა ყველაფერს და მშვიდობიანობის დადგომისთანავე ყველა ნივთსა და სინმიდეს თავის ადგილას აბრუნებდა.

ტალა ძირძველი მთიელების შთამომავალი გახლდათ. იმ მთიელებისა, რომლებმაც წმიდა ნინოს მიერ მთაში გავრცელებული ქრისტიანული სარწმუნოება არ მიიღეს, მეფე მირიანის სასჯელს გაერიდნენ და სოფელ ყვარადან თუშეთში გადაიხვეწნენ. შემდეგ მათი რამდენიმე ოჯახი დურუჯის ხეობაში ჩასახლებულან და ამ სოფლისთვის ყვარელები უწოდებიათ. ქრისტეს რჯულიც მიუღიათ და მეფის სამსახურშიც ჩამდგარან. ვინაიდან გამძლე და გამორჩეული მეომრები ყოფილან, მეფეს მათთვის მტრის შემოსევის დროს იმ ადამიანთა დაცვა და გაცილება დაუვალეზია, ვისაც სამეფო ძვირფასეულობა და საეკლესიო სინმიდეები გადაჰქონდა მთაში არსებულ სამალავებში. სიფრთხილის გამო, ვინაიდან მათი გადაადგილება ძირითადად ღამით ხდებოდა, ყვარელი ვაჟკაცებისთვის სახელად ტალა უწოდებია, რაც მგზავრთა ღამით მოდარაჯეს ნიშნავს. ეს სახელი თაობიდან თაობას გადაეცემოდა და შემდეგ კი გვარშიც დაუმკვიდრებია ადგილი.



ტალა გარეჯშიც ამ მიზნით გამოეგზავნა მეფე თეიმურაზს. ის ჩიჩხიტურის მონასტერში გაჩერდა სხვა მეომრებთან ერთად. დილით ადრე კი ერთი მეომარი გაიყოლა და დავითის ლავრაში წავიდა მონასტრის წინამძღვართან - არქიმანდრიტ არსენთან შესახვედრად.

ქედზე მიმავალი ტალა მცირე ხნით შეჩერდა და, როგორც სჩვეოდა ხოლმე, წარბებშეკრულმა და დონჯშემოყრილმა ყარაიას<sup>14</sup> ველს ესროლა თავისი კუშტი მზერა. დილის რიჟრაჟს გაეფერმკრთალებინა სახმილავებზე<sup>15</sup> დანთებული კოცონები, დღე და ღამე ერთმანეთში არეულიყო და ციდან ჩამონოლილი თხელი ნისლი შავი სუდარასავით<sup>16</sup> გადაჰკროდა მტრით სავსე ყარაიას ველს. „აღბათ ამიტომ ეძახიან ყარაიას, - გაუელვა თავში ფიქრმა ტალას, - მართლა შავია აქაურობა. თუმცა ყარა ბევრ ადგილს ჰქვიან ჩვენშია. გამოდის, რომა ეს რჯულძალღები ჩვენს სამშობლოში სიშავისა და უკეთურების მეტს არაფერ ტოვებენ. თან რამდენი არიან. თავგებივითა მრავლდებიან და ადამიანთა მოდგმის გაჟღეცის მეტი არაფერი იციან!“

ადგილიდან არ იძვროდა ტალაური. ფეხები გაებოტებინა, ხელები მაგრად შემოეჭდო ნელზე, სიმწრისაგან კბილებით ქვედა ტუჩს იკვნეტდა ისე, რომ სისხლი წვერზე გადმოჟონილიყო. ბოლოს, სისხლწერწყვი ველისკენ გადააფურთხა და ზედ მიაყოლა:

- ამ შავ სუდარაი გადაგაფარებთ, თქვე ეშმაკი ნაჭლიკარებო! ცოცხალ არ გაგიშვებთ არც ერთს, ვინც კი ხელში ჩამივარდებით. თქვენ აქ არ მოეთრეოდით, წინ ჩვენთან რომ არ მოგიძღვებოდეთ! ...

მცირე ხანს კიდევ გაჰყურებდა ტალა თავისი სამშობლოს გასანადგურებლად მოსულ მტერს და თან მარჯვენა ხელის მტევნით ხმლის ვადას ეფერებოდა. მერე შეტრიალდა და გზა განაგრძო დავითის ლავრისკენ. მონასტერში ბერთა სიმრავლე შეინიშნებოდა, რომლებიც ახლადდამთავრებული შუალამიანის ლოცვის შემდეგ მონასტრის შიდა ეზოში შეკრებილიყვნენ და წინამძღვრის კურთხევის აღსრულებისთვის ემზადებოდნენ. თითქოს ტალას გამოჩენას ელოდებოდნენო, ყველანი შებრუნდნენ აღმოსავლეთისკენ, დაიჩოქეს და ხმამაღლა დაიწყეს ლოცვა:

- მამაო ჩვენო, რომელი ხარ ცათა შინა...

ტალაური მაშინვე მუხლებზე დაეცა, პირჯვარი გადაიწერა და თავისი ხმა შეუერთა ერთობლივ ლოცვას.

როდესაც ბერებმა ეზოდან გასვლა დაიწყეს, ტალამ მონასტრის გალავანთან, ბორცვზე მდგარი წინამძღვარი - არსენი დაინახა, რომელსაც მარჯვენა ხელში ხის ჯვარი ეპყრა და ლოცავდა სამწყსოს. ბერები რიგ-რიგობით ემთხვეოდნენ ჯვარს და ტოვებდნენ ეზოს. ტალა სასულიერო პირებს დაელოდა, ბოლოს მივიდა ჯვართან, ემთხვია და მამა არსენს უთხრა:

- მეფე თეიმურაზმა თქვენთან გამომავაზუნა, მამაო...

- ვიცი, შვილო, - არ დაამთავრებინა სიტყვა არქიმანდრიტმა, - ქვედა ეზოში, ფერიცვალების ეკლესიასთან დამელოდე და მალე გეახლები.

ტალამ მორჩილად თავი დაუკრა მამაოს და ქვედა ეზოსკენ გასწია. გალავნიდან ეზოში რომ გადაიხედა,



ბერთა სიმრავლემ მოსჭრა თვალი, ბერული შესამოსელის ფერის გამო, ეზო მთლიანად გაშავებულიყო. ტალას რიჟრაჟზე დანახული ყარაიას ველი და მისი „შავი სუდარა“ წარმოუდგა თვალწინ. „რა მჭირს? - გაიფიქრა ტალაურმა, - მტერი და მოყვარე ერთმანეთში ამირია ამ შავმა ფერმა!“ მალევე ჩაირბინა კიბეებით ქვედა ეზოში, შევიდა ეკლესიაში, დავით გარეჯელის საფლავთან მუხლი მოიყარა, საფლავის ქვას ეამბორა, მერე თავი დაადო და ჩურჩულთ წარმოთქვა:

- წმიდაო მამაო დავით, გაილე მოწყალება და მადლითა შენითა იხსენ ჩემი სამშობლო მტრისაგან, როგორც შინაურისა, ისე გარედან მოსულისა. აგერ, ამ ქედს გადაღმა არიან დაბანაკებულნი ორივენი და არა მგონია, მაგათი საქმე მხოლოდ ნადირობა და გართობა იყო. მეოხ გვეყავ, წმიდაო მამაო უფალთან, რათა გადაარჩინო ჩვენი ქვეყანა აოხრებისაგან.

ტალა წამოდგა, გულის ჯიბიდან, თავისი ხელით დამზადებული სანთელი ამოიღო, დაანთო დავით გარეჯელის ხატთან, პირჯვარი გადაინერა და როგორც კი გასვლა დააპირა ტაძრიდან, მამა არსენიც შემოვიდა ეკლესიაში, კიდევ ერთხელ დალოცა ტალა და იქვე საკურთხევლის მარცხენა მხარეს კლდეში გამოკვეთილ სკამებისკენ მიიწვია. პირჯვარი გადაინერა, სტუმართან ერთად დაბრძანდა სკამზე და ჰკითხა ტალას:

- რა ხდება კახეთს? როგორ ბრძანდება მეფე თეიმურაზი?

- თეიმურაზი, მამაო, სულ ბრძოლაშია, - მიუგო ტალამ, - როგორც ჩანს ბრძოლით იქარვებს იმ დარდსა და





ნალველს, რომელიც შაჰმა ქვეყნისა და ოჯახის დანგრევით მიაყენა.

- ძალიან ცუდი დრო დაგვიდგა, შვილო, - თქვა მამამ და პირველი გადაიწერა, - ღმერთმა შეძლება მისცეს მეფეს, რომ ამ მტარვალებისგან იხსნას კახეთი.

- ღმერთმა გისმინოს, მამაო.

- ახლა რა მდგომარეობაა კახეთში? - ისევ იკითხა მამა არსენმა.

- სპარსეთ-ოსმალეთის განახლებულმა ომმა ჩვენზეცა იმოქმედა, - უპასუხა ტალამ, - შაჰის მიერ თეიმურაზის მაგივრად დანიშნული თეიმურაზის გამაჰმადიანებული ბიძაშვილი ისა-ხანი სპარსეთში გაემგზავრა და კახეთი ჯორჯაძე და ჯანდიერ დაუტოვა. ამათ კიდენა თეიმურაზი იმერეთიდან გადმოიყვანე და აჯანყებისთვის მოემზადნენ. კახეთ შირვანიც აიყვა. ცბიერმა შაჰმა მაშინვე იყნოსა, რომ აჯანყებაში ოსმალთა ხელი ერია და კახეთში ალი-ყული-ხანი გამოავაზვნა ხუთმეტიათასიანი ჯარითა. თეიმურაზმა კუდით ქვა ასროლინა ალი-ყული-ხანსა და მიწაითან გაასწორა. სპარსეთის ლომი ძალიან გაუმწარებია ამ ამბავსა და აგერ დიდძალი ლაშქრითა მოადგა ჩვენ ქვეყანასა, თან თვითონვე უსარდლა და ვითომ სანადიროდ არი გამოსული ყარაიაზე. როდღი იყო ამხელა ლაშქრით სანადიროდ დადიოდნენ.

- მართლა ნადირობენ, შვილო, - ამოიოხრა მამა არსენმა, - შენუხებულები ვართ მაგათი მეომრებით, ხან რას გვთხოვენ და ხან რას. ჯერ იყო და მაგათი მორიგე ჯარის სარდლის - ყარაიას ხანის მეომრებით ვიყავით

შენუხებულნი და ახლა ნელა-ნელა სხვებიც მიემატნენ. მართალია არ გვანოკებენ, მაგრამ რაც მოენონებათ ყველაფერი მიაქვთ, საჭმელ-სასმელზე არაფერს ვამბობ, ჩვენ ბერები ვართ და შიმშილს ადვილად გადავიტანთ. ეს სათნოც არის ღვთისთვის, მაგრამ სინმიდეებზე ვდარდობ. ეს ხომ ჩვენი საუკუნოვანი განძია, წმიდა მამების მიერ დატოვებული. მუსლიმებისთვის ის მოხმარების საგანია, ხოლო ჩვენთვის სინმიდე. ეს თუ ვერ დავიცავით ჩვენ რა კაცები ვიქნებით.

- სწორედ მაგისტრინ გამომაგზავნა მეფემ, მამაო, - შეაგება სიტყვა ტალამ, - სინმიდეები და საგანძური უნდა გადავიტანო ქვეყნი შიგნით მიუვალ ადგილებზე. კახეთში ამ გზით მე თვითონ ბევრი რამ გადავარჩინე. თუ თქვენი კურთხევაც იქნება მე დღესვე შევუდგები მაგ საქმესა...

- ჩვენი ყველაზე დიდი სინმიდე დავით გარეჯელის მიერ იერუსალიმიდან ჩამოტანილი მადლის ქვაა, - თქვა მამაომ და პირჯვარი გადაინერა, - შეგვენიოს მისი მადლი და ის წმიდა ნაწილები, რომელიც ჩვენს საძვალეებში ინახება. მათი გადაბრძანება მცხეთის საკათოლიკოსო ტაძარშიც სურდათ, მაგრამ ლუარსაბ მეფის დატყვევების შემდეგ ველარ გაბედეს, რადგან შაჰის მსახვრალი ხელი ქართლსაც გადასწვდა. მართალია აქ ჯერჯერობით უსაფრთხოდ არის ეს ყველაფერი, მაგრამ ცუდი წინათგონობა მეუფლება ხოლმე და სჯობს, რომ ქვეყნის სიღრმეში შევაბრძანოთ, ისე, როგორც წმიდა ნინოს ჯვარია დაბრძანებული გერგეტს.



- გეთანხმები, მამაო, - მიუგო ტალამ, - ჯერ კიდევ სპარსეთში წასვლამდე ქეთევან დედოფალიც აფრთხილებდა თეიმურაზსა, რომ სინმიდეების დაცვაზე ეზრუნა და ხშირად ეუბნებოდა: „აქამდე რომ მოვიდა ჩვენი სამშობლო, ეს ყველაფერი ღმერთის დამსახურებაა და ამიტომ მის ნაბოძებ სინმიდეებს თვალის ჩინივით უნდა გაფრთხილებო“. თანაც, მამაო, დილას ვუყურებდი ყარაიას ველსა და მართლა დიდი ლაშქარი შეუკრებია შაჰსა, რაღაც საშინელებას გვიმზადებს. გზამკვლევებად კი ჩვენი სისხლი და ხორცი ჰყავს, რომლებიც თეიმურაზზე გულმოსულები არიან და ყველაფერ გააკეთებენ, რომ შური იძიონ. იმაი კი აღარ ფიქრობენ, რომ ამით განადგურების პირაი მიიყვანენ სამშობლოსა.

- კარგი, შვილო, - თქვა მამა არსენმა და წამოდგა, - დღეს დიდი ხუთშაბათია, მალე წითელი პარასკევი დადგება და ნურაფერს მოვკიდებთ ხელს. შაბათს კი ყველა სინმიდეს გადმოგცემთ და დარწმუნებული ვარ, რომ ღმერთის შეწევნით უსაფრთხო ადგილას დააბრძანებთ.

### III

წითელ პარასკევს ყარაიას ველზე ღრუბლიანი დილა გათენდა, მტკვრიდან ნიავს სუსხი მოჰქონდა. ავის-მომასწავებლად გამოიყურებოდა არემარე. მიუხედავად ამისა, სპარსელთა ბანაკში დიდი ჩოჩქოლი ატეხილიყო. შაჰ-აბასი სანადიროდ მიბრძანდებოდა და იყო გაუთავე-

ბელი სამზადისი. შაჰს ნადირობა ძალიან უყვარდა, როგორც ცხოველებზე, ასევე ადამიანებზე. თუ ნადირობა წარუმატებელი გამოდგებოდა, მაშინ ადამიანებზე იყრიდა ხოლმე ჯავრს, რათა თავისი სისხლსმონყურებული ვნებათა ლელვა დაეცხრო. მისმა გარემოცვამ ეს კარგად იცოდა და ამიტომაც გამალებულნი შესდგომოდნენ ნადირობისწინა სამზადისს.

უცებ, ყველა და ყველაფერი გაჩერდა ბანაკში. ნიავმაც კი შეაჩერა თავისი თავისუფალი ქროლვა. სანადიროდ გასარეკმა ძაღლებმაც შეწყვიტეს ნკმუტუნი. იარაღთა და აბჯართა ჟღარუნიც აღარ ისმოდა. ბანაკის სიღრმეში გამოჩნდა სპარსეთის ლომად ნოდებული შაჰ-აბასი, შემოსილი სანადირო აღკაზმულობით, თეთრ ცხენზე ამხედრებული ეშმაკივით მოიზღაზნებოდა და ზევიდან დაჰყურებდა მის გარშემო ერთგული ძაღლებივით მოლაქუცე ქვეშევრდომებს. იქვე ახლოს მოღების მთელი არმია დაჩოქილიყო და შაჰის სადიდებლად თავს ურტყავდნენ მრავალჭირგამოვლილ ქართულ მინას.

მესაყვირებმა ნიშანი მისცეს და ირანის მბრძანებელი მრავალეროვან ამაღასთან ერთად წავიდა სანადიროდ...

...ამავე დროს ჩიჩხიტურის კოშკიდან კახეთის მიმართულებით შათირმა გაჰქუსლა, რათა მოეხსენებინა მეფისთვის ირანელთა გადაადგილების შესახებ. ამ მიზნით, ყოველდღიურად ორი-სამი მალემსრბოლელი მაინც მიდიოდა კახეთსა და ქართლში ამბის ჩასატანად. კარს მომდგარი მტერი არ ჩქარობდა ადგილიდან დაძვრას. სისხლისმსმელ შაჰს რაღაც მზაკვრობა ჰქონდა გულში



ჩადებული და ამას არავის უმხელდა, გარდა იმ ეშმაკთა ლეგიონისა, რომელთა უხილავ გარემოცვაშიც ის იმყოფებოდა. კარგად იცოდა აბასმა, რომ ქართველების გატეხვა არ იყო ადვილი, სანამ ისინი ქრისტეს რჯულზე მყარად იდგნენ. ამიტომაც პირველი იერიში ქრისტიანობაზე მიიტანა. რწმენის მოშლა ქართველების დაქსაქსვას გამოიწვევდა და მათი დამარცხება ადვილი იქნებოდა. ისიც კარგად იცოდა, რომ მართლმადიდებლობის დაშლა სათავიდან უნდა დაეწყო. მეფის კარის რწმენის გარეშე დატოვება მთელ სამეფოს გადაედებოდა და ეს კი მუსლიმების ნისქვილს დაასხამდა წყალს. ამის გამო სპარსეთში იბარებდა ქართლელ და კახელ თავად-აზნაურებს და რჯულის შეცვლას სთხოვდა. წინააღმდეგ შემთხვევაში წამებით ხდიდა სულს. არც მეფე ლუარსაბის ციხეში გამოკეტვას მოერიდა და ამით აჩვენა ქართველებს, რომ უნდა ელიარებინათ ალაჰი და მიეღოთ მუსლიმანობა. ბევრმა ქართველმა აღიარა მაჰმადის რჯული, შაჰისგან წყალობაც მიიღო და მის სამსახურშიც ჩადგა. მხოლოდ თეიმურაზ მეფეს ვერ უხერხებდა ვერაფერს. თუმცა ამის საშუალებაც მიეცა, როდესაც მეფეს მეუღლე, მამია გურიელის ასული ანა გარდაეცვალა. შაჰმა მგლოვიარე თეიმურაზი თავისთან მიიწვია - „განძარცვა გლოვა, ანადიმებდა და ანადირებდა მარადლე“, გულში კი მზაკვრობა ჰქონდა ჩადებული სეფევიდების იქედნეს. ერთ-ერთი ნადირობის დროს, შაჰმა ჰკითხა თეიმურაზს:

- როდემდე აპირებ მარტოდ ყოფნას? შენ ცოლი გჭირდება, კახეთს კიდეც - დედოფალი?

თეიმურაზი არც დაფიქრებულა და უმაღლესი გასცა პასუხი:

- ანას გარდაცვალების შემდეგ ცოლის მოყვანაზე არც მიფიქრია, დიდო შაჰო, ხოლო რაც შეეხება დედოფლობას, კახეთის დედოფალი დედაჩემი გახლავთ და სანამ ცოცხალია, ვერავინ შეცვლის მას.

არ მოეწონა აბასს თეიმურაზის პასუხი, თუმცა არ შეიმჩნია, თავისი მოჭყუტული თვალები გააფართოვა, გაიღიმა და ღიმილითვე წარმოთქვა:

- ქეთევანი აქაც კარგად გრძნობს თავს შენს შვილებთან ერთად, შენ კი მარტო ხარ სამეფოში. ამიტომ გირჩევ შეირთო ცოლად ლუარსაბ ქართლის მეფის და ხორეშანი და გახდი ჩემი ქვისლი და ლუარსაბის მოყვარე, ამით შენ ცოლი გეყოლება გვერდით და სამივენი სიამტკებლობით გავატარებთ ალაჰისგან ბოძებულ სიცოცხლეს. აბა, რას იტყვი, თეიმურაზ?

თეიმურაზი არ მოელოდა შაჰისგან ასეთ შეთავაზებას. მოსმენილით ძლიერ შეწუხდა, რადგან ხორეშანი მისი ნათესავი გახლდათ. ხორეშანის ბებია ნესტან-დარეჯანი თეიმურაზის პაპის ალექსანდრეს და იყო. მეფემ როგორც კი დააპირა პასუხის გაცემა, მაშინვე დაასწრო შაჰმა, თვალებში ჩახედა მარცხენა წარბანულმა და განრისხებისაგან ლოყებანითლებულმა კბილებიდან გამოსცრა:

- მოიყვან ხორეშანს, რადგან მე ძალიან მსურს შენი ქვისლობა!

- შენი ქვისლობა მეც მსურს, დიდო შაჰ, მაგრამ მე ქრისტიანი ვარ და ჩემი რჯული ამის უფლებას არ მძ-



ლევს. - მიუგო თეიმურაზმა და თან გაიფიქრა - „იქნებ ამან მაინც გადააფიქრებინოსო განზრახვა“ - თუმცა ამის იმედი არ ჰქონდა, მაგრამ მაინც სცადა.

შაჰმა წინასწარ იცოდა, რომ თავის გასამართლებლად თეიმურაზი რჯულს მოიშველიებდა. ხორეშანი თეიმურაზის ნათესავი იყო და შაჰმა კარგად იცოდა, რომ მათ მართლმადიდებელი ეკლესიის კანონიკით ეკრძალებოდათ შეუღლება. ხოლო თუ შაჰი შეძლებდა, რომ ეს ქორწინება შემდგარიყო, მაშინ ამით შეარყევდა ქართული ეკლესიის სიმტკიცეს და კახეთი ადვილად დასამორჩილებელი გახდებოდა. ამასთან, აბასმა ლუარსაბსაც მისწერა, რათა ხორეშანი მიეთხოვებინა თეიმურაზისთვის. მის სიტყვას ვერც ლუარსაბ მეფე გადავიდა და დათანხმდა თეიმურაზის და ხორეშანის ქორწინებას, ოღონდ ეს შეუღლება მოხდა მას შემდეგ, რაც თეიმურაზმა „საკანონო“ გაიღო. დარბაზმა და კათოლიკოსმა გადანყვიტეს თანხმობა მიეცათ თეიმურაზის და ხორეშანის ქორწინებისთვის უფრო იმიტომ, რომ ორი სამეფოს - ქართლისა და კახეთის ძალები ერთიანდებოდა და მას დიდი მნიშვნელობა ექნებოდა ქვეყნის თავდაცვისათვის.

ცბიერმა შაჰმა დაინახა რა, რომ თეიმურაზის და ხორეშანის შეუღლებით ხალხში ეკლესიისადმი რწმენას ბზარი გაუჩინა, დაიწყო თავისი ძირითადი მზაკვრული გეგმის განხორციელება. თითქოსდა ხორეშანის შერთვა თვითონ სურდა და წაართვა თეიმურაზმა - „რომელიცა დაი ვჰთხოვე ლუარსაბს, იგი წამართვა მე თეიმურაზ“

და მძვინვარედ მბორგალი შეკრებელი სპათა იქმნა და წარმოვიდა საქართველოსა ზედა და თანა წარმოიყვანა ნუგზარიცა და სააკაძის ძე გიორგი, ორგულნი მემკვიდრისა მეფისა თვისისა და მამულისანი, მოსრულმან შაჰ-აბას აღვანიად ქალაქსა, ზედწოდებულისა განძად, ჰკითხა გიორგი სააკაძეს, რომელსა უყოფდა წყალობასა და პატივსა ეტიკობისათვის<sup>17</sup> საქართველოსა და კახეთის აოხრებისა: „ვითარმედ თქვენ შორის კაცსა ცოლ-წაგვრილსა რაიმე თანა აძს?“ მიუგო გიორგი სააკაძესმან შაჰ-აბასს: „ეგევეითარი კაცი წამგვრელსა ცოლისასა აღუოხრებს მამულსა, თუ სადამდე ძალუძს მორევნა და წარმოჰსტყვენავს ყოველსავე მისსა და მოჰკლავსცა“. ხოლო რქვა ესე გიორგი ამისათვის, იცოდა, ვითარმედ თეიმურაზისათვის ჰკითხავს იგი, კახთა მეფესა. მიუგო შაჰ-აბას: „მე ვარო, რომელსა წამგვარა ცოლ თეიმურაზ“.

ასე მზაკვრულად მომართა შაჰ-აბასმა საქართველოსკენ მახვილი. ცხადია, თეიმურაზის მეუღლე მხოლოდ საბაბი იყო შაჰისთვის, სინამდვილეში მან საქართველოსთვის მოიცალა მას შემდეგ, რაც ოსმალეთთან ომი გამარჯვებით დაამთავრა და ზავი დადო. მიუხედავად გამარჯვებისა შაჰი ხედავდა, რომ ოსმალეთმა დროებით აიღო ხელი აღმოსავლეთ საქართველოზე. ასევე არ გამორიცხავდა რუსეთის ხელახალ ჩარევას საქართველოს საქმეებში. ამიტომ აბასი თავის გადაუდებელ ამოცანად სახავდა ქართლ-კახეთის სამეფოების მოსპობას, იქ მუსლიმანების ჩასახლებას და სახანოების შექმნას. ჯერ





კიდევ ათას ექვსას თორმეტი წლის ზაფხულში შაჰმა თეიმურაზი და ლუარსაბი, ნადირობის საბაბით, მაზანდარანს დაიბარა. მეფეები არ ენდვნენ მას და არ ნავიდნენ. ლუარსაბისა და თეიმურაზის საქციელი აჯანყებას უდრიდა, ამით ისინი შაჰის ვასალობაზე უარს ამბობდნენ. ერთი წლის შემდეგ შაჰ-აბასი დიდი ლაშქრით ირანიდან საქართველოსკენ დაიძრა. შაჰმა ზამთარი განჯაში გაატარა და კახეთში მხოლოდ ათას ექვსას თოთხმეტი წლის გაზაფხულზე შეიჭრა. განჯიდან შაჰმა თეიმურაზს კაცი გაუგზავნა და მძევლად შვილები მოსთხოვა. თეიმურაზს არ უნდოდა მძევლების მიცემა, რაშიც კახელებმა მხარი არ დაუჭირეს და იგი იძულებული გახდა, ჯერ უმცროსი ალექსანდრე და ქეთევან დედოფალი გაეგზავნა შაჰთან, მერე კი უფროსი შვილი - ლევანი. ამის შემდეგ შაჰმა თეიმურაზიც დაიბარა თავისთან, მაგრამ თეიმურაზი არ ნავიდა. კახელები მიხვდნენ, რომ შაჰ-აბასს ბაგრატიონების ამონყვეტა და კახეთში შეჭრა ჰქონდა გადაწყვეტილი. სასწრაფოდ შეუდგნენ თავდაცვითი ნაგებობების მშენებლობას, მაგრამ უკვე გვიანი იყო.

შაჰთან შებრძოლების შემდეგ თეიმურაზმა უკან დაიხია, ალყას თავი დააღწია და ქართლში გადავიდა. ლუარსაბმა, რომელსაც ასევე არ შეეძლო წინააღმდეგობა გაენია შაჰისათვის, თეიმურაზთან ერთად იმერეთში გადავიდა. აბასმა ხელთ იგდო თორღვას ციხეში შენახული კახეთის სამეფო განძეულობა და თეიმურაზის მთელი ქონება. შეესივნენ მთელ კახეთს, მხოლოდ ერწო-თიანეთიდან ოცდაათი ათასი ტყვე გაიყვანეს. ქვეყანას თითქ-

მის ორი თვის განმავლობაში აოხრებდნენ. ამის შემდეგ შაჰი ქართლში გადავიდა და გორს დადგა. იქიდან იმერთა მეფეს შეუთვალა მასთან მყოფი თეიმურაზი და ლუარსაბი გადმოეცა. იმერთა მეფემ ძვირფას სტუმრებს არ უღალატა და უარით გაისტუმრა ირანის მბრძანებელი. შემდეგ ლუარსაბი თავისი ნებით ესტუმრა შაჰს, ხოლო თეიმურაზი - არა.

ათას ექვსას თხუთმეტი წლის ალავერდობის დღესასწაულზე, დავით ჯანდიერის თხოვნით, სპარსელებმა ქართველებს ნება დართეს დასწრებოდნენ სადღესასწაულო წირვას. იმ დროს ალავერდის მონასტერი სპარსელებს ციხე-სიმაგრედ ჰქონდათ გადაკეთებული და მათი ლაშქრის ძირითადი ნაწილიც იქ იყო დაბანაკებული. წირვის დამთავრების შემდეგ, დათქმულ ნიშანზე ქართველებმა დამალული იარაღი იშოშვლეს და მუსრი გაავლეს ყიზილბაშებს. მალე იმერეთიდან მეფე თეიმურაზიც ჩამოვიდა, აჯანყებას სათავეში ჩაუდგა და დაიწყო კახეთის განმენდა სპარსთაგან. საპასუხოდ შაჰმა რჩეული მეომრებისაგან თხუთმეციათასიანი არმია შეადგინა და კახეთს შეუსია. თეიმურაზი წინამურთან შეება მტერს და ერთიანად ამოხოცა. ბრძოლა სულ რამდენიმე ჟამს გაგრძელდა. ქართველებმა ბრწყინვალე გამარჯვება იზეიმეს...

...და აი, ახლა კახელებზე გახელებული შაჰი თბილისსა და ყარაიას ველზე აგროვებდა ლაშქარს. ნაწილი ხერკსა<sup>18</sup> და ერწო-თიანეთს უნდა შესეოდნენ, ხოლო თვითონ - კახეთს. ამასთან შეუთვალა დაღესტნელებს:



„მნებავს მონყვედა კახეთისა და რომელნი შემოვიდნენ თქვენ კერძთა მათთა შინა, თქვენ მოსრენით და ტყვე ყვენით იგინი და აღგავსნე მეცა ნიჭითა“...

...თვითონ კი სპარსეთის ლომი ყარაიას ველზე ნადირობით ირობდა თავს...

...ნითელ პარასკევს, მიმწუხრისას, მონადირენი ნადირევით დატვირთულნი შემოვიდნენ ბანაკში. ფრინველი და ნადირი არ დატოვეს ყარაიაზე. დახოცილი ქურციკებით დატვირთულ ურმებს ბოლო არ უჩანდა, ფრინველებს ხომ ვერ დაითვლიდა კაცი. თითქოს, რაც კაკაბი და ხოხობი იყო მტკვრის ჭალებში ერთიანად გაეწყვიტათ. კარგ ხასიათზე იყო შაჰ-აბასი. ჩამოხდა ცხენიდან, იხმო ვეზირები და გასცა ბრძანება:

- სანამ ჩვენი სახანოებიდან ლაშქრის შევსებას მივიღებთ, ხვალიდან ნანადირევით გავიროთთ თავი! დღეს კი დასვენება მიბრძანებია!

#### IV

ვნების კვირის შაბათი თენდებოდა, როდესაც ჩიჩხიტურის მონასტერთან მეფის გამოგზავნილი შათირი მიიჭრა. ტალა იკითხა. მერე ჭენებისაგან დაღლილი ცხენი გუშაგებს მიაბარა, თვითონ კი კოშკისკენ გაეშურა.

ტალა იარაღასხმული, ქანდაკებასავით იდგა კოშკის გვერდზე და მისკენ მომავალ მაცნეს ელოდებოდა.

- გამარჯვება, ტალავ! - მოსვლისთანავე შესძახა შათირმა.

- გაგიმარჯვნოი, სესეე! - მაშინვე იცნო ტალაურმა, ჯერ კიდევ დილის სიბნელეში მომავალი თანამებრძოლი. ვაჟკაცები ერთმანეთს წესისამებრ მარჯვენა მხარზე ემთხვივნენ და ერთმანეთი მოიკითხეს.

- ტალა, - უთხრა სესემ თანამებრძოლს, - თვით მეფე თეიმურაზმა გამომამგზავნა შენთან.

- რა ხდება, ძმობილო, ახალია რაიმე?

- შაჰი არა მარტო კახეთის და კახელების, არამედ ეკლესია-მონასტრების მიწასთან გასწორებაი აპირებს, - მიუგო სესემ, - მეფეი არ უნდა, რომა განმეორდეი თორღვაი ციხეში გადამალულ სამეფო განძეულობის დატაცების მსგავსი რამ და ამიტომ დაგავალა, რომა გარეჯიი მონასტრების სინმიდეები სასწრაფოდ მოაგროვო და გადამალო მტრისგან მიუწვდომელ ადგილასა.

- ამისთვინ ვარ აქ ჩამოსული, - განუცხადა სესეს გაკვირვებულმა ტალამ, - ხვალ საღამოი ყველა მონასტრიდან დავითი ლავრაში მოიტანენ სინმიდეებ და გადმომცემენ. აბა, ხო იცი, გუშინ წითელი პარასკევი იყო და ყველა მონასტერი მღუმარებაში აღასრულებდა საღვთო მსახურებასა.

- დააჩქარე, ტალა, - თქვა სესემ, - მეფემ ბრძანა, თუ გარეჯიი სინმიდეებ გაანადგურებს მტერი, ქვეყანა დაიღუპებაო. ჩვენ კიდევ არ ვიცით, რა აქ ჩაფიქრებული ამ ეშმაკის მოციქულსა. დრო არ ითმენს, ძმობილო. მე თან წამოვიყვანე რამდენიმე რჩეული მეომარი, დაგიტოვებ მათ და დაგეხმარებიან.

- გასაგებია, ძმაო, გადაეცი მეფესა, რომა ყველაფერი ისე იქნება, როგორც ეს სამშობლოი და მეფეი ჭირდე-



ბა. რაც შეეხება მეომრებსა, ისინი სამშობლო დასაცავად გამოიყენეთ. ჩემს საქმეი მე მივხედამ.

- ღმერთი იყოი შენი მფარველი, ტალა! - შესძახა სესემ და დაემშვიდობა ძმობილს.

ტალამ თვალი გააყოლა კახეთისკენ მიმავალ თანამებრძოლებს, ჯვარი გადასახა, ავიდა კოშკთან და გადაიხედა ქედს იქით. დიდი შაბათის დილა ნელა-ნელა ძალას იკრებდა და ნათელს ჰფენდა არემარეს. დიდი სამზადისი იყო შაჰის ბანაკში. მრავალ ადგილას დაენტოთ ცეცხლი და იხარშებოდა და ინვებოდა ნითელ პარასკევს მონადირებული ფრინველ-ცხოველი. როგორც ჩანდა დიდი ნადიმისთვის ემზადებოდა ირანის მბრძანებელი...

...გარეჯის ქედზე კი შემოსულიყო დიდი შაბათი. ამ დღეს მაცხოვარი იმყოფებოდა საფლავში, ხოლო სულით ჩაბრძანდა ჯოჯოხეთში. შემუსრა ბჭენი ჯოჯოხეთისანი, გახსნა სამოთხის კარი და მართალთა სულები გადაიყვანა ჯოჯოხეთიდან სამოთხეში. ნმიდა იაკობ სპარსის სახელობის ეკლესიიდან ისმოდა ბერთა გალობა:

„...რაჟამს ჰშთახედ საფლავად, ცხოვრება ეგე უკვდავი, მაშინ ჯოჯოხეთი შეაძრწუნე, ელვითა მით ღვთაებისა შენისათა, ხოლო რა ჟამს მკუდარნი ქუესკნელით აღმოიყუანენ, მაშინ ყოველნი ძალნი ცათანი ჰღალადებენ, ცხოვრების მომცემელო, ქრისტე ღმერთო, დიდება შენდა... მსუროდა მაცხოვარებაი შენი, უფალო, და სჯული შენი არს ზრახვა ჩემდა. ცხონდეს სული ჩემი და გაქებდეს შენ და სამართალნი შენნი შემეწიენ მე, შევსცეთი მე ვითარცა ცხოვარი წყმედული; მომიძიე მონა შენი, რამეთუ მცნებანი შენნი მე არა დავივიწყენ...“.

ტალამ პირჯვარი გადაინერა და წმიდა დავითის ლავრისკენ გასწია.

როდესაც ტალა ლავრაში მივიდა წმიდა ბასილი დიდის ჟამის წირვა უკვე დაწყებული იყო. ყველა ეკლესია და მონასტრის ეზოები სავსე იყო ბერებით. მათი გალობა ზეცას სწვდებოდა:

- რაოდენთა ქრისტეს მიერ ნათელ გვიღებებს და ქრისტე შეგვიმოსიეს ალილუია...

ტალა ბოლომდე დაესწრო ჟამის წირვას, რადგან მამა არსენი უნდა ენახა და მერე შესდგომოდა სინმიდეების ნასაღებად მომზადებას. დღეს განსაკუთრებული მადლი მოჰფენოდა წმიდა დავით გარეჯელის დაარსებულ მონასტერს. ტალას გარშემო თითქოს რაღაც განსაკუთრებული სივრცე შეიქმნა, რომლის იქითაც ვერაფერს ხედავდა და ვერც გრძნობდა. ბოლოს, არაამქვეყნიური გალობა ჩაესმა: „ნუ მტირ მე, დედაო, მხილველნი საფლავთა შინა ძისა, რომელი მუცლად მიღე თვინიერ თესლისა, რამეთუ აღვსდგე და ვადიდო მე ღვთაებრ და მალალ ვჰყვენე დიდებით, სარწმუნოდ და სურვილით დაუცხრომელად შენნი მგალობელნი“. გალობის შემდეგ ტალას ისეთი გრძნობა დაეუფლა, თითქოს თვით იესო ქრისტე ჩამობრძანდა მონასტერში ანგელოზებთან ერთად.

ჟამის წირვის დასასრულს, შემდგომად ამბიონის ლოცვისა, მამა არსენმა პურისა და ღვინის კურთხევა აღასრულა და აგრეთვე კურთხევა მისცა ბერებს აღდგომის წირვა-ლოცვისთვის მომზადებულიყვნენ. ქადა-



გების დროს მამამ კიდევ ერთხელ გადაინერა პირჯვარი, გახედა სამწყსოს და წარმოთქვა:

- ძმანო, ღვთის ანგელოზი გამომეცხადა და მაუნყა: „უფალი ჩვენი იესო ქრისტე დღეს თავის ზეციურ სავანეში მოგინოდებთ ყველას. ამ ღამით თქვენ დიდი გამოცდა გელით - მახვილით მოისრებით. ვისაც სურს, დაზოგოს თავისი დროებითი სიცოცხლე, დაე, გაიქცეს ან დაიმალოს, ხოლო ვისაც სწყურია იხსნას სული თვისი მარადისობისათვის, მახვილით მოწყდება და უფლის მიერ უხრწნელი გვირგვინით შეიმკობა. გამოუცხადე ღმრთის ეს მონოდება სავანეში შეკრებილ ყველა ბერს“. აჰა, გაუნყეთ ყოველივე, რაც მითხრა ანგელოზმა. გადანყვეტილება თქვენ თვითონ მიიღეთ. სააღდგომო ლიტურგიას წესისამებრ შუალამისას დავინყებთ ქედზე მდებარე აღდგომის ტაძარში.

ბერებმა მამა არსენის კურთხევა მორჩილებით მიიღეს და დაიწყეს მონამეობრივი ღვანლისთვის მზადება.

მამა არსენმა ტალას გარეჯის მონასტრებიდან მოტანილი სინმიდეები გადასცა, ასევე მადლის ქვაც, დალოცა, ჯვარი გადასახა და მშვიდობიანი და უსაფრთხო მგზავრობა უსურვა.

ტალა არ ჩქარობდა. მამა არსენის სიტყვები ისევ თავში უტრიალებდა. ბრძოლებში გამობრძმედილმა ვაჟკაცმა ვერ მოითმინა და უკვე საკურთხეველში შესასვლელად მომზადებული მოძღვარი შეაჩერა და უთხრა:

- მამაო, დავრჩები. თავ შევაკლავ მტერსა და ქრისტი მსახურები გაჟლეტის უფლება არ მიცემ. ჩემნაირი კიდევ ორი მელოდება ჩიჩხიტურის მონასტერშია.

- არა, შვილო, - მიუგო მამა არსენმა, - ეს ჩვენი ჯვარია და მორჩილებით უნდა შევხვდეთ ამ გამოცდას. მხოლოდ ერთი რამ მთრგუნავს, რომ მტერთან ჩვენი თანამემამულეებიც არიან და თანაც რჯულშეცვლილნი. ალბათ, ისინი გამოუძღვებიან მტარვალებს. აკი უთქვამს იმ ურჯულო შაჰ-აბასს: „რჯულშეცვლილი გურჯი ყველაზე დაუნდობელი მტერია საქართველოსი. თუ მოახერხებ მას ფესვი ამოჰგლიჯო, შენი ბრმა მონა იქნება მარადჟამს. მას ვაზის თვისება აქვს, თუ სხვაგან გადარგავ - უფერულდება, ველურდება და გადაგვარდება. შემდეგ უმადური შვილივით ეცდება თავისი სულმოკლეობა სამშობლოს გადააბრალოს“.

- ნუ იყოფინ, მამაო.

- ნუ იყოფინ, შვილო.

## V

ნადირობისა და გართობისაგან გადაღლილმა შაჰ-აბასმა ნაშუადღევს თავის მოსასვენებელში ამოიკნავლა, რითაც მსახურების მთელი არმია დააფრთხო. მას ქვეშევრდომები ხშირად სამყაროს მბრძანებელთან ერთად სპარსეთის ლომსაც უწოდებდნენ, თუმცა ლომამდე ვერ სწვდებოდა მისი უბოროტესი ქცევა და გონება. ახლაც ლომებრივი ღრიალის მაგიერ, თრიაქით და ღვინით გაბრუებულმა აბასმა კატისამებრ ძლივს ამოიკნავლა. კარვის მცველი და დასტაქარი ეახლნენ ხალიჩაზე გაგო-





რებულ მბრძანებელს. ნასმურევი როგორც იქნა გამოიყვანეს მდგომარეობიდან და მისი ჰარამხანის საყვარელ ხათუნებს ჩააბარეს.

მიმწუხრისას, შაჰმა დიდ კარავში ნადიმობა ბრძანა და გუშინდელი ნანადირევის დაგემოვნება ინება ვეზირებთან და სარდლებთან ერთად. დიდებული სუფრა გაიშალა მოფარდაგულზე. მონვეული დიდებულები ფეხმორთხმით განლაგდნენ მორთმეული ჭამადის გარშემო და ლხინის დანყებაზე ბალიშ-მუთაქებზე წამონოლილი შაჰის ბრძანებას ელოდნენ. შაჰმა ხელის ერთი გაქნევით ანიშნა თანამეინახეებს სერის დანყება და თვითონაც გემო გაუსინჯა მის წინ დადებულ ქურციკის მკერდის ხორცის ნაჭერს.

შაჰის მარჯვნივ ფეხმორთხმულმა, უკვე გამაჰმადიანებულმა ქართველმა დიდებულმა ასნია შარბათით სავსე ფიალა და ხმამაღლა შესძახა:

- დიდება ალაჰის წარმომადგენელს მინაზე, მსოფლიოს მბრძანებელს, სპარსეთის ლომს - დიდ შაჰ-აბასს!
- დიდება!..
- გამარჯვება!..
- ალაჰი იყო მისი მფარველი!..

მუთაქებზე წამონოლილმა აბასმა ხელი ასნია, რაც იმის მაუწყებელი იყო, რომ ყველა უნდა გაჩუმებულიყო და მოესმინა შაჰის სიტყვა. მან მის მარჯვნივ მსხდომ ქართველებს გახედა და დამცინავი მზერით წარმოთქვა:

- როდის იყო, რომ ქართველები სადღეგრძელოს შარბათით წარმოთქვამდნენ!? ღვინო შემოგელიათ თუ


რას მივანერო თქვენი საქციელი. მე შესანიშნავი ღვინო მაქვს და გინილადებთ.

მერე ანიშნა მსახურთუხუცესს და ამ უკანასკნელმაც მსახურებს უბრძანა მიერთმიათ ქართველი დიდებულებისთვის ღვინო. თვითონ კი შაჰს ვერცხლის ჯამში შარბათი ჩამოუსხა. ქართველებმა ერთმანეთს გადახედეს, ყველას ერთი რამ უტრიალებდა თავში: „მონამვლას ხომ არ გვიპირებს ამ სააღდგომოთო“. მაგრამ როდესაც შეხედეს შაჰს თუ როგორ გემრიელად გამოსცალა ფიალა, უღვაშებზეც ხელი კარგი მოქეიფე კაცივით გადაისვა და მოზრდილი ხორცის ნაჭერიც მადიანად გაძიძგნა, მიხვდნენ, რომ ის შარბათს არ მიირთმევდა, არამედ ღვინოს. ეს არც გაჰკვირვებიათ ქართველებს, რადგან იცოდნენ, რომ შაჰს ღვინო და მოლხენა უყვარდა და ამასთან ერთად კარგი მსმელიც იყო. არა ერთი ცნობილი თამადა ჰყავდა დამარცხებული ღვინის სმის დროს. თუმცა სიმთვრალის დროს ახირება უყვარდა. ახლაც, როგორც ჩანდა, დათრობას აპირებდა და ნადიმსაც დიდხანს გააგრძელებდა.

ლხინი მართლაც დიდხანს გაგრძელდა. მუსიკას და თათრულ სიმღერებს ჰარამხანის ქალთა თვალისმომჭრელი ცეკვები ანაცვლებდა. გუშინდელი დღის სიამოვნებით გადაღლილი შაჰი ვერ ისვენებდა. ბოლოს, მსახურთუხუცესი იხმო და უთხრა:

- მგონი დავიღალე, სუფთა ჰაერის ჩასუნთქვა მსურს. მერე ვნახოთ რა მომესურვება და გეტყვი.

მსახურთუხუცესმა შაჰი ნამოაყენა და კარვის გასასვლელისკენ გაუძღვა. შიდა და გარე დაცვამ ალყა



შემოარტყა აბასს და მისი ბრძანებისამებრ იწყო სვლა. შაჰი შეჩერდა, ზეცას ახედა და ჰაერი ღრმად ჩაისუნთქა, მერე გარეჯის მთებისკენ გაიხედა, დაღლილობისგან მოთენთილი უცებ გამოფხიზლდა, მარჯვენა ხელი წინ გასწია და ყულარაღასი იხმო.

- მე ალბათ თვალი მატყუებს, - ჰკითხა მის წინ თავდახრილ ქვეშევრდომს, - აბა, შენ შეხედე, იმ მთაზე მოძრავი ცეცხლის ზოლს თუ ამჩნევ?

ყულარაღასმა, რომელსაც ძალიან კარგი მხედველობა ჰქონდა, გაიხედა მთებისკენ, მართლაც შენიშნა მოძრავი ცეცხლის რკალი და შაჰს უპასუხა:

- მბრძანებელო, როგორც ყოველთვის, თქვენ მართალი ბრძანეთ. ეს მოძრავი ცეცხლის რკალია. თუ მიბრძანებთ ახლავე გავარკვევ, რა ხდება მთაზე.

შაჰმა წვერებზე ჩამოისვა ხელის მტევანი და იყვირა:

- ყარაიას ხანი აბდულა მომგვარეთ აჟ!

სულ მალე ყარაიას ხანი აბდულა ოთხად მოკაკუვული იდგა შაჰის წინაშე.

- აბდულა-ხან, რა ხდება იმ მთაზე!?

- მონასტრის ბერები თავისი ღმერთის - ქრისტეს აღდგომას ზეიმობენ, მბრძანებელო, - მიუგო აკანკალებული ხმით აბდულამ და კიდევ უფრო მოიკაკვა შაჰის წინაშე, - ისინი ყოველ წელიწადს ატარებენ ამ რიტუალს...

- და შენც არ უკრძალავ ხომ? - იქედნური ღიმილით წარმოთქვა შაჰმა. მან კარგად იცოდა ქრისტეს აღდგომის ძალა. ამიტომაც ვერ ამარცხებდა ქართველებს და ამიტომაც უნდოდა მართლმადიდებლობის განადგურება. ცხვირწინ აუნთეს სანთლები გააურებმა.<sup>19</sup>



- მბრძანებელო, - ფიქრი შეაწყვეტინა აბდულა-ხანის სიტყვებმა შაჰს, - ეგ ბერები ხიფათს არ გვიქმნიან, წყნარი ხალხია. თან თუ რაიმე გვითხოვია ყველაფერში გვეხმარებიან. სიკეთის მეტს არაფერს აკეთებენ ჩვენთვის.

- აბდულა! - იყვირა შაჰმა, - მეგონა ჭკვიანი იყავი და თურმე სულელი ჰყოფილხარ! „სიკეთის მეტს არაფერს აკეთებენ ჩვენთვისო.“, რომ ამბობ, ახლა თუ იცი, რას აკეთებენ!?

აბდულა-ხანს ხმა არ ამოუღია. ისევ აბასმა განაგრძო:

- ის ათასობით სანთელი რატომ აქვთ დანთებული იცი!?! თავის ღმერთს სთხოვენ, რომ დაეხმაროს მტრების წინააღმდეგ ბრძოლაში. ამიტომაც გელაქუცებიან, რომ ლოცვაში ხელი არ შეუშალო! შენი გათამამებულები ყოფილან, ასე ანთებული სანთლებით რომ გვიყურებენ და გვწყევლიან! - მერე მსახურთუხუცესს მიუბრუნდა და უბრძანა, - ამ მოლაღატის სარდალი მომიყვანე აქ და ყველას უთხარი, ვინც სუფრასთან ზის აქ მოვიდნენ!

უცებ მოგროვდნენ სპარსელი, ქართველი და სხვა დიდებულები შაჰის ირგვლივ, ერთმანეთს უყურებდნენ და ვერ გაეგოთ, რა ხდებოდა. მსახურთუხუცესმა აბდულა-ხანის სარდალი ისმაილი წარუდგინა შაჰს. ისმაილი შაჰის ფეხებთან დავარდა და თაყვანი სცა ქვეყნის მბრძანებელს. აბასმა თავისი მრისხანე თვალები შეავლო ირგვლივ შეკრებილ ქვეშევრდომებს და განუცხადა:

- შეხედეთ! იმ ცეცხლოვან რკალს მთაზე რომ მოსჩანს! ეს ქრიტეანეთა რისხვის გამოხატულებაა, რომელიც აი, ამ მოლაღატე აბდულა-ხანმა სიკეთედ მონათ-

ლა! როგორ გაბედეს გიაურებმა ჩემი მყუდროების დარღვევა და მასხრად აგდება!..

...სამარისებური სიჩუმე ჩამოვარდა ირგვლივ, მხოლოდ მრავალ ადგილას დანთებული ცეცხლის ავისმომასწავებელი ბრიალის ხმა არღვევდა არემარეს... ისევ იღრიალა სპარსეთის ლომმა:

- ხმალი!

მოართვეს მაშინვე ორღესული.

- ისმაილს მიეცით და თავის ყოფილ ხანს აბდულას, როგორც სამშობლოს მოღალატეს, ჩვენს თვალწინ მოჰკვეთოს თავი და ამიერიდან ყარაიას მმართველად დამიდგენია და ხანის წოდებაც მიმინიჭებია!

ისმაილს როგორც ჩაესმა შაჰის ბრძანება და თან ისიც, რომ ის ხანად აღიარა მბრძანებელმა, აბასის ფეხებთან განრთხმული მსწრაფლ წამოხტა, ჩამოართვა აბასს ხმალი და ელვისუსწრაფესად გააგდებინა თავის უფროსყოფილს თავი.

შაჰ-აბასმა ჩაისუნთქა ახლად დაღვრილი სისხლის სუნით შეზავებული ყარაიას ველის ჰაერი და ნასიამოვნებმა ბრძანა:

- აი, ასე დააყრენეთ თავები ქრისტიან ბერებს, რომლებმაც გაბედეს, ალაჰს შესცოდეს და ჩემი მყუდროება დაარღვიეს!

მერე მიუბრუნდა ქართველ დიდებულებს, გაულიმა და კბილებში გამოსცრა:

- აბა, გურჯებო, დაგვიმტკიცეთ, რომ თქვენ ქრისტეს კი არა, ალაჰის მონები ხართ და თქვენი წინამძღო-



ლი წინასწარმეტყველი მუჰამედია! თავები დააყრევინეთ თქვენს თანამემამულეებს და საბოლოოდ ვირწმუნებ თქვენს ერთგულებას!..

მცირეხნით შეწყვიტა სისინი შაჰმა, ისევ გარეჯის მთებისკენ გაიხედა და განრისხებულმა იყვირა:

- თუ არა და აბდულას ბედს გაიზიარებთ!

მერე წასვლა დააპირა. გადადგა რამდენიმე ნაბიჯი და ისევ შეჩერდა, შემოტრიალდა. ხეებივით ადგილზე გაქვავებულ და უკვე სრულიად გამოფხიზლებულ ქვეშევრდომებს კიდეც ერთხელ დაუბრიალა თვალები და ამოიკნავლა:

- ყველა მონასტერი ააოხრეთ და ცეცხლს მიეცით! ის-მაილ-ხან, შენ უსარდლე ჯარს და შედეგიც შენ მომახსენე!

- ალაჰ აკბარ! - ამოიხრიალეს შაჰის ერთგულმა მონებმა და ხელები ზეცაში ალაპყრეს.

ყარაიას მმართველად ახლად დანიშნულმა და ხანად მონათლულმა ისმაილმა შაჰის ნაბოძები ორლესული, აბდულა-ხანის სისხლით შეღებილი ხმალი ზევით ასწია, ფეხი დააბიჯა ამ უკანასკნელის ჯერ კიდეც თბილ უთავო სხეულს და იყვირა:

- მომყევით, ერთიანად ავჩეხოთ ურჯულო გურჯები!

სპარსელები კალიებივით შეესივნენ გარეჯის მთებს...

...კაშკაშა მთვარე დაჰნათოდა ღვთისმშობლის წილ-ხვედრ მიწას...

...აღდგომის ღამეს, ბერების მიერ ანთებული ათასობით სანთელი, ვარსკვლავებით მოჭედნილ ცასთან







ერთად ირგვლივ არაამქვეყნიურ იდილიას ქმნიდა. იქ მოხვედრილ ადამიანს გამუდმებული ლოცვის სურვილი გაუჩნდებოდა, თუმცა საკითხავი ის იყო აქ, დედამინაზე თუ ზეცაში...

სპარსელები მალევე მიადგნენ ქედზე მდებარე ალდგომის ტაძარს, მიმდებარე ტერიტორიაზეც განლაგდნენ და სავანეც ალყაში მოაქციეს, რათა არავის შეძლებოდა გაქცევა. წირვა უკვე მთავრდებოდა და ბერები „მამაო ჩვენოს“ გალობდნენ. მიუხედავად იმისა, რომ მათ შენიშნეს მომხვდური, მსახურება არ შეუწყვეტიათ. ყველამ იცოდა თავისი აღსასრულის შესახებ და ამიტომაც მორჩილებით შეხვდნენ განსაცდელს. მამა არსენმა შეიტყო რა სპარსელების გამოჩენა, მაშინვე გავიდა და მომხვდურის მეთაურთან შეხვედრა ითხოვა. ორმა ყიზილბაშმა შეიპყრო იგი და მიიყვანა ისმაილ-ხანთან, რომელიც ამ დროს შაჰის ბოძებულ ხმალს, რომლითაც აბდულა-ხანს თავი მოკვეთა, სისხლს აცლიდა.

- რაო, გიაურო!? - იყვირა ახლად ხანად აღზევებულმა ისმაილმა, ისე, რომ თავი არც აუნევია და ხმალზე შემხმარი სისხლის აფხეკით იყო დაკავებული, - რაო, შეწყალების სათხოვნელად ხომ არ მოხვედი!?

მამა არსენი იცნობდა ისმაილს. ის აბდულა-ხანთან ერთად ხშირად მოდიოდა მონასტერში და მეომრებისთვის პური და სხვა საწვავი მიჰქონდა. ამიტომ მამაომ ჩვეულებრივად მიმართა:

- ისმაილ...

- ისმაილ-ხანი! - იყვირა სარდალყოფილმა და მხოლოდ ახლა შეხედა მამაოს თვალებში, თუმცა ვერ გაუძ-

ლო მის სათნო მზერას, ისევ განაგრძო ხმალზე მიმხმარი სისხლის ფხეკა და თან კითხვა დაუსვა მამაოს, - როგორ ფიქრობ, ხმალს სისხლს რატომ ვაცლი?

მამა არსენმა არ უპასუხა ისმაილს და მხოლოდ თავი დახარა. ბერის ამ საქციელმა გაალიზიანა ისმაილი და შეუღრინა მამაოს:

- ამ ხმალზე აბდულა-ხანის სისხლია, რომელსაც მე შაჰის ბრძანებით თავი მოვკვეთე. მართალია ის მოლა-ლატე იყო და სასჯელსაც სამართლიანად იმსახურებდა, მაგრამ მაინც არ იქნება სწორი, რომ მუსლიმანის სისხლი ქრისტიანების ბინძურ სისხლს შეეჯერო. ახლა ხომ ხვდები, რისთვის მოვედით აქ!


- ვიცი, ისმაილ...

- ხანი!.. ისმაილ-ხანი!.. - ისევ შეუსწორა სპარსელმა.

- კარგი, ისმაილ-ხან, - დააკმაყოფილა მამა არსენმა მომხვდურის სურვილი. - ვიცი, რისთვისაც ხართ მოსულნი და ჩვენ უყოყმანოდ დაგემორჩილებით, რათა აღსრულდეს ღვთის განგება. მხოლოდ ერთი სათხოვარი გვაქვს, სიკვდილით დასჯამდე წირვის დასრულებისა და ზიარების უფლება მოგვეცით.

სპარსელებმა მოითათბირეს და გადაწყვიტეს, მცირე დროის შემდეგ აღსრულებინათ შაჰის ბრძანება. მამები ეზიარნენ ქრისტეს სისხლსა და ხორცს, ერთმანეთი გაამხნევეს და საზეიმოდ შემოსილნი წარსდგნენ ურჯულთა წინაშე.

ისმაილმა, ყველას დასანახად, პირველად მამა არსენს მოჰკვეთა თავი. შემდეგ სპარსელები დაერივნენ ბერებს და უმოწყალოდ აჩეხეს ისინი...



...აღმოსავლეთით ცას სინითლე შეეპარა. წითლად შეღებილი გარეჯის ქედიც დადუმებული ხვდებოდა ალიონს...

## VI

კახეთში წასასვლელად გამზადებული ტალა მაინც „ფეხს ითრევდა“. საგანძურთან და ორ მეომართან ერთად კოშკში გამოკეტილი ფიქრებს მისცემოდა: „რომ არა საგანძური, ხომ მეც ეხლა იქ ვიქნებოდი. რამდენიმე თათარს მაინც გავიყოლებდი იმ ქვეყნადა და სულიც დამშვიდებული მექნებოდა. რად მინდა ესეთი სიცოცხლე თუ ჩემი სისხლის და ხორცის და მით უმეტეს წმიდა მამების ხოცვა-ჟლეტას ასე გაყინული სისხლით ვხედავდე. ვაი, უბედურო ჩემო დედა სამშობლო! ღმერთო დიდებულო, ეს რას მამასნარი... ეს რა უბედურებაა... თითქოს საგანგებოდ შეიკრიბა ამდენი ბერი გარეჯში...“

მერე უცებ გონს მოეგო და ბიჭებს გასძახა:

- წამოდი, წასვლამდე ეკლესიაში შევიდეთ და იმ ცხონებულ ბერებს სანთელი მაინც დავუნთოთ, რადგან ჩვენ მათთვის სხვა არაფრის გაკეთება შეგვიძლიან!

ტალას და მის მეგობრებს წმიდა იაკობ სპარსის ეკლესიის კარი დახურული დახვდათ. ტალას გაუკვირდა, სულ მცირე ხნის წინ იყო აქ და ეკლესიის კარი ღია დატოვა. გრძნობდა, რომ ვიღაც იყო ტაძარში, ამიტომ ხმალი ამოიღო ქარქაშიდან და ნელა შეაღო კარი. სამლოცველო დარბაზში არავინ ჩანდა. კანკელის ერთი ფარდა ნა-



ნილობრივ იყო დაფარული, როგორც ჩანდა, შიგ ვილაც იყო შესული. ტალა ფრთხილად მიუახლოვდა საკურთხეველს და შეიხედა. კედელზე მიშენებული უფლის ტრაპეზის მარჯვნივ და მარცხნივ ორი ბერი ჩაცუცქულიყო, კანკალებდნენ და პირფვარს იწერდნენ. ტალა მიხვდა, რომ ბერები შეშინებულნი იყვნენ და ამიტომ ფრთხილად და თითქმის ჩურჩულით მიმართა:

- მამებო, რა ხდება? ვინ ხართ?

ბერებმა ქართველი მეომარი რომ დაინახეს, შვებით ამოისუნთქეს, გამოვიდნენ საკურთხევილიდან და გვერდიდან აღარ სცილდებოდნენ ტალას.

- ვინ ხართ? აღარ იტყვიით? - გაუმეორა კითხვა ტალაურმა.

- ჩვენ ბერები არ ვართ და, რა თქმა უნდა, არც მამაოები, - ძლივს წარმოთქვა ერთ-ერთმა, - ჩვენ მორჩილები ვართ და როდესაც მამა არსენმა ქადაგებაში თქვა ანგელოზის სიტყვები: „ვისაც სურს, დაზოგოს თავისი დროებითი სიცოცხლე, დაე, გაიქცეს ან დაიმალოსო, ხოლო ვისაც სწყურია იხსნას სული თვისი მარადისობისათვის, მახვილით მოწყდება და უფლის მიერ უხრწნელი გვირგვინით შეიმკობაო“, ჩვენ შეგვეშინდა და აქ გამოვიქცეთ. არც ვიცით რა ხდება იქით და არც ის ვიცით, როგორ უნდა მოვიქცეთ?

ტალამ დაამშვიდა მორჩილები და უთხრა:

- ლავრაში ცუდი ამბებია. როგორცა ჩანს სპარსელები ანადგურებენ იქ ყველაფერს, ამიტომ ჩვენთან ერთად წამოდით და გაგიყვანთ სამშვიდობოსა. მალე გათენდე-

ბა და აქ გაჩერება საშიშია. ეხლა კი გამომყევით, კოშკში ავიდეთ და მალე გავუდგებით გზასა.

ეკლესიიდან გამოსულმა ტალამ და მორჩილებმა გაიხედეს უდაბნოს მონასტრისკენ. ქედის ირივე მხარეს, როგორც წმიდა დავითის ლავრიდან, ასევე უდაბნოს მონასტრიდან კვამლი ამოდიოდა, რაც იმას ნიშნავდა, რომ სპარსელებმა ეკლესია-მონასტრებს ცეცხლი წაუკიდეს და შაჰს დაანახეს თუ როგორ პირნათლად ასრულებდნენ მის ბრძანებას.

- შეხედეთ, ძმებო! - თითქმის იყვირა გაცეებისგან ერთ-ერთმა მორჩილმა და ხელი ცისკენ გაიშვირა.

ტალამ აიხედა ზევით და მის გაცეებას საზღვარი არ ჰქონდა. ზეციდან გარდამოდიოდა ბრწყინვალე გვირგვინები, რომელთაც ჯერ კიდევ ამოუწვერელი მზის სხივები შორიდან ეფერებოდნენ და მათკენ ისწრაფვოდნენ. არაამქვეყნიური მოვლენების თვითმხილველ ტალაურს უცებ აღმოხდა:

- ეს ის უხრწნელი გვირგვინებია, რომელზეც მამა არსენს ანგელოზისგან ეუწყა და რომლის შესახებაც ქადაგებაში მოგვითხრობდა...

უცებ, ერთ-ერთი მორჩილის განწირულმა ხმამ შეანყვეტირა ტალას სიტყვა:

- იგე! ჩვენი გვირგვინებიც იქ არის!

- აბა, სად? - იკითხა გაცეებისგან გონებაარეულმა ტალამ.

- იგე! გაბრწყინებული გვირგვინების გვერდით სანყალობლად რომ ტივტივებს!



- წავედით! - წამოიძახა მეორე მორჩილმა, რომელსაც აქამდე სიტყვა არ დასცდენია და მხოლოდ ზეცაში აღეპყრო თვალები.

ორივე მორჩილი სირბილით გაუყვნენ დავითის ლავრისკენ მიმავალ ქედს.

ტალა გაოცებული გაჰყურებდა მორჩილებს და განცვიფრებული იყო მათი გადანყვეტილებით. როგორც ჩანდა, მათ უფალმა კიდევ უფრო მეტი რამ დაანახა და ამიტომ მიისწრაფვოდნენ სიკვდილთან შესახვედრად. ეს უნდა დაჩქარებულიყო, სანამ მათი გვირგვინები ჯერ კიდევ ზეცაში იყო გამოკიდებული...

...არ დააყოვნა უფალმა, რათა მიეტყვეებინა მათთვის შიშის ცოდვა და გადაერჩინა მათი სულები...

...ქედზე ყიზილბაშები გამოჩნდნენ. როგორც ჩანს ჩიჩხიტურის მონასტრის ასაოხრებლად მოდიოდნენ. ტალა მათკენ მიმავალ მორჩილებს უყურებდა, რომლებიც ვაჟკაცურად მიდიოდნენ სიკვდილთან შესახვედრად. ის უკვე აღარაფერზე ფიქრობდა, რადგან გაოცებული იყო სასულიერო პირების გმირობით. მეომრები სიკვდილს ბრძოლაში, იარაღით ხელში ხვდებოდნენ, ხოლო ესენი - უიარაღოდ ეგებებოდნენ, რადგან რწმენა აძლევდა მათ გამბედაობას. და აი, მიუახლოვდნენ ყიზილბაშები მორჩილებს და ნაკუნებად აჩეხეს მათი სხეულები... ტალამ აიხედა ზეცაში და დაინახა, როგორ შეუერთდა კიდევ ორი გვირგვინი მარადისობას...

- ტალავ! - დაუძახა ერთ-ერთმა მეომარმა, სამი კაციტა აპირებ ურიცხვ მტერთან შებმას!? ჩვენ კი ვიბრძოლებთ, მაგრამ საგანძურს რას უპირებ!?

ტალა გონს მოეგო და კოშკისკენ გაიქცა. მაშინვე დოდორქის მონასტრის ქედისკენ გაიხედა. სპარსელ ცხენოსანთა რაზმი მიჰქროდა მონასტრისკენ. ასე, რომ აქედან გაღწევა გაუჭირდებოდათ. ერთადერთი გზა რჩებოდა, საგანძურთანად წინასწარ მომზადებულ სამალავში უნდა ჩასულიყვნენ, რომელიც ტალამ საგანგებოდ შეარჩია და ისე შენიღბა, რომ მას მტერი ვერასდროს იპოვიდა თუ ვინმე არ მიასწავლიდა იქ მიმავალ შეუძინეველ, კლდეში გამოკვეთილ სენაკს, რომლის კედლის უკან იყო მოწყობილი სამალავი. ცხენები ქედის დაბლა ჰყავდათ დაბმული. ეს ისეთი ადგილი იყო, თუ საგანგებოდ არ დაინწყებდნენ მის ძებნას, თვალში არავის „მოხვდებოდა“.

სპარსელები შეესივნენ ჩიჩხიტურის მონასტერს. იქ რომ ვერავინ ნახეს, რაც ხელში მოხვდებოდათ ანადგურებდნენ...


უცებ, ტალას ფეხის ხმა შემოესმა. ვიღაცები უახლოვდებოდნენ მათ სამალავს და თან ქართულად საუბრობდნენ. „ვითომ ვინმემ მოასწავლა ეს სამალავი?“ - გაიფიქრა ტალაურმა და იქვე ხელის განვდენაზე დადებული ხმლის ვადა მოზიდა. თუმცა განგაში ცრუ აღმოჩნდა, როდესაც მოესმათ სამალავში მყოფთ დაუპატიჟებელი სტუმრების საუბარი:

- აქ არავინ არის და არც გაჩერდებოდნენ, გიჟები ხომ არ არიან. ყველანი თავს უშველიდნენ.

- კარგია, რომ არ მოგვინია ჩვენების სისხლის დაღვრა - მიუგო მეორე ხმამ.

- მაინც მოგვინევს, ძმაო, - თქვა პირველმა ხმამ, - კახეთის მთლიანად აოხრებას აპირებს შაჰი.





- იქაც დავიძვრენთ თავს, როგორც ეხლა.

- არა მგონია. ამ ლაშქრობის მიზანი ეკლესიების მიწასთან გასწორებაა მღვდლებიანად და ვაზის მთლიანად გაჩეხვა.

- ვაზის!? ვაზმა რაღა დაუშავა?

- არ ვიცი. ასე ბრძანა: „ის, ვინც ვაზს არ გაჩეხს, ოჯახიანად ამოწყვეტეთო!“

-სარწმუნოება თუ უნდა მოსპოს და ვაზი აჩეხოს, მაშინ გლახკაცმა რა უნდა აკეთოს?

- ნაწილს გაჟღეტს, ნაწილს კი გადაასახლებს მაშინდელივით და თათრებს ჩაასახლებს კახეთში. ეგ არი და ეგა.

- ესე იგი გველუბება სამშობლო?

- შენ რას ნერვიულობ. ქრისტიანი შენ აღარ ხარ და საქართველოში შენ არ ცხოვრობ. ადექი და შეირგე შაჰის წყალობა.

ტალას ამ გადაგვარებული ქართველების საუბრის გამო, ნელა-ნელა ბრაზი აწვებოდა. მთელი სხეულით დაიძაბა, ხმლის ვადას უფრო და უფრო მძლავრად უჭერდა ხელს და ცოტალა აკლდა გავარდნილიყო გარეთ და აეკუნა სამშობლოს გამყიდველები. თანამებრძოლებმა შეამჩნიეს ტალას ეს მდგომარეობა და ერთმა მათგანმა მხარზე ხელი დაადო და საგანძურისკენ გაახედა, რათა გაეხსენებინა ის დავალება, რისთვისაც იყო გარეჯში გამოგზავნილი.

მონასტერში ხმაური შეწყდა. როგორც ჩანდა სპარსელები და მათი მომსახურე მოღალატე ქართველები წა-





ვიდნენ, თუმცა სამალავიდან გამოსვლა წინასწარი დაზვერვის გარეშე სახიფათო იყო. სამალავს ერთი მოძრავი ქვა ჰქონდა კედელში დატანებული, რომლის გამოღებით შესაძლებელი იყო ყარაიას ველზე გადახედვა. ტალამ ნათლისმცემლის მონასტრისკენ მიმავალი ცხენოსნები შენიშნა და რატომღაც ჩათვალა, რომ ჩიჩხიტურის მონასტრიდან მტერი უკვე გასული იქნებოდა. საბედნიეროდ, მისი ვარაუდი გამართლდა. მეომრები კოშკში ავიდნენ და გადახედეს ირგვლივ არემარეს. აღარც დოდორქის მონასტერში ჩანდა ვინმე. ცხენებიც ადგილზე დახვდათ. ასე, რომ შეიძლებოდა უკვე გზას გასდგომოდნენ. სპარსელთა ბანაკში უკვე ლამის განათებისთვის კოცონებს ანთებდნენ.

- ერთი კოცონი ჩვენც უნდა დავანთოთ! - თქვა ტალამ და კოშკისკენ გასწია.

- რას ამბობ, ტალავ! ძლივს გადარჩენილები, გინდა რომ დაგვხოცონ!? - აღმოხდათ მეომრებს.

- კოშკზე ფიჩხი და კუნძები ატანილი მააქ, - უპასუხა ტალამ, - უნდა გადავცეთ ნიშანი კახეთს, რომ შაჰ-აბასმა უკვე დაიწყო კახეთის აოხრება. სანამ ყიზილბაშები გონზე მოვლენ, ჩვენ უკვე მანავის ციხეში ვიქნებით. ასე, რომ მივხედოთ საქმეი!

ჩიჩხიტურის კოშკზე ისეთი ცეცხლი ააგიზგიზეს, რომ მისი ალი ლამის ზეცას სწვდებოდა. ამასობაში ტალა და მისი მხლებლები უკვე მანავისკენ მიჰქროდნენ.

შაჰ-აბასს მხედველობიდან არ გამოჰპარვია ჩიჩხიტურის კოშკზე ანთებული ცეცხლი. კარგად იცოდა, რომ

ეს ნიშანი იყო კახელებისთვის მტრის მოახლოებისა. მაგრამ მას ეს სულ არ ადარდებდა, ისიც კარგად იცოდა, რომ კახეთის აოხრებას წინ ვერაფერი დაუდგებოდა. ის იმან გაამწარა, რომ ამდენი ყიზილბაში შეუსია გარეჯის მთებს და მათ მაინც ვერ ამოჟლიტეს წყეული გურჯები. ამით ის დამარცხებულად და შეურაცხყოფილად გრძნობდა თავს. ამიტომაც გასცა ბრძანება, მოეყვანათ მასთან ისმაილ-ხანი.

ისმაილი ამაყად მოდიოდა შაჰთან, რადგან იცოდა, რომ მბრძანებელი მას შეაქებდა და შეიძლება დაეჯილდოვებინა კიდეც. აბასის წინ დაჩოქილ ისმაილ-ხანს შაჰმა ჩიჩხიტურის კოშკზე დანთებული ცეცხლისკენ მიუთითა. სანამ ისმაილი დანთებულ ცეცხლს გაჰყურებდა, შაჰმა თავის მეხრმლეს ანიშნა, რომ მოლაღატე ისმაილ-ხანისთვის თავი მოეკვეთა.

...მტკვრისკენ დაგორდა გუშინ ხანად აღზევებული ისმაილის თავი და მდინარის ნაპირთან გაჩერდა...

...მდინარემაც არ მიიღო ქართველთა ამაოხრებლის თავი და ნადირთა საჯიჯგნი გახადა სხეულთან ერთად...

...გარეჯელი ბერების მიმოფანტულ გვამებს კი ნადირი არ ეკარებოდა, რადგან საოცარი კეთილსურნელება მოდიოდა მათგან... და მათი რაოდენობა იყო ექვსი ათასი...




VII

შაჰმა-იქედნემ უდაბნოს მონასტრებს ხელმეორედ შეუსია ყიზილბაშები, გამუსლიმანებულ ქართველებთან და სომხებთან ერთად და ყველა მონასტრის აოხრება უბრძანა. ქართველებს ორი ათეული მეთვალყურე მიუჩინა, რათა დარწმუნებულიყო მათ ერთგულებაში. ეშმაკის ჯიშისგან შობილი შაჰი არავის ენდობოდა, განსაკუთრებით კი ქართველებს, რადგან იცოდა, რომ მათ ძარღვებში ქრისტიანი წინაპრების სისხლი ჩქეფდა და ვის და როდის აუდუღდებოდა იგი კაცმა არ იცოდა, თუმცა გარეგნულად ამას არ იმჩნევდა, პირიქით ყველაზე დიდ პატივს, რა თქმა უნდა, მოჩვენებითს, ქართველებს მიაგებდა, განსაკუთრებით კი გიორგი სააკაძეს, რადგან იცოდა ბევრი რამ მისი ვაჟკაცობისა და ნიჭის შესახებ. ამასთან ისიც უნყოდა, რომ მოურავყოფილს ქართლელი თავადების წყენა ჰქონდა გულში ჩადებული და შესაფერის მომენტს ელოდებოდა, რათა მიეზლო სამაგიერო თავისი ოჯახის ამნიოკებლებისთვის. აბასმა ბევრჯერ გამოსცადა სააკაძე და ჯერჯერობით მცირეოდენი ეჭვიც არ შეუტანია მის ერთგულებაში. „ეს გურჯი დიდი საქმეებისთვის დამჭირდება, - ფიქრობდა შაჰ-იქედნე, - ამიტომ მისი ყოველი ნაბიჯი ჩემთვის ცნობილი უნდა იყოს. გიაური მაინც გიაურია. ვნახოთ კახეთის ეტიკობაშიც როგორ გამოიჩენს თავს. მერე შეიძლება მის დაწინაურებაზე ფიქრი“.

შაჰ-აბასი ყველა საშუალებებით აგროვებდა ინფორმაციას ქართველების შესახებ. ამაში მას თვითონ ქართ-

ველები ეხმარებოდნენ, რომლებიც, მსტოვრების სახით, მრავლად ჰყავდა ჩანერგილი, როგორც სამეფო კარზე, ასევე საქართველოს რიგითი ადამიანების გვერდით. ამასთან მას ოთხი ქართველი ცოლი ჰყავდა: ანდუყაფარ ამილახორის და - თამარი, სიმონ მეფის და - ფახრიმჯან ბეგუმ, თეიმურაზ მეფის და - ელენე და ლუარსაბ მეფის და - ლელა. ცოლებისგანაც ბევრ რამეს იგებდა ქართველების შესახებ. ყოველივე ამის შემდეგ დარწმუნდა, რომ ამ ხალხის დამორჩილება ადვილი არ იყო, რადგან ღმერთის და სამშობლოს ერთგულები იყვნენ, თუმცა, რადგან ყველა ქართველს პირველობისკენ დაუოკებელი სწრაფვა ამოძრავებდა და ამის გამო ხშირად ჰქონდათ ერთმანეთთან შუღლი, ცბიერმა აბასმა გადანყვიტა ისინი ისევ თავისი ჯიშ-ჯილაგით დაემარცხებინა. შაჰი საქართველოდან გატაცებულ ტყვეებს ირანის მუდმივ ჯარში რიცხავდა და სასათბურე პირობებს უქმნიდა. ბევრიც თავისი სურვილით დგებოდა შაჰის სამსახურში და მალევე აწინაურებდნენ წამყვან თანამდებობებზე. მარტო ქართველებისაგან შემდგარი ცხენოსანთა ჯარი ოცდახუთიათას მეომარს ითვლიდა. აი, ეს მომზადებული ძალა უნდა ყოფილიყო შაჰის არმიის ავანგარდში ქართველების და არა მარტო ქართველების წინააღმდეგ. ხოლო მათი მთავარი გამოცდა დღეს ხდებოდა, თუ როგორ გაართმევდნენ ქართველები საკუთარი, საუკუნეებით გათავისებული სარწმუნოების წინააღმდეგ ბრძოლას.

ყიზილბაშებმა, მოლაღატე ქართველების დახმარებით, გარეჯის მონასტრები გაანადგურეს. რაც ხელში



მოხვდებოდათ ამტვრევდნენ, წვავდნენ... შებილწეს ეკლესიის საკურთხევლები, ბერთა სენაკები, ხატები გადმოყარეს გარეთ. ხოლო ჭურჭელი და სასულიერო პირთა შესამოსელი დაიტაცეს, რათა შემდეგ თავიანთი მბრძანებლისთვის მიერთმიათ იმის დასტურად, რომ ეკლესიამონასტრები გაიძარცვა და იქ აღარავინ იყო ძე ხორციელი, რომ ტყვედ ჩაეგდოთ...

...ცეცხლის კვამლში გაეხვია ქართული ბერ-მონაზვნური ცხოვრების ერთ-ერთი აკვანი. ღალატს და შაჰ-აბასის სისასტიკეს წელში გადაეტეხა ღვთისმშობლის ნილხვედრი ქვეყანა და საზეპურო ერი...

...შაჰ-აბასი ნასიამოვნები გახლდათ თავისი მეომრების ერთგულებით და განსაკუთრებით უხაროდა, რომ ქრისტიანები დასაჯა და დარწმუნებული იყო, რომ საბოლოოდ გაამუსლიმანებდა ქართლ-კახეთს...

...ყარაიას ველზე და ტფილისის მახლობლად იკრიბებოდა შაჰის დროშის ქვეშ მეომარი ლაშქარი, რომელსაც ურჩობისათვის განაჩენი უნდა გამოეტანა ქართლისა და კახეთის სამეფოებისათვის...

## VIII

მეფე თეიმურაზი, შაჰ-აბასის კახეთში შემოსევის დროს დანგრეულ და ახლად აღდგენილ გრემის სასახლის დარბაზონში დაბრძანებულიყო და კახელ დიდებულებთან ერთად კარზედ მომდგარი მტრის მოგერიების

გეგმაზე ბჭობდა. დარბაზონში მესტუმრეთუხუცესი შემოვიდა და მოახსენა მეფეს:

- ტალა ტალაური გეახლათ გარეჯიდან და მასთან ერთად დეკანოზი კირიონი სოფელ თვალნიდან.

მეფემ ხელით ანიშნა მესტუმრეთუხუცესს, რათა შემოეყვანა სტუმრები და დარბაზონში მსხდომთა გასაგონად წარმოთქვა:

- კარგ დროს მოვიდნენ. ყველა აქ ვართ და საბოლოოდ უნდა გადავწყვიტოთ რა მოვიმოქმედოთ მტრის დასახვედრად. ჩვენი კათოლიკოსი იოანე იმერეთშია კვლავ და იქიდან ლოცულობს სამშობლოს გადარჩენისთვის. სჯობდა ჩვენს გვერდით ყოფილიყო, რომ ასე არ არეულიყო ერი და ბერი.

დარბაზონში მამა კირიონი შემოვიდა. მას ფეხდაფეხ მოჰყვა ტალა. ტალაურმა მუხლი მოიდრიკა მეფის წინაშე, ხოლო დეკანოზმა ჯვარი გადასახა დარბაზონში მსხდომ დიდებულებს და წარმოთქვა:

- ღმერთმა და მაცხოვარმა ჩვენმა იესო ქრისტემ დაგლოცოთ, მეფეო და დიდებულებო. შენდობას ვითხოვ კადნიერებისთვის, რომ მე ცოდვილმა გავბედე და წარვსდექი თქვენს წინაშე. ჩემი სამშობლოს გასაჭირმა გადამადგმევინა ეს ნაბიჯი. მტრის შემოსევები ბევრი უნახავს ჩვენს ქვეყანას, მაგრამ ასეთი არასდროს...

- რას გულისხმობ, მამაო? - შეაწყვეტინა სიტყვა მეფემ დეკანოზს.

- მეფეო, - მიუგო მამა კირიონმა, რომელსაც გამუდმებული მღვიძარებისა და ლოცვისგან თვალები ჰქონდა





დანიტლებული, - ეს თავდასხმა სხვებისგან იმით განსხვავდება, რომ ურჯულოთა ლაშქარს წინ უამრავი ქართველი მოუძღვება. ღვთისგან წყეულ შაჰს ეტიკიც კი ქართველი ჰყავს. არავის, წყეულ ჯალალედინის შემდეგ, ასე უმონყალოდ არ ამოუხოცია სასულიერო პირები, როგორც ეს ამ მხეცმა გააკეთა და ესეც ჩვენზე სისხლის და ხორცის ხელით...

- ქართველებს!? - კვლავ შეანყვეტინა სიტყვა მეფემ დეკანოზს, - ეს ძალიან მძიმე ბრალდებაა, მამაო. ვინ იყო ამის თვითმხილველი!?

- სწორედ ამან წამომიყვანა თქვენთან, მეფეო, - მიუგო მამა კირიონმა მეფეს და ანაფორის სახელოდან ქალღმერთი გამოიღო, - ეს წერილი ჩვენმა ერთ-ერთმა მწყემსმა მომიტანა, რომელიც შეესწრო დოდორქის მონასტრის აოხრებას და სასწაულად გადაურჩა სიკვდილს. შორიდანვე შეუნიშნავს ყიზილბაშები და მონასტრის დაბლა მდებარე ტინში ამოკვეთილ წყლის მოსაგროვებელ ჭაში დამალულა. მტრის წასვლის შემდეგ მონასტერში ასულა და საკურთხეველთან ეს ქალღმერთი უპოვია, რომელიც, როგორც ჩანს, რომელიმე სასულიერო პირს დაუტოვია და ან გაქცეულა, ან შეკვდომია მომხდურს...

- აბა, წაგვიკითხე, მამაო! - ბრძანა მეფემ.

მამა კირიონმა ორადგაკეცილი ქალღმერთი გახსნა და თვალეზე ცრემლმომდგარმა დაიწყო კითხვა:

- წყევსა და გლოვისამან, ვითარ ამ მონასტერსა, ეგრეთვე სრულიად მრავალმთის მონასტერთა, მოულო სრულიად ბოლო და დაამხო და მონყვიტა წყეულ რჯულ-

შეცვლილ ქართველთა მონყალეებისამებრ შაჰ-აბასის მიერ, უკანასკნელ დრომდინ იქმნებოდა მრავალმთის მყუდროობა თუ არ აეოხრებინათ იგი სრულიად.

დეკანოზმა კითხვა დაამთავრა, თავი ასწია და მეფის გამონვდილი ხელი დაინახა. მამაო მიხვდა, რომ წერილს ითხოვდა თეიმურაზი. მსწრაფლ მიაწოდა, ისევ თავის ადგილს დაუბრუნდა და მორჩილებით დაელოდა მეფის სიტყვას. თეიმურაზმა დახედა წერილს, სახეზე ნათელი მოეფინა, მერე თვალი მოავლო დიდებულებს და წარმოთქვა:

- ჭკვიანი კაცი ყოფილა ამის დამწერი. ხუცური ასოებით არის დაწერილი. ამით გვამცნო, რომ სასულიერო პირია. ამასთან გაითვალისწინა, რომ მომხვედურ ქართველებში შეიძლება ვინმე ყოფილიყო წერა-კითხვის მცოდნე და წაკითხვის შემდეგ გაენადგურებინა ქალაქი. მნიშვნელოვანი ამბავი გვამცნო ამ ღვთისნიერმა ადამიანმა, - შემდეგ შეხედა დეკანოზს და უთხრა, - მადლობა, მამაო, ასეთი საჭირო ინფორმაციის მოწოდებისთვის. დაბრძანდით, თქვენთვის საინტერესო იქნება ტალას მოტანილი ამბავი.

ტალას ჩვევად ჰქონდა, მარცხენა მხარეს შერტყემული ხმლის ვადაზე ხელის გულით მოფერება. ახლა კი, როდესაც მეფესთან შესვლის გამო იარაღი დარბაზონის გარეთ დაატოვებინეს, ნერვიულად უთამაშებდა მარცხენა ხელის მტევანი და აღარ იცოდა, სად დაემალა. მეფის ხმამ კი გადაავიწყა ყველაფერი:

- რაო, ტალა, ხომ არ შეგაკრთო შაჰის მხედრობამ!?



- შაჰის არა, მეფეო, - მიუგო ტალაურმა და მარცხენა ხელი ისევ აუთამაშდა, - მაგრამა ქართველების ღალატ-მა კი ფრიად შემაფიქრიანა.

- რატომ!? შენს საქმეში ხომ არ გადაგკიდეს რაიმე ხიფათს!? - გაიკვირვა მეფემ.

- არა, მეფეო, ჩემი საქმე რომ ცუდად წასულიყო მე აქ ცოცხალ ველარა მნახავდით, - უპასუხა ტალამ და დანვრილებით მოუთხრო, რაც სამალავიდან გაიგო.

მეფემ და დიდებულებმა ერთმანეთს გადახედეს. მოულოდნელი ამბის გაგების შემდეგ, რომელიც ვაზის გაჩეხვას შეეხებოდა, ყველა გაკვირვებული ჩანდა და მეფისგან ელოდნენ სიტყვას. მეფემაც არ დააყოვნა:

- ამ წყეული აბასისგან არ გამიკვირდებოდა ქვეყნისა და სარწმუნოების მოსპობისთვის ასეთი დიდი ლაშქრის შეყრა, მაგრამ თუ ასეთი მზაკვრული ჩანაფიქრიც ჰქონდა, ამას ნამდვილად ვერ წარმოვიდგენდი. კარგად იცის, რომ ქართველი კაცი და მით უმეტეს კახელი ვაზს არ აჩეხს და ეს გახდება საბაბი მშრომელი მოსახლეობის დახოცვისა. ეს კი რას ნიშნავს ყველამ კარგად იცის. ასე, რომ კარგად უნდა დავფიქრდეთ სად და როგორ უნდა მივიღოთ ბრძოლა.

თეიმურაზმა მალევე შეცვალა საუბრის თემა და ტალაურს და მამა კირიონს მიუბრუნდა:

- ტალა! შენ მიხედე შენს საქმეს. მალე დააბინავე ყველაფერი და მერე ჩაერთე ჩვენს მეომრებთან ერთად მტრის წინააღმდეგ ბრძოლაში! მამაო, შენ კი დავგდე პატივი და თუ ფრიად საშურო საქმე არა გაქვს, ხვალ გრე-

მის მთავარანგელოზში სამშობლოს მტრისგან გადარჩენისთვის ჩასატარებელ წირვაში მიიღე მონაწილეობა.

მამა კირიონმა და ტალა ტალაურმა მორჩილად დახარეს თავი მეფის წინაშე და დარბაზონის გასასვლელი კარისკენ გაჰყვინენ სასახლის მესტუმრეთუხუცესს.

მეფემ თვალი მოავლო დარბაზში მსხდომ დიდებულებს და წარმოთქვა:

- რას გვეტყვის თავადი ჯანდიერი!?

- მეფეო, - მიუგო დავით ჯანდიერმა, - შაჰი გამწარებულია ჩვენი შარშანდელი აჯანყების გამო და ამიტომ არაფერზე უკან არ დაიხევს. ერთადერთი, რაც მას ჩანაფიქრს შეაცვლევინებს ეს, ჩვენს დასახმარებლად, ოსმალს ჯარის ჩამოსვლა იქნება...

- ოსმალს ვერ კიდევ მე და ლუარსაბს დაგვპირდა, თუ სპარსეთი გამოილაშქრებდა ქართლ-კახეთზე, დაგვეხმარებოდა ჯარით. ეს მის ინტერესებშიც შედის, რადგან მეგობრობს ჩვენს მეზობელ დაღესტნელებთან.

- არა მგონია, ოსმალს ჯარის გამოგზავნა გაბედოს, - ჩაერია საუბარში თამაზ ვაჩნაძე, - ოთხი წლის წინ ოსმალს და სპარსეთმა ზავი დადეს და ქართლ-კახეთი სპარსეთის სამფლობელოდ გამოაცხადეს...

- მით უმეტეს! - სიტყვა შეანყვეტინა მეფემ ვაჩნაძეს, - მსტოვრებისგან ცნობილი გახდა, რომ ოსმალს ვერ შეეგუა ზავის პირობებს, განუზრახავს ქართლ-კახეთის დაბრუნება და ამისთვის ელოდება სპარსეთის შეჭრას ქართლ-კახეთში, რათა საბაზი ნახოს და ზავი ჩაშალოს.

- ღმერთმა ინებოს, მეფეო, - დაეთანხმა თეიმურაზს ვაჩნაძე, - ჩემზე კარგად მოგეხსენება, მაგათი ნდობა



არ შეიძლება, მართალია სარწმუნოებაში უთანხმოება აქვთ, მაგრამ მაინც ერთმანეთის და ორივე ერთად ეშმაკის კუდები არიან.

- მე არავის იმედი არა მაქვს, - თქვა წარბშეკრულმა ჯანდიერმა, - ამიტომ პირველ რიგში ივრის ხეობის შესასვლელი გავამაგრეთ. ჯარის ნაწილი კახეთის და ქიზიყის მისადგომებთან ჩავაყენეთ, ხოლო ალაზანზე გასასვლელი დავტოვეთ, რომ უკან დახევის შემთხვევაში ხალხმა გაღმა მხარეს შეაფაროს თავი.

- თუ ვაზის აჩეხვას აპირებს, ივრის ხეობას რატომ აუყვება? - იკითხა მეფემ.

- შაჰი ორი მიმართულებით იწყებს შეტევას, - განაგრძო ჯანდიერმა, - ჯარის ერთი ნაწილი თბილისს შეუტევს, მეორე კი - კახეთს. ყველა ირანელი დამპყრობელი, როდესაც კახეთში შემოიჭრებოდა, ჯარის ერთი ნაწილით ივრის ხეობას აუყვებოდა და იქიდან თელავს და ახმეტას ესხმოდა თავს, ხოლო მეორე ნაწილი ქიზიყს და ალაზნის ხეობას უტევდა. ეხლაც ეგრე შემოვლენ, მეფეო...

- ამას ყველაფერს ჩვენი მზვერავები გვამცნობენ, - თქვა თეიმურაზმა და ჯანდიერს შეხედა, - შენი ვარაუდი შეიძლება არ გამართლდეს თუ მაგათ ეტიკად ქართველი დანიშნეს. იმას კარგად ეცოდინება კახეთი და ამიტომაც შეიძლება სულ სხვა მიმართულებები აირჩიოს. ასე, რომ მოვემზადოთ.

თეიმურაზი ფეხზე წამოდგა, რაც იმას ნიშნავდა, რომ დარბაზობა დამთავრებული იყო და ყველა თავადსა და მათ ქვეშევრდომებს თავისი საქმე უნდა გაეკეთებინათ...

...სამშობლო დიდი განსაცდელის წინაშე იდგა...

## IX

ტალა გარეჯიდან გამოყოლილ ორ მეომართან ერთად თავისი სოფლის გზას დაადგა. დიდი ხანია, რაც სახლში არ იყო ნამყოფი. ალბათ, მასზე იყო ნათქვამი ბიბლიური სიბრძნე ზირაქისა: „ასევეა კაცი, რომელსაც არა აქვს ბუდე და სადაც დაულამდება იქ ეძებს სადგურსო“. სამშობლოს სამსახურში აღამებდა და ათენებდა. ყვარელში ჰქონდა მამა-პაპური ადგილ-მამული, რომელიც ფუძის ანგელოზის ამარა იყო დატოვებული, ცოლი მაგას არ ჰყავდა და შვილი. ეზოში ერთი დიდი კაკლის და რამდენიმე ვაშლის ხე ედგა, ხოლო დანარჩენი ადგილი ვაზს ეკავა - რქანითელსა\* და ქართლიდან ახლადშემოსულ საფერავს, ისიც მეზობლების ანაბარა იყო დატოვებული და რომ არ წამხდარიყო ვენახი, ტალას თანხმობით მოსავალსაც ისინი იღებდნენ.

სოფლის შესასვლელთან ტალაური ცხენიდან ჩამოხდა, დაიჩოქა და ემთხვია მშობლიურ მიწას, რომელიც კახელი დიდებულების უნიათობით შეიძლება მალე სისხლით მორწყულიყო. მთებიდან მონაბერი ჰაერი ხარბად ჩაისუნთქა, გაიხედა ნეკრესიის მონასტრისკენ, პირფვარი გადაინერა და ხმამაღლა წარმოთქვა:

- ღმერთო დიდებულო, შენ დაგვიფარე, მოხედენ შენს საზეპურო ერსა და მარიამ ღვთისმშობლის ნილხვედრ ქვეყანასა და შეგვიწყალენ ჩვენ ცოდვილნი...

ტალაურები ისტორიულად ნეკრესზე შეწირული გლეხები იყვნენ. გაქრისტიანებისგან თავის არიდების



მიზნით, მთიულეთიდან თუშეთში გადახვენილი სოფელ ყვარას მკვიდრნი, ასურეთიდან საქართველოში ჩამოსულ ბერს - აბიბოს ნეკრესელს გადმოუყვანია კახეთში, გაუქრისტიანებია და იქვე დაუსახლებია. მას შემდეგ ტალაურები და სხვა მისი თანამოძმენი ნეკრესის საეკლესიო გლეხებად ითვლებოდნენ და არც არასდროს უღალატიათ ქრისტიანული მრწამსისთვის.

ტალა საიდუმლოს მტკიცედ ინახავდა ხოლმე. საგანძურის სამალავები მის გარდა კიდევ ერთმა ადამიანმა, მისმა ბიძაშვილმა - გაბრომ იცოდა, ისიც იმიტომ, რომ თუ ტალას რაიმე შეემთხვეოდა, გაბრო დააბრუნებდა საგანძურს ეკლესიაში. გაბრიელი, რომელსაც სოფელში გაბროდ იცნობდნენ, ბავშვობიდან ხეიბარი იყო და ამის გამო საომრად ვერ მიდიოდა და ტალამაც მხოლოდ მას გაანდო წინაპრებიდან გადმოცემული ეს საიდუმლო საქმიანობა. ხოლო თუ ტალა დაოჯახდებოდა და მემკვიდრესაც მისცემდა ღმერთი, მაშინ უკვე შვილი გააგრძელებდა ამ ქვეყნისთვის მეტად საჭირო საქმეს.

ახლაც ტალამ საგანძური მეომრებს თავის სახლის ეზოში შეატანინა, მაღლობა გადაუხადა და გაისტუმრა. არავის უნდა სცოდნოდა მისი ადგილსამყოფელი, გარდა გაბრიელისა. გაბროც თითქოს ელოდებოდაო ტალას, კოჭლობით მიადგა მის ეზო-ყურეს და დიდი ხნის უნახავ ბიძაშვილს გადაეხვია:

- მშვიდობა შენს გამოჩენასა, გვიან ჩამოხველ, ბიძაშვილო, ხიფათი ხომ არ შეგექმნა რაიმე? დღე და ღამე გზაი გავყურებდი.

- ჰოო! ჩემო გაბრო, ხიფათი კიდევ მოგონილია იმას-  
თან, რაც თავ გადამხდა... - მიუგო ტალამ გაბრიელს, შე-  
უძღვა სახლში და დაწვრილებით მოუყვა, რაც გადახდა.

- გადარჩენილხარ, ტალავ! - აღმოხდა მონათხრო-  
ბისგან გაოგნებულ გაბროს, - რას აპირებ ეხლა? რით  
შემიძლიან დაგეხმარო?

- სამი სახედარი დამჭირდება ტვირთვის გადასატანად,  
- უპასუხა ტალამ, ცხენი კი მყაავ აგერ, ჩემი სალარა.<sup>20</sup>

ტალა ცხენს სალარას ეძახდა, რადგან შუბლის შუაში  
თეთრი თმა ჰქონდა ამოზრდილი და პატრონიც ხშირად  
გადაუსვამდა ზედ ხელს და იტყოდა ხოლმე, როგორც  
ახლა - „ჩემი სალარა...“. ცხენიც ხვდებოდა, რომ ეს თა-  
ვისი პატრონისგან მისდამი კეთილ დამოკიდებულებას  
ნიშნავდა, ამიტომ მარჯვენა წინა ფეხის მიწაზე ნაზად  
გასმით გამოხატავდა მადლობას და თან დაბალ ხმაზე  
ჩაიჭიხვინებდა ხოლმე. ახლაც იგივე გაიმეორა სალარამ,  
მერე შეტრიალდა და ეზოში ახლად ამობიზინებულ ბა-  
ლახს მადიანად დაუნყო ჭამა.

სანამ ტალამ სახლი დაათვალიერა და კარ-მიდამო  
შემოიარა, გაბრიელმაც მოიყვანა სამი სახედარი და ბი-  
ძაშვილებმა საგანძურის დატვირთვა დაიწყეს.

- ისევ გრძელ გვირაბში მიგააქ? - იკითხა გაბრიელმა.

- ჰო! ყველაზე საიმედო და შეუმჩნეველი ეგ არი. მა-  
გაი მთებში გამოცდილი კარგი მონადირეც კი ვერ მიაკვ-  
ლევს თუ შემთხვევით არ გადააწყდა.

გვირაბი, სადაც ტალას სინმიდეები უნდა დაემალა  
კავკასიონის ერთ-ერთ მთაში მდებარეობდა. ის მთის





წვერის ქვეშ იყო ბუნებრივად გათხრილი. იქ მისული ადამიანი გზას აღარ გააგრძელებდა, რადგან გადასახედოდან ისეთი შთაბეჭდილება იქმნებოდა, რომ თითქოს ნაბიჯს თუ გადადგამდი შეიძლება ხევში გადაჩეხილიყავი და ამიტომ ყველა უკან გამობრუნებას ამჯობინებდა ხოლმე. არადა შეიძლებოდა ცოტა მოშორებით მთის წვერისთვის გვერდი აგველო და გვირაბის წინ აღმოჩენილიყავი. ამ უკანასკნელში კი სიბნელეს აწყდებოდი, შიგ შესასვლელად ლამპარი გჭირდებოდა, თუმცა მაინც ვერაფერს შეამჩნევდი დაყრილი ქვების გარდა. ერთ-ერთი ქვის ქვეშ ჩასასვლელი იყო კიდეც ერთ გვირაბში და იქ მდებარეობდა ის შენიღბული სამალავი, სადაც ტალა ინახავდა სინმიდეებს და საგანძურს და რომლის ადგილსამყოფელიც მის გარდა მხოლოდ გაბრიელმა იცოდა. ორი წლის წინ მეფე თეიმურაზმა სამეფო განძი არ ანდო ტალას და თორღვას ციხეში გადამალა, რითაც მიუტყვებელი შეცდომა დაუშვა და მტერმა ხელთ იგდო დიდძალი ქონება. იმერეთში გადახვენილმა მეფემ ფუსტებისგან<sup>21</sup> შეიტყო, რომ ტალა სანდო კაცი იყო და მის გარდა ვერავინ შეძლებდა განძის საიმედოდ გადამალვას. თვითონ ფუსტების საგანძურიც რამდენჯერმე ჰქონია ტალას გადამალული და ხელუხლებელი დაუბრუნებია უკან. ამიტომაც ანდო ეს საგანგებო საქმე ტალას იმერეთიდან მობრუნებულმა თეიმურაზმა.

მეორე დღეს დილაადრიან გაუდგა ტალა გზას მთებისკენ. სამალავისკენ ორი გზა მიდიოდა. ერთი მარჯვნივ, სულ ტყით, ხოლო მეორეს - ტყეს ალაგ-ალაგ მდე-

ლოები ანაცვლებდა. ტალამ გადანყვიტა ორივე გზა გა-  
ეკონტროლებინა. ამიტომ ჯერ ტყით ავიდა სამალავთან,  
დააბინავა სინმიდეები და საგანძური და მეორე გზით  
დაბრუნდა შინისკენ. დიდი ხანია ამ გზით არ ესარგებლა  
ტალაურს და ამიტომაც ყველაფერს აკვირდებოდა. ტყი-  
დან ლამაზ მდელოზე გამოვიდა. ათასნაირი ყვავილებით  
იყო მორთული იქაურობა. ტალამ გადანყვიტა დაესვენა.  
ცხენი და სახედრები საძოვარზე მიუშვა, თვითონ გუ-  
ლაღმა დანვა მდელოზე და ცას მიაპყრო თვალები. უცებ  
ქინძის სურნელება შეიგრძნო. ჯერ გაუკვირდა, ხომ არ  
ვცდებო. ღრმად ჩაისუნთქა ჰაერი და დარწმუნდა, რომ  
არ ცდებოდა. ოთხზე დადგა და დაიწყო ქინძის ძებნა.  
ბალახებში აქა-იქ გაბნეულიყო ქინძის სურნელოვანი  
ფოთლები. ტალამ მდელო მთლიანად მოიარა, ყველგან  
ქინძი იყო ამოსული, ზოგან ჯგუფ-ჯგუფადაც კი, გემოც  
გაუსინჯა, რომ დარწმუნებულიყო თავის ნააზრევში.

შინისკენ მიმავალი ტალა ქინძმორეულ მდელოზე  
ფიქრობდა და ათასი აზრი უტრიალებდა თავში...

## X

გარეჯის მონასტრების აოხრების შემდეგ, შაჰ-აბასი  
თბილისში შევიდა და ქართლის მმართველად დაუთ-ხა-  
ნის შვილი - ბაგრატ-ხანი დანიშნა და შემდეგ კახეთში  
გადავიდა. რატომღაც ქართლს გვერდი აუარა და მთელი  
თავისი ჯარით კახეთის მისადგომებთან დაბანაკდა. არ



გამართლდა დავით ჯანდიერის ვარაუდი სპარსელების მიერ ივრის ხეობის დალაშქვრისა. მოხდა უარესი. შაჰმა ივრის ხეობის შესასვლელი გადაკეტა და იქ ათასამდე ყიზილბაში დატოვა. ძირითადი ჯარით პირდაპირ კახეთის ცენტრისკენ წავიდა. ივრის ხეობაში ჯანდიერის ჩაყენებული რამდენიმე ასეული მეომარი, რომელსაც სპარსელების წინააღმდეგ მცირე თავდასხმებით უნდა ებრძოლა, უფუნქციოდ დარჩნენ და აღარ იცოდნენ, მთებით გადასულიყვნენ თელავში თუ ადგილზე დარჩენილიყვნენ. მალე შაჰმაც თავისი ჯარი რამდენიმე ჯგუფად გაყო და კახეთს სხვადასხვა მხარეს გაუსია. არც თეიმურაზის ვარაუდი გამართლდა. გაზაფხულზე ოსმალებს, რომელთა ლაშქარი ჯერ კიდევ შემოდგომიდან სპარსეთის საზღვრებთან იდგა, შეტევა უნდა დაეწყო და სპარსეთში შეჭრილიყო. ამ შემთხვევაში შაჰ-აბასი საქართველოსთვის ვერ მოიცილიდა. თეიმურაზი შეცდა, მან შაჰის უზარმაზარ არმიასთან შებმა ვერ გაბედა, კახეთს გაეცალა და თავისი ამალით კვლავ იმერეთში გადავიდა. ქვეყანა დარჩა უმეფოდ და აგრეთვე სარდლების გარეშე.

ხალხისთვის გახიზვნის საშუალება რომ მოესპო, შაჰ-აბასმა კახეთიდან გასასვლელ გზებზე თავისი ჯარი დააყენა, თან დაღესტნელ ბეგებს შეუთვალა მთებში შეხიზნული კახელები გაეჟლიტათ ან დაეტყვევებინათ.

კახელებმა ხელოვნური სიმაგრეები ააგეს, ცოლ-შვილი და საქონელი შიგ შეიყვანეს და თავდასაცავად მოემზადნენ...

...სამი თვის განმავლობაში არ შეწყვეტილა სამკვდრო-სასიცოცხლო ბრძოლა...

...უმეფოდ და უსარდლოდ დარჩენილი კახელები სისხლის უკანასკნელ წვეთამდე იბრძოდნენ...

...მაგრამ ყველაფერი ამაო იყო...

...შაჰის მრავალრიცხოვანი ჯარი ზედიზედ იღებდა გამაგრებულ ადგილებს და ვინც ცოცხალი რჩებოდა, დედანულიანად ტყვედ მიჰყავდათ...

...კახელები უბრძოლველად არ ტოვებდნენ არც ერთ ქალაქს, ციხე-სიმაგრეს, სოფელს, სასახლეს, ეკლესიას და ქოხსაც კი...

...ბრძოლა უაღრესად დაუნდობელი იყო...

...შაჰ-აბასის ჯარები ჩეხდნენ ხეხილის ბალებს და ვენახს. ყველა გლესს თავისი ვაზი თვითონ უნდა აეჩეხა. თუ არ აჩეხდა - კლავდნენ მასაც და ოჯახის წევრებსაც და ვენახის გაჩეხვას მეზობლებს ავალებდნენ...

...ანგრევდნენ და წვავდნენ სახლებს, ეკლესიებს, ყველაფერს, რაც წინ ხვდებოდათ...

...კახეთი... ეს მდიდარი და აყვავებული ქვეყანა... ნანგრევებად იქცა...

ისეთ მიუწვდომელ ადგილებსაც კი სწვდებოდნენ სპარსელები, რომელზეც აქამდე არც ერთ დამპყრობელს არ გაუმახვილებია ყურადღება. როგორც ხალხში ამბობდნენ: „შაჰ-აბასს ქართველი ჰყავს ეტიკი და ამიტომ ყველა კუთხე-კუნჭულსა სწვდება“. ეს იქიდანაც დადასტურდა, რომ სპარსელთა ჯარმა ივრის ხეობას გვერდი აუარა და კახეთის გულისკენ წავიდა. ამ მანევრმა ყველას გაკვირება გამოიწვია. როგორც შემდეგ გაირკვა, შაჰის ჯარი თელავიდან მთების გავლით დაიძ-



რა ივრის ხეობისკენ. მოღალატე ქართველებმა კარგად იცოდნენ, რომ მტრის შემოსევის დროს ივრის ხეობის მაცხოვრებლები მთებს აფარებდნენ თავს და მშვიდობიანობის დადგომისას უბრუნდებოდნენ თავის სახლ-კარს. ამიტომაც შაჰმა მათ ზურგიდან მოუარა, ვინც ვერ ამოჟლიტა დაატყვევა და სპარსეთის გზას გაუყენა...

...ალაზანი და იორი სისხლით შეიღება...

...შაჰი თავის ქვეშევრდომებს უნაწილებდა კახეთის ნაყოფიერ მიწებს და აქ თურქმანი ელების ჩამოსახლებას გეგმავდა...

## XI

ტალა მთიდან ჩამოსვლისთანავე შეუდგა ვაზების ფესვებიანად ამოღებას. თითქმის ნახევარი ვენახი ამოძირკვა, კონა-კონა სახედრებს აჰკიდა და ქინძმორეული მდელისკენ გაემართა. ასვლისთანავე შეუდგა ახალი ვენახის აშენებას. ვაზები გასხლა და მწკრივებში ცალკე საფერავი დარგა, ხოლო ცალკე - რქანიტელი. გასხვლის შედეგად ამორჩეული ვაზის რქები გათხრილ არხში ერთმწკრივად დარგა და მიწა მიაყარა. მერე ცისკენ აიხედა, პირჯვარი გადაიწერა და ღმერთს შეევედრა:

- უფალო, გვედრები, გაიღე მონყალება და გადაგვირჩინე ჩვენი მაცოცხლებელი და მაცხოვრებელი ვაზი, ის ხომ შენი სისხლია, რომლის გარეშეც წარმოუდგენელია ადამიანის არსებობა ნუთისოფელში.

მერე მუხლებზე დაიჩოქა, აკოცა მშობლიურ მინას და კვლავ შეჰღალადა უფალს:

- უფალო იესო ქრისტე, ძეო ღვთისაო, შემინყალე მე ცოდვილი. გადმოხედე შენს საზეპურო ერსა, შენი დედის ნილხვედრ ივერიასა და გადაგვირჩინე მამული.

ტალა როგორც კი დაადგა შინისკენ მიმავალ გზას, ცაზე ქუხილის ხმა გაისმა და სულ მალე მაცოცხლებელ-მა წვიმამ დანამა მინდორ-ველები...

...გაზაფხულის ცაზე ელვა იკლაკნებოდა, რასაც ძლიერი ქუხილის ხმა მოსდევდა, რომელიც აწყდებოდა კავკასიონს და იქიდან საშინელ ექოს გამოსცემდა. ამას ქარიც მოჰყვა და ისეთი შთაბეჭდილება იქმნებოდა, თითქოს ჯოჯოხეთი შემოჭრილიყო კახეთში...

ტალა ბუნების ამ განრისხებამ შეაფიქრია. ყვარლის მიდამოებში გაზაფხულზე ამინდის ასეთ უცაბედ შეცვლას ვერ იხსენებდა ტალაური. გული ცუდს უგრძნობდა, ამიტომ სალარას ხელი ფაფარზე გადაუსვა, რაც მისთვის ნიშანი იყო და ცხენმაც გაჰქუსლა სოფლისკენ. სახედრებიც, როგორც შეეძლოთ, გამოეკიდნენ სალარას.

ყვარელში შესულ ტალას საშინელი სურათი დახვდა. ხალხი სახლებიდან გამორბოდა და რისი წაღებაც შეეძლოთ თან მიჰქონდათ. ზოგი ურმით, ზოგი ცხენით ან სახედრით გარბოდა სოფლის ორღობეებიდან მთებისკენ. ბავშვების ტირილი და დედაკაცთა სასონარკვეთილი გოდება ცას სწვდებოდა, მაგრამ ჭექა-ქუხილი ახშობდა მათ ხმას. ტალა მიხვდა, რომ ხალხმა შეიტყო მტრის მოახლოება, ამასთან როგორც ჩანდა ისიც გაიგეს, რომ



მეფემ და სარდლებმა ისინი დაუცველად შეატოვეს გან-  
რისხებულ შაჰს და გაიქცნენ. არავის უნდოდა სიკვდილი  
და ამიტომ დედანულიანად იხიზნებოდნენ, მაგრამ სად?  
არავინ იცოდა.

ტალა ხშირად იყო მოხვედრილი ასეთ სიტუაციაში,  
მან კარგად იცოდა, რომ სიჩქურით<sup>22</sup> მიღებული გადაწყ-  
ვეტილებები ყოველთვის მარცხით მთავრდებოდა, ამი-  
ტომ აზვირთებულ ბრბოს წინ გადაუდგა, ხელი მაღლა  
ასწია და დაიყვირა:

- შეჩერდით, ხალხო! ამ ღვარცოფსა და ტალახში  
სად გარბიხართ იცით!?

- აბა, ყიზილბაშებ დავახოცინოთ ჩვენი ცოლ-შვი-  
ლიი!?! - ვილაც კაცმა დაიძახა შეკრებილი ხალხიდან, - ან  
ცარიელი ხელებით ვის ვებრძოლოთ!?

- რატომა!?! - იწყინა ტალამ, - ხმალი არა გაქ სახლშია!?

- ხმალიცა მააქ და ხანჯალიცა! - იყვირა ისევ გლეხ-  
მა, წინ წამოდგა და წელზე შემორტყმული ხმალ-ხანჯალი  
დაანახა ტალას. როგორც იქნა ტალაურმა სიბნელეში გა-  
არჩია თავისი თანასოფლელი გიგო. გაულიმა და ჰკითხა:

- გიგო! შენნაირი ბევრია თქვენშიი!?! დიდი ხანია არა  
ვყოფილვარ სოფელში და ბევრი არაფერი ვიცი თქვენ  
შესახება.

- ათამდე გლეხი ვაართ ეგრე შეიარაღებული და ორი  
მშვილდოსანიცა გყყაავ, - უპასუხა გიგომ, მაგრამა...

- რა მაგრამა, გიგო!?! - შეანწყვეტინა სიტყვა ტალამ.

- ისა, რომა, - მიუგო გიგომ, - ჩვენ ბრძოლა და ხმლი  
ხმარებაცა კარგადა ვიცით, მაგრამა თუ არავინ გვითხ-





რა, სად და როდის უნდა დავხვდეთ მტერსა... აბა, ეგ როგორ იქნება... ჰაა!?

- მე ხო მიცნობ, გიგო? - ჰკითხა ტალამ და ცხენიდან ჩამოხდა.

- მარაა... როგორ არ გიცნობ, ტალა არა ხაარ?


- ჰოოდა, მე ვიცი როგორ უნდა დავხვდეთ მტერსა, - მიუგო ტალამ და გიგოს მხარზე ხელი დაადო, - მტერსაც დავხვდებით და სახლეულსაც დავიცავთ! გაიგეე!?

- თუ ეგრეა, - ახმაურდა ხალხი, - გაგვიძეხ ნინა და გამოგყვებით! ჩვენთან სოფელში ერთმა იარაღასხმულმა მხედარმა გაიქროლა ცხენითა და დაიყვირა: „ყიზილბაშები მოდიან და თავს უშველეთო!“ ჩვენც გამოვცვივდით სახლებიდან და გავრბივართ და აბა, რა ვქნათ!? ...

ტალას სისხლი მოაწვა თავში. მეფესთან შეხვედრა გაახსენდა. როგორი სასოება გაუჩნდა მაშინ მეფისა და თავადებისა, რომ მტერს დახვდებოდნენ ვაჟკაცურად. ახლა კი რას ხედავს, უპატრონოდ დაგდებული ქვეყანა და ხალხი. თვალი მოავლო მის წინ შეკრებილ დედაკაცებს და ბავშვებს, რომლებიც უპატრონობით განწირულნი იყვნენ. გინდაც გადარჩენილიყვნენ, სპარსეთში გადასახლება არ ასცდებოდათ, მეფე და დიდებულები ქვეყნიდან გაიქცნენ, მტერს წინ მოლალატი ქართველები მოუძღოდნენ... სისხლი აუღულდა ტალას. ახლა რომ სადმე გადაჰყროდა ორი დღის წინ მეფის დარბაზში შეკრებილ დიდებულებს, სათითაოდ აჩეხდა მათ ხმლით სამშობლოს ღალატისთვის... ახლა კი ამის დრო ნამდვილად არ იყო, სამშობლო და ხალხი გახლდათ გადასარჩენი... ტალამ ისევ ხალხს მიმართა:

- ყოველგვარი შიში მოიშორეთ და არეულ-დარეულობის გარეშე გამომყევით. დრო მართლა არ ითმენს და უნდა გავეცალოთ აქაურობაი!

ტალამ ხალხი თუშეთში გადაიყვანა, დააბინავა, ორმოცდაათამდე თუში ვაჟკაცი აიყოლია და მტერთან საბრძოლველად გამობრუნდა უკან. ალაზნის ხეობის სოფლები აოხრებული დახვდათ, მამალი აღარ ყოიდა სოფლებში. ვინც გაქცევა ვერ მოასწრო ყველანი ტყვედ აიყვანეს და სპარსეთის გზას გაუყენეს. ტალამ როგორც გაარკვია შაჰს ძირითადი ძალები ალყაში მოქცეული ივრის ხეობისკენ ჰყავდა გადასროლილი და უთანასწორო ბრძოლაში იღვრებოდა ქართველთა სისხლი. ამიტომ ტალაური თავისი ასეულით მთა-მთა შენიღბული სიარულით ზურგიდან მიადგა მტერს. საჭირო იყო მტერზე თავდასხმის გააზრებული გეგმა, რათა მოულოდნელად არ წასწყდომოდნენ მტრის დიდ შენაერთებს და პატარა-პატარა თავდასხმებით მოეხერხებინათ მათში არეულობის შეტანა და დაქსაქსვა, რაც შემდეგ გაუადვილებდა ალყის გარღვევას და პირველ რიგში ქალების და ბავშვების სამშვიდობოზე გაყვანას. ამასთან, ალყაში მოქცეულ მეომრებთან გაერთიანება საშუალებას მისცემდა, რომ ხელჩართული ბრძოლა გაემართათ ყიზილბაშებისთვის.



## XII

მიუხედავად ივრის ხეობის მოსახლეობაზე მოულოდნელი თავდასხმისა, ქართველებმა მაინც მოახერხეს სხვადასხვა მთებსა და ხეობებში გამაგრება და მოულოდნელი თავდასხმებით მუსრს ავლებდნენ ყიზილბაშებს. ამან ნაწილობრივ შეაჩერა სპარსელების წინსვლა, მაგრამ მაინც თანდათან გართულდა წინააღმდეგობის განევა. ქართველები ვერც იარაღით და ვერც სურსათ-სანოვაგით ვერ მარაგდებოდნენ რიგიანად. ამასთან უთანასწორო შეტაკებებში ბევრი ვაჟკაცი ეცემოდა ბრძოლის ველზე და ამან შეამცირა ქართველთა სახელდახელოდ შექმნილი რაზმები. ყოველი მხრიდან ალყაში იყვნენ. ერთადერთი გზა გადარჩენისა ალყის გარღვევა იყო და დიდი კავკასიონის მთებში გახიზვნა.

კახელები, როგორც კი ოდნავ შევებას იგრძნობდნენ და ეს ხდებოდა ძირითადად შუალამეს, მაშინვე ლოცვას იწყებდნენ და ღმერთს ევედრებოდნენ, წყალობით გადმოეხედა მათთვის და ამ ჯოჯოხეთისგან ეხსნა...

...ასეც მოხდა...

სპარსეთიდან შათირი შათირზე მოდიოდა და ახალ-ახალი ცნობები მოჰქონდათ. ყველა და ყველაფერი კი იმის მაუწყებელი იყო, რომ ოსმალეთის არმია სპარსეთში შესაჭრელად ემზადებოდა. შაჰ-აბასი იძულებული გახდა კახეთიდან გასულიყო და თავისი ქვეყნის საზღვრების დაცვაზე ეფიქრა. კახეთში მან ყიზილბაშების ნაწილი დატოვა, მერე ქართლის საქმეებიც თავის სასარგებლოდ მოაგვარა და გოგჩის ტბისკენ გაეშურა.

კახეთიდან კი ამ დროს სპარსეთისკენ ას ოცდაათი ათასზე მეტი ტყვე მიჰყავდათ, ხოლო მოკლულთა რიცხვი სამოცდაათათასამდე იყო.

ოსმალეთის არმია, რომელიც უკვე მაისში არზრუმს მიადგა და რომლის მიზანიც არზრუმის, ყარსის, ერევნისა და სხვა ქალაქების აღება იყო, კვლავ მეტისმეტად უნიათოდ, გაუბედავად მოქმედებდა და ვერც ერთი ქალაქი ვერ აიღო.

გავიდა თუ არა შაჰ-აბასი საქართველოდან, გახიზნული კახელები კვლავ მოგროვდნენ და თავიანთი განადგურებული მამულის აღდგენას შეუდგნენ. იმერეთიდან გადმოვიდნენ დავით ჯანდიერი, თამაზ ვაჩნაძე და დელუ მელიქ შირვანელი. მათ თავის სამკვიდროზე დააბრუნეს კახეთის მოსახლეობა და ქვეყნის შენებას მოჰკიდეს ხელი. ახალი ენერგიით შეუდგნენ ციხე-სიმაგრეთა აღდგენა-შეკეთებას. მათ მიიმხრეს და ააჯანყეს განჯის სახანოს ერთი ნაწილიც. თეიმურაზ მეფე კი თავისი ქართველებით სპარსეთის წინააღმდეგ ოსმალთა მხარეს იბრძოდა, რათა ამით ხელი შეეწყო კახეთიდან ყიზილბაშების განდევნისათვის. მაგრამ ოსმალეთმა ვერაფერი გაახერხა სპარსეთის წინააღმდეგ და იმავე წლის ბოლოს შაჰ-აბასმა და ოსმალეთის დიდმა ვეზირმა დროებითი ზავი დადეს. ასე, რომ სპარსეთის ლომმა კვლავ კახეთისთვის მოიცალა, საიდანაც ყოველდღიურად მისთვის არასასიამოვნო ცნობები მოდიოდა. მან დიდი ლაშქარი შეჰყარა, თავისი სიძის ისა-ხან ყორჩიბაშის სარდლობით, კახეთში გამოსტუმრა და თან სასტიკი ბრძანება გასცა:



- ჯანმრთელი და ძლიერი ქართველები მამაკაცთან-  
-დედაკაცთანად ტყვედ გამოჩვენებენ სპარსეთში, ხოლო  
დანარჩენები დახოცეთ! არავინ დატოვოთ კახეთში არც  
დიდებული და არც გლეხი. თეიმურაზს თუ წააწყდებით  
სადმე, შეიპყარით და ცოცხალი მომგვარეთ, ხოლო თუ  
მკვდარი იპოვეთ, თავი მოაჭერით და ჩამოიტანეთ! მაგას  
არ ვაპატიებ ჩემს ლაღატს, ეგონა ოსმალეთთან ერთად  
სპარსეთს დააჩოქებდა! ეს არამც და არამც არ მოხდება,  
ხოლო მაგ გურჯმა რეგვენმა ამაზე პასუხი უნდა აგოს!

ეს ამბავი კახეთში რომ ჩამოიტანეს, უფრო გახელ-  
დნენ კახელები. დაერივნენ შაჰის მიერ დატოვებულ ყი-  
ზილბაშებს და ერთიანად გაავლეს მუსრი. ივრისა და  
ალაზნის ხეობებმა ამოისუნთქეს, სოფლებში ისევ ქარ-  
თულმა სულმა დაივანა. ამან კი გაათამაგა კახელების  
ენერგია და დაიწყეს მზადება შაჰ-აბასის ახალი შემოსე-  
ვის დასახვედრად.

შემოდგომის სუსხი ჩამომდგარიყო კახეთში. ხალხ-  
თან ერთად ბუნებაც გამკაცრებულიყო. უპურ-ღვინოდ და  
უსახლკაროდ დარჩენილი კახელები ამაყად იდგნენ სამ-  
შობლოს სადარაჯოზე და ელოდებოდნენ მომხვედურს.

### XIII

ტალას მოფიქრებულმა გეგმამ გაამართლა. ივრის  
ხეობის სადამსჯელოდ დატოვებულმა, მაგრამ ძირითა-  
დი ჯარისგან მოწყვეტილმა ყიზილბაშებმა ვერ გაუძლეს

ქართველთა მოულოდნელ თავდასხმებს და მათ ალყის გარღვევის საშუალება მისცეს...

...ახლა ყიზილბაშების სისხლით შეიღება მრავლისმნახველი იორი...

ტალა თავისი რაზმით ყვარლისკენ მოზრუნდა.

- არ წამოვიყვანოთ სახლეულები თუშეთიდან? - დაანია სიტყვა წინ მიმავალ ტალას გიგომ.

- არა! - მოკლედ უპასუხა ტალაურმა.

- ვითომ რათაო? - იწყინა გიგომ ტალას მიერ გაცემული მოკლე პასუხი, - თუშეთში ხომ არ უპირებ გამოზამთრებასა, ჰაა!?

- ეგრეა! - გაისმა ისევ ტალას ხმა, მხოლოდ ახლა უფრო მკაცრი.

- შენა ცოლ-შვილი არა გყაამ და რაში გენაღვლება...

- ალაპარაკდნენ სხვა ყვარლელებიც.

ტალამ ცხენი გააჩერა, თვალი მოავლო თანასოფლელებს და თქვა:

- თქვენ რა გგონიათ, ომი დამთავრდაა!?

უცებ ყველა გაჩერდა, ტალას შეხედეს და მერე გაკვირვებულებმა ერთმანეთს გადახედეს. ტალამ კი განაგრძო:

- შაჰ-აბასი ბრძოლას არ ტოვებს მანამ, სანამ გამარჯვებული არ გამოვა იქიდანა! ახლა უფრო დიდი ძალებით წამოვა კახეთისკენ, რათა აქ ცოცხალი არავინ დატოვო!

- რათა, კაცო! - იყვირა გიგომ, - ამდენ უდანაშაულოთა სისხლი დაღვარა, ამდენი ტყვე წაასხა სპარსეთშია! მეტი რალა უნდა მაგ ღვთის პირიდან გავარდნილსა!..

- რა უნდა და, - შეაწყვეტინა სიტყვა ტალამ გიგოს, - სანამ ჩვენს მიწაზედა ერთი ქართველიც დადის, მანამ-



დე ომს არ შეწყვეტს! იცის, რომ ქართველი მისი მონა არასდროს გახდება და აქ თურქმანები ჩასახლება იპირებს. ამიტომაც უნდა ვიბრძოლოთ სისხლით უკანასკნელ წვეთამდე, რათა ჩვენმა შვილებმა თავის მიწა-წყალზე იცხოვრონ!

- ვიომოთ და ვიომოთ, - ჩაიბურღლუნა გიგომ, - ჩვენა სამშობლოსთვის სიცოცხლე არ გვენანება. მაგრამა...

- რა მაგრამა!? - არ დაამთავრებინა ტალამ, - თქვი ბოლომდე!

- ისა, რომა მარტოკანი ამ ძაღლთოდენი ყიზილბაშე-ბიი წინააღმდეგ რაი გავხდებით?

- ჰოოდა, მაგისტვინ მივდივართ გრემშია, რომა შე-ვუერთდეთ ჩვენებსა და ჩასაფრება მოვანყოთ იქა, სა-დაც გვეტყვიან! - ხმამალა წამოიძახა ტალამ, საღარას კისერზე ხელი გადაუსვა და გაჰქუსლა.

ალაზანზე რომ გადადიოდნენ, ტალამ მდინარეს გა-ხედა. მუდამ ზვირთებლამაზი და მოალერსე დედამდინა-რე გაშავებულიყო და ნაპირებს უსწორმასწოროდ ეხეთ-ქებოდა, თითქოს ლამობდა კალაპოტიდან ამოვარდნას და სხვა გზით წასვლას. ტალას ცუდი წინათგრძნობა და-ეუფლა, ცხენი ააჩქარა, ნაპირზე ამოსული შემობრუნდა და თელავის ციხეზე მოგიზგიზე ცეცხლი შენიშნა. ეს ნი-შანი იყო, რომ მტერი საქართველოს საზღვრებს მოსდ-გომოდა. ბიჭებს ანიშნა გაჰყოლოდნენ და ყვარლისკენ გააქროლა საღარა.

სოფელში შესულებს ყველაფერი განადგურებუ-ლი დახვდათ. მტერს ჯერ გაეძარცვა სახლები და მერე

ცეცხლი წაეკიდებინა. ვენახი მთლიანად აეჩეხათ, ქვევრები ჩამსხვრეული, ძალიც კი აღარ დარბოდა ორლობებში. ტყიდან მგლის ყმუილი გაისმა. როგორც ჩანს ცხოველი მიხვდა, რომ ადამიანები შევიდნენ სოფელში, სადაც მათ დიდი ხანია ბინა ჰქონდათ დადებული და ატყობინებდა თავის ხროვას, არ გაჰკარებოდნენ სოფელს. მგელმაც კი იცოდა, რომ სხვის საცხოვრისს არ უნდა გაჰკარებოდა, თუ იქ პატრონი მოზრუნდებოდა. სამწუხაროდ, ეს არ ესმოდა გადაგვარებული და გადაჯიშებული ადამიანების მოდგმას, რომელიც თავის მეზობლებს უკვე მესამედ უნადგურებდა მამულს, უკვე მრავალჯერ გაძარცვულს და იავარქმნილს.

ტალა თავის სახლის ეზოში შევიდა, ჩამოხდა ცხენიდან, მიიხედ-მოიხედა, დანგრეული სახლის ზღურბლზე ჩამოჯდა, მოუხმო თანამებრძოლებს, თვალი მოავლო ყველას, მერე გიგოს თვალი თვალში გაუყარა და ჰკითხა:

- ნახე შენი ეზო-ყურე?

- ვნახე... - ძლივს წარმოთქვა ეს ერთი სიტყვა გიგომ და ნალველი ყელში მიეზჯინა, ცრემლი გადმოუგორდა თვალიდან, ზურგსუკან ქამარში ჩაწყობილი დანებიდან ერთი ცალი ამოიღო და იქვე გადაქცეულ ხეს მთელი ძალით ესროლა. დანა ბოლომდე ჩაერჭო ხეს და გიგომაც იღრიალა, - დროზე მოვიდნენ ეგ რჯულძაღლები, რომ პასუხი მივაგოთ ჩვენი გამწარებისთვის!

- აქ აპირებდი შენი ცოლ-შვილი წამოყვანააი!? - ისევ ჰკითხა ტალამ, - აბა, მითხარ, სად დააბინავებდი!? რას აჭმევდი!? ...





ეზოში ყველა გარინდულიყო, მხოლოდ აქა-იქ ცხენების ფრუტუნი ისმოდა. ვაჟკაცებს თითქოს კრიჭა შეკვროდათ და მათ გონებაში, გულში და მთელ სხეულში მხოლოდ შურისძიების წყურვილს დაესადგურებინა.

ბოლოს, მეომრებს ასაკით ყველაზე უფროსი თუში, ორი ხმლით ოსტატურად მებრძოლი, აფთარაულების გვარჯიშის ვაჟკაცი, სახელად გორგი გამოეყო და ტალას მიმართა:

- ტალავ, დრო არ ითმენს! სანამ მოსულა მტერი, უნდ გავერკვეთ რაი ვქნათ!? ქალაქ ჩავიდეთ, ამბავ შეიციყოთ! სად უნდ დავხვდეთ მტერსა!

ტალაური ფიქრებიდან გამოერკვა, არაფერი უთქვამს გორგისთვის. ან რა ჰქონდა სათქმელი, ისედაც ყველაფერი ნათელი იყო. ელვისუსწრაფესად შეახტა საღარას, ხელით ანიშნა ბიჭებს გამომყევითო და გაჰქუსლა გრემისკენ.

#### XIV

სპარსეთის შაჰად აბას პირველის ყოფნამ არნახული ზიანი მიაყენა საქართველოს და განსაკუთრებით კახეთს. მისი მმართველობა ვერაგობითა და სისხლის გაუმადლობით იყო აღსავსე. ჭორებისა და ჯაშუშობის ქსელის მოტრფიალე, თავის გარშემო ისეთ ჯოჯოხეთურ მუხანათობისა, ინტრიგებისა და ეჭვიანობის ბუდეს ჰქმნიდა, რომ მას ხშირად თვითონაც აღარ შეეძლო სიმართლე შეეცყო და თავისივე დაგებული მახიდან თავი დაეღწია. ში-

ნაური მტრების და მოლალატეების ენას აყოლილმა, კახეთის და რუსეთის ურთიერთობაზე განსაკუთრებული ყურადღება გაამახვილა და ავადმყოფურად აიჩემა კახეთის და კახელების მიწისაგან პირისა ალგვა.

კახეთში გალაშქრებამდე შაჰმა, ლაშქრის სარდალი, თავისი სიძე ისა-ხან ყორჩიბაში დაიბარა და მასთან განმარტოვდა.


- მე შენ გენდობი, ისა-ხან, და ამიტომაც დაგნიშნე ლაშქრის სარდალად! - წარმოთქვა ამაყად თავანუღმა შაჰ-აბასმა და უღვაშზე გადაისვა ცერა და საჩვენებელი თითები.

ისა-ხანი დავარდა შაჰის ფეხებთან და შეჰლაღადა პატრონს:

- სამყაროს მბრძანებელო, დიდი მადლობა ასეთი პატივისა და დაფასებისთვის. მზად ვარ თქვენთვის ჩემი სიცოცხლე გავწირო...

- აქ სიცოცხლის განირვისთვის არ დამიბარებხარ, ყორჩიბაშ, - გაელიმა იქედნურად შაჰს და მის ფეხებთან დავარდნილ სარდალს ანიშნა ფეხზე წამომდგარიყო, - შენ უნდა იცოდე რისთვის მიდიხარ იმ გიაურთა ასა-ლაგმავად, რომელთა დამორჩილებაც აქამდე სხვა სარდალებმა ვერ შეძლეს!

ისა-ხანი მორჩილად იდგა თავისი მბრძანებლის წინ და არ იცოდა რა უნდა ეპასუხა მრისხანე პატრონისთვის. აბასმა ხანი ხალიჩაზე დასაჯდომად მიიწვია და ფილაში ჩამოსხმული შარბათით გაუმასპინძლდა. მერე მუთაქებზე გადაწვა და დაიწყო საუბარი:



- კახეთის მეფე ალექსანდრემ, ჩვენი დალატისთვის, თავისი შვილისგან, ჩემი აღზრდილი კონსტანტინესაგან, მიიღო ალაპის მიერ გამოგზავნილი სასჯელი. მან რუსეთთან გაბმული კავშირის გამო მთელ მეზობელ ქვეყნებს უღალატა და ამიტომაც ჩვენ, ჩვენი მტერი ოსმალო და კავკასიის მთიულნი გადაიმტერა. ყველაფერი კი აი, ამ წერილით დაიწყო, რომელიც ჩვენ მსტოვრებს სულთნის კარზე ჩაუვარდათ ხელში და რომელიც რამდენიმე წლის წინ არის დაწერილი, ჯერ კიდევ ალექსანდრეს მეფობის დროს. შაჰმა ზანდუკიდან ქალაქი ამოიღო და ისა-ხანს გაუწოდა.

წერილი სულთნის სახელზე იყო დაწერილი და ხელს შამხალი აწერდა:

„...რუსთა ჯარის გამოლაშქრების მომლოდინე ვარ. თავის მხრივ ალექსანდრეც ომს მიპირებს. ხოლო ჩემს მიწა-წყალს ხელში ჩაიგდებენ თუ არა, მაშინ შენს ხელში მყოფი დარუბანდი, შამახია, შირვანი, განჯა და სხვა ქალაქები მოსკოვის ხელმწიფეს ჩაუვარდება ხელში და მაჰმადიანებს იქ ამოწყვეტენ. ამ ქვეყნის დაპყრობის შემდეგ, რუსთა მეფის ჯარი ყიზილბაშთა ლაშქარს და ქართლ-კახეთის სამხედრო ძალას შეუერთდება და მაშინ ამ შეერთებულ მხედრობას შენ სტამბოლამდის ვერ შეაჩერებ. ამას, რომ შეიტყობენ, ახლა ფრანგები და ესპანეთის მეფე თავის მხრით მოგადგებიან“.

ისა-ხანმა წერილი შაჰს დაუბრუნა და მბრძანებლის სიტყვას მორჩილად დაელოდა.


- მიხვდი, რა მახეს გვიგებენ ქრისტიანები!? - წამოიძახა შაჰმა.

ისა-ხანმა მართალია ბევრი ვერაფერი გაიგო ამ წერილიდან, მაგრამ არ შეიმჩნია და შაჰს მოჩვენებითი სიმამაცით მიუგო:

- მბრძანებლო, გიაურები უნდა გავუღიჯოთ ერთხელ და სამუდამოდ!

შაჰ-აბასმა კარგად იცოდა, რომ ისა-ხანი ვერ ჩანვდებოდა ამ წერილის შინაარსს, ვერ გაითავისებდა იმ საფრთხეს, რომელიც რუსეთიდან მოდიოდა. ვერ შეაფასებდა, რუსეთ-კახეთის კავშირმა სტამბოლსა და ისპაჰანს რა საფიქრალი გაუჩინა. რომ ამ ორ ქვეყანას სწორედ ეს კავშირი აშინებდა, რადგან საქართველო ერთმორწმუნეობის გამო მზარდი და ძლიერი რუსეთის იმპერიის ბუნებრივი მოკავშირე ხდებოდა. ამიტომ კახეთი ან უნდა გაემაჰმადიანებინათ, წინააღმდეგ შემთხვევაში უნდა ამოენწყვიტათ და გადაესახლებინათ. მათ ადგილას კი ისევ მორჩილი მუსლიმები დაესახლებინათ და ამით საბოლოოდ გაეჩერებინათ რუსეთის წინსვლა სამხრეთისკენ. უფრო გასაგები რომ ყოფილიყო ისა-ხანისთვის შექმნილი მდგომარეობა, შაჰმა შორიდან დაინყო:

- მოლალატე ალექსანდრემ რუსეთის მეფე გოდუნოვთან გააბა ურთიერთობა ისეთ დონეზე, რომ მხოლოდ სამხედრო პირები კი არა, მათი მღვდლებიც ჩამოდიოდნენ კახეთში და ერთობლივ ლოცვას აღავლენდნენ, რათა ღმერთს დაესაჯა ჩვენი ქვეყნები და ჩვენი ხალხი. მოხდა პირიქით, ალაჰმა სიკვდილით დასაჯა ალექსანდრე, ხოლო რუსეთში კი დაამხო საუკუნოვანი სამეფო დინასტია. ჩემმა დანიშნულმა თეიმურაზმაც გულში გაივ-



ლო ღალატი და ურთიერთობა გააბა რუსეთის ახალ მეფესთან, ვინმე რომანოვთან და ძველი ურთიერთობების აღდგენა დაიწყო. რუსებმა საიდან მოიყვანეს ეს მეფე, არავინ იცის. ხალხში ხმა დააგდეს რომიდან გამოგზავნეს, მსოფლიო ქრისტიანული მექადან და ამიტომ არის რომანოვიო. იმანაც იქ თავის ხალხს აურია გონება, აქეთ კიდევ - ქართველებს. ასე, რომ თუ კახეთში ისევ ქართველები იქნებიან, კიდევ ერთ მტერს შევიძინებთ რუსეთის სახით. ჩვენ ოსმალოც გვეყოფა მტრად, რომელსაც მალე დავაჩოქებ და სპარსეთს დავუბრუნებ ძველ დიდებას! მიხვდი ახლა, რატომ ვლაპარაკობ ამდენს!?

- მბრძანებლო, თქვენი თითოეული სიტყვა ჩემთვის ბრძანებაა, - ასისინდა ისა-ხანი და მხრებში მოხრილმა და თვალეზგაფართოებულმა განაგრძო, - კახეთს მიწასთან გავასწორობ!

- ალაჰი იყოს შენი მფარველი ისა-ხან! არავინ დაინდო! არც ორფეხი, არც ოთხფეხი! ერთი ძირი ვაზი არ დატოვოთ, ყველა აჩეხეთ! ეკლესიები მიწასთან გაასწორეთ! ისეთი რისხვა დაატეხეთ თავს, რომ მდინარეებსაც შეეშინდეთ და აღმა დაიწყო დინება!..

- მბრძანებლო, - ძლივს წარმოთქვა სიტყვები ფეხზე წამომდგარმა და ოთხად მოკაკუღლმა ისა-ხანმა, - კახეთიდან მობრუნებულმა თქვენმა სახელოვანმა მეომრებმა გვიამბეს, რომ რამდენი ქართველიც კი მოუკლავთ, ყველას ზურგზე ვაზის ლერწი ჰქონია მიკერებული...

- ეგ როგორ!? - განრისხდა ირანის ლომი, - ან რისთვის!?

- ასე ამბობენ, მბრძანებელო, რომ ქართველებს უთქვამთ: „სპარსელები ვერც ქართულ ჯიშს გაანადგურებენ და ვერც მის მაცოცხლებელ ვაზსო. ვაზის ლერნებს ზურგზე მივიკერებთ და თუ დავეცემით ბრძოლის ველზე ვაზი ჩვენს სხეულზე გაიხარებს და არ გადაჯიშდებაო...“

- არც ერთი ვაზი!.. ყველა აჩეხეთ!.. ყველა გურჯს ააგლიჯეთ ზურგიდან ლერნები და ორივე ნაკუნებად აქციეთ!.. - იღრიალა შაჰ-აბასმა და მის წინ მდგარ ვერცხლის დოქს, რომელიც საქართველოდან ახლად ჩამოტანილი რქანიტელის ღვინით იყო სავსე, ხელი დაავლო და შეანარცხა კედელს. მერე დოქიდან გადმოღვრილი ღვინით დასველებული ხელი აიქნია, რაც იმას ნიშნავდა, რომ ისა-ხანს უნდა დაეტოვებინა შაჰის მოსასვენებელი.

როდესაც მსახური ისა-ხანს გასასვლელი კარისკენ მიაცილებდა, შაჰ-აბასს მისთვის თვალი არ მოუცილებია, უღვაში თითებით შეისწორა და ჩაილაპარაკა:

- შეძლებს კიი!? ისევ ქართველი უნდა დავუპირისპირო ქართველს. ქართლელი და კახელი თავადები ერთად ყოფნას დიდი ხანია გადაეჩვივნენ...

...უკვე მერამდენედ იდგა კახეთი მაოხრებელი იქედნეს პირისპირ...

...მისი დამხმარე ღმერთის გარდა არავინ იყო...



XV

მეფის სასახლესთან უამრავი მეომარი და შეიარაღებული გლეხი შეკრებილიყო. ეს ის ადამიანები იყვნენ, ვისაც მტერმა სამშობლო და სახლეული დაუქცია, ვინც ვერ მოასწრო ცოლ-შვილის გახიზვნა ან ამოუწყვიტა ან კიდევ სპარსეთის გზას გაუყენა. კახელ კაცს სახლში აღარ დაედგომებოდა, თუმცა აღარც სახლი ჰქონდა და ეზო-ყურე კიდევ - მორღვეული, ვაზი აჩეხილი, ცხვარ-ძროხა წართმეული, ქვევრები ჩამსხვრეული... საქართველოს ერთ-ერთი ძლიერი და შეძლებული გლეხი თავისივე ქვეყანაში ლტოლვილად ქცულიყო და მისი სახლი და ქონება ტყე გამხდარიყო, რომელსაც გადამთიელი ცალკე ედავებოდა და ნადირი ცალკე...

- მეფე დაგველაპარაკო! - გაისმოდა შეკრებილ ხალხში, - გვითხრაი, როგორ მოვიქცეთ! ესე არეულ-დარეული ხომ არ დავხვდებით მტერსა!?

სულ მალე სასახლიდან დავით ჯვანდიერი გამოვიდა რამდენიმე მხლებელთან ერთად, წარსდგა ხალხის წინაშე, ხელის აწევით ანიშნა გაჩუმებულიყვნენ და მიმართა:

- ხალხო! მეფე თეიმურაზი რამდენიმე დიდებულთან ერთად იმერეთში გადავიდა, რათა ჩვენმა ძმებმა დახმარება გაგვინიონ მტერთან ბრძოლის საქმეში. სანამ დამხმარე ძალა მოვა, მომხდურს ჩვენი ძალებით უნდა გავუწიოთ წინააღმდეგობა...

- იმერლებ თავი თავი გასჭირებიან! - გაისმა ხალხში, - ოსმალთ კარზე ჰყავთ მომდგარი, მეფემ ჩვენ მოგვხედოი!..

- რა აზრი აქ წინააღმდეგობი განევი, როცა ყველა-ფერი განადგურებულია! - დაიძახა ვილაცამ, - მეფე თუ არა გყავ დასაცავი, ჩვენ თავ ჩვენ მივხედავთ! ამხელა მთები და ტყეები გვაქ, ყიზილბაშებ იქ გავეუსწორდებით! თან უფრო ნაკლები დავიხოცებით!..

- მართალია! მართალი!.. - ახმაურდა ხალხი.

ჯანდიერმა ხელი ასწია და იყვირა:

- იყურეთ, ხალხო! ბოლომდე მათქმევიანეთ სათქმელი! ეს ჩვეულებრივი შემოსევა არ არის! ისა-ხანის ლაშქარს უკან უამრავი ელი მოჰყვება დედა-წულიანად, რომელთა დასახლებას აპირებენ ჩვენს ეზო-ყურეზე!..

ხალხში სამარისებურმა სიჩუმემ დაისადგურა...

ჯანდიერმა კი განაგრძო:


- ახლა მიხვდით, რა მზაკვრობას გვიმზადებს ღვთის პირიდან გავარდნილი შაჰ-აბასი!? ეს ჩვენს გადაშენებას ნიშნავს ღმერთის ნაბოძები იმ მინა-წყლიდან, რომელიც ჩვენი მამა-პაპათა სისხლით და ოფლით არის მორწყული!

ხალხში დავანებული სიჩუმე ნელ-ნელა იარალის ფლრიალმა შეცვალა...

ჯანდიერი კი განაგრძობდა:

- ვერც მურვან ყრუმ, ვერც სელჯუკებმა და ვერც ქართველთმოძულე თემურ-ლენგმა ვერ შეძლეს კახელი კაცი აეგლიჯათ თავისი მიწიდან და ვერც შაჰ-აბასი შეძლებს ამას, რადგან საქართველოს ღვთისმშობლის მეოხებით თვითონ უფალი იესო ქრისტე იცავს „...არ გავნირო ერთი ესე საზეპურო უკანასკნელ ჟამამდისო!“ ასეთი პირობა მისცა უფალმა დედა ღვთისას მიძინებისას... შე-





ხედეთ გრემის მთავარანგელოზებს, ისინი ისევ ისე ამაყად დგანან და გვიცავენ ბოროტისაგან, რომელიც უკვე მერამდენედ არის მომდგარი კახეთის კარს!.. ყველამ ვიცოდეთ, რომ ჩვენ ქრისტეს მხედრები ვართ და ჩვენთან არს ღმერთი!..

- არს და იყოს! - შესძახეს კახელებმა, პირჯვარი გადაინერეს და მუხლი მოიყარეს გრემის მთავარანგელოზის წინაშე.

- ქრისტესმიერო ძმებო! - განაგრძო ჯანდიერმა, - სამშობლოს დასაცავად შეიქმნება სახალხო ლაშქარი, რომელიც ჯერ კიდევ სიკვდილს გადარჩენილ სოფლების მოსახლეობასთან ერთად დაიცავს საკუთარ საცხოვრისს. ეხლა, ჩვენ თქვენგან გამოვარჩევთ რაზმების მეთაურებს, რომლებიც გაგაცნობენ საბრძოლო ვითარებას და განწესებას. ვისაც არა აქვს იარაღი, ჩვენ დავურიგებთ, როგორც სამეფო მარაგიდან, ასევე ნააღფარადან, - აქ მცირე ხნით შეჩერდა ჯანდიერი და მერე განაგრძო, - ყიზილბაშის ხმალიც კარგად ჭრის თუ რიგიანად მოიქნევ, სატევარებიც ბევრი გვაქვს. დანარჩენს თქვენი მეთაურები გეტყვიან!

შემდეგ, ვაჩნაძემ ხუთი ათეული მეომარი იხმო და სასახლეში წაიყვანა. მათ შორის ტალა ტალაურიც გახლდათ. სასახლის ეზოში მეომრებს კვლავ ჯანდიერმა მიმართა:

- დღეს აქ შეკრებილი ყველა ვაჟკაცი გმირია, მაგრამ თქვენ გამოვარჩიეთ იმიტომ, რომ გაქვთ მხედრული გამოცდილება და მეთაურის თვისებები. ბევრი რამ

არის თქვენზე დამოკიდებული. ჩვენ შესანარჩუნებელი გვაქვს ჩვენი მამული და აი, რატომ. ცბიერმა შაჰ-აბასმა ჯერ კიდევ ცამეტი წლის წინ ოსმალეთის წინააღმდეგ ომი განაახლა და როდესაც ალყა შემოარტყა ერევნის ციხეს, თავისთან დაიბარა ქართლის მეფე გიორგი და კახეთის მეფე ალექსანდრე. ქართლისა და კახეთის ჯარებმა აქტიური მონაწილეობა მიიღეს ერევნის ციხესთან გამართულ ბრძოლაში. შაჰმა ერთგულებისათვის და ომში მონაწილეობისათვის მეფეები დაასაჩუქრა, სპარსეთში სოფლები აჩუქა და დაუნიშნა ჯამაგირი. ეს ყველაფერი კარგად მოფიქრებული მზაკვრობა იყო. ამ, ვითომ საჩუქარს მალე მოჰყვა სანაცვლო თხოვნა. შაჰმა მეფე გიორგის მოსთხოვა მდინარე დებედას ხეობა და ლორეს მხარე, ხოლო ალექსანდრეს - კაკ-ენისელი. მეფეებს სხვა გზა არ ჰქონდათ და დათმობაზე წავიდნენ. ამ ტერიტორიებზე შაჰმა თურქმანული ტომების ჩამოსახლება დაიწყო, ხოლო დებედას ხეობაში ბორჩალოს ტომი ჩამოსახლა. ჩვენს მეზობელ კაკ-ენისელში შაჰმა ლეკებსაც დართო ნება დასახლებისა, რადგან ისინი მას ქართველების წინააღმდეგ ბრძოლაში ეხმარებიან. მხარე გაივსო წახურელი და ავარიელი ლეკებით. ესლა კი...

- ქიზიყი, თავადო? - იკითხა ტალამ.

- ჰაი, ჰაი, რომ ქიზიყი, - მიუგო ჯანდიერმა, - და რატომ ქიზიყი? იმიტომ, რომ შაჰმა რადგან კახელები ვერ გაგვამუსლიმანა, ვერ გაგვხადა თავის მოკავშირე, მოიფიქრა ვერაგული გეგმა და ნაწილ-ნაწილ ცდილობს, სხვადასხვა საშუალებებით, მიწების წართმევას და იქ



ელების და ერთგული ლეკების დასახლებას. რადგან ეს კაკ-ენისელში გაუვიდა, ახლა მისი მეზობელი ქიზიყის აოხრებას შეეცდება და იქ თავისიანების დასახლებას. შემდეგ კი აქეთ წამოვა და ასე შემდეგ. ეს ამბავი ჩვენ-მა მსტოვრებმა მოიტანეს. ახლა გვამართებს ჩვენი ძირითადი ძალები ქიზიყში განვალაგოთ და იქ დავხვდეთ სპარსელებს...

- ლეკები, თავადო? - იკითხა ტალამ.

- მაგაზეც ვიფიქრეთ, - მიუგო ჯანდიერმა, - შამხალთან კაცი გავაგზავნე და დავაბარე, თუ ერთი ლეკიც კი ზურგიდან დაგვარტყამს, მთელ რაზმებს შენსკენ მოვაბრუნებ და აულებიანად ამოგყუყუავ-მეთქი. არც დახმარებას ვითხოვ შენგან და მით უმეტეს არც მტრობას-მეთქი. დასტური მისცა შათირს. თუმცა მაგათი ნდობა არ შეიძლება, ამიტომ ზურგის გამაგრებაც მოგვინევს.

- აქაურობას რა უნდა მოვუხერხოთ, თავადო? - საუბარში ჩაერთო ქიზიყელთა რაზმის მეთაური ქაიხოსრო, - აქაც ხომ უნდა დავიცვათ მამული?

- თუშეთიდან და ხევსურეთიდან დამხმარე ძალა გზაშია უკვე, - თქვა ჯანდიერმა, - ისინი ტალას რაზმს შეუერთდებიან. მერე შევხედავთ, როგორ გადავანანილოთ ძალები. თუ მტერი აქეთ მხარეს რიცხოვრივად ბევრი იქნება, ტალას მთებში მოუნევს ასვლა, სამალავები კი აქვს ბევრი. ამით ცოცხალ ძალას დავზოგავთ და მერე იქ გამოვიყენებთ, სადაც უფრო დაგვჭირდება. ასე, რომ ბრძოლა არ იქნება იოლი.

მიმწუხრისას, გრემის მთავარანგელოზის დეკანოზმა აბიბოსმა პარაკლისი აღავლინა სასახლესთან შეკ-

რებილი მეომრების თანდასწრებით, დილის წირვიდან საგანგებოდ გადანახული ბარძიმი გამოაბრძანა ტაძრიდან, აზიარა მეომრები, შემდეგ ზეთი აცხო, დალოცა და მტერთან გამარჯვება უსურვა...

კახეთის ისტორიაში ყველაზე შავი ენკენის თვე იდგა... ღვინის მაგივრად სისხლის დუღილი იწყებოდა კახეთში...

## XVI

გარეჯის მრავალმთის უდაბნოში ზაფხულის ხვატისგან გამოფიტულ მინასა და ქვიშას შემოდგომის დადგომისას უეცრად წამოსულმა წვიმებმა ამოსუნთქვის საშუალება მისცეს. უდაბნოში ცხელი და გრილი ჰაერით შეზავებული ქარი აქეთ-იქით დაჰქროდა. თითქოს ნადირი და ფრინველიც გამქრალიყო თვალსაწიერისგან. შაჰ-აბასის დანთებულ ცეცხლს მინაზე მოსიარულე და ჰაერში მონავარდე სულიერი არსებანი ერთიანად მოესპო. მხოლოდ აქა-იქ მინაში მოსრიალე ქვენარმავალს თუ ნაანყდებოდა კაცი, რომელიც ასევე იშვიათი სტუმარი გახლდათ ჯოჯოხეთად ქცეული უდაბნოსი. მხოლოდ უფლის ანგელოზები არ ტოვებდნენ უფლის საბრძანებელს.

გარეჯის ქედზე, ჩიჩხიტურის მონასტრიდან სამი ბერი გამოვიდა და დავით გარეჯელის მონასტრისკენ წავიდნენ. თავდახრილნი, ნელი ნაბიჯით, მდუმარედ მიუყვებოდნენ ლავრისკენ მიმავალ ბილიკს.



- მამაო ათანასე, - დაარღვია სიჩუმე ერთ-ერთმა ბერმა, - ამდენი ხანი გავიდა ამ საზარელი ამბიდან და გვამებს ნადირი არ შემეუსრავდა?

როგორც ჩანდა მამა ათანასე უპირატესი გახლდათ, რადგან ორივე ბერი მორჩილებას გამოხატავდნენ მის მიმართ.

- შვილო, - მიუგო მამაომ, - ისინი წმიდანები არიან, მათ ანგელოზები იცავენ და ამიტომ ნადირი ვერ გაეკარებათ. ჩვენ აქამდეც უნდა მიგვექცია ყურადღება მათი წმიდა ნაწილებისთვის, ველოდებოდით კათოლიკოსის კურთხევას, მაგრამ ვინაიდან კათოლიკოსი იოანე იმერეთს იმყოფება, ვერავინ გაბედა მის გარეშე კურთხევის გაცემა. ახლა კი, ახლად ხელდასხმულ კათოლიკოსს ქრისტეფორეს გამოცხადება ჰქონია. დედა ღვთისა და დავით გარეჯელი უხილავს, რომელთაც საყვედური გამოუთქვამთ ჩვენი ეკლესიის მიმართ, რომ ქრისტეს მონამე გარეჯელი ბერების წმიდა ნაწილები ჯერ კიდევ უპატრონოდ არის მიტოვებული უდაბნოში და მათი პატივის მიგებისთვის მოუწოდებიათ. დედა ღვთისა ტიროდაო ჩვენი ასეთი არაქრისტიანული საქციელის გამოო. კათოლიკოსმა კი მე დამავალა ამ მნიშვნელოვანი საქმის მოგვარება. ასე, რომ კურთხევა, ღვთისმშობლის მეოხებით, თვით უფლისგან მოდის და ამიტომ გაათმაგებული ყურადღება გვმართებს ამ წმიდა საქმის მიმართ...

- მამაო, - უცებ წამოიძახა ბერმა, - შეხედე, დაბლა ვარდების ბუჩქია და როგორ ყვავის, თან როგორ ირხევა, თითქოს გიხმობსო.





მამა ათანასემ თვალი გააყოლა ქედიდან ყარაიას ველისკენ დაქანებულ კლდეს, გაუკვირდა, ამ ქვიან ადგილას ვარდების ბუჩქი საიდან უნდა გაჩენილიყო. ირგვლივ მიმოიხედა, მცენარე კი არა ბალახიც კი არსად ჩანდა. მიხვდა, რომ ისინი უკვე წმიდა ადგილს მიუახლოვდნენ, ამიტომ გადაწყვიტა ღმერთის მიერ გამოჩინებული „უჩინონი და დაფარულნი სიბრძნისა შენისანი“ ახლოს ენახა. ბერები ამ სასწაულის სანახავად კლდეზე ფრთხილად დაეშვნენ, თუმცა უმალ ბიბლიური „მაყვალნი შეუწველი“ გაახსენდათ, ვარდის ბუჩქთან მიახლოება ვერ გაბედეს და შორიახლოს გაჩერდნენ...

...ვარდის ბუჩქიდან არაამქვეყნიური სურნელება იფრქვეოდა...

...მამებმა პირჯვარი გადაიწერეს, მუხლი მოიდრიკეს, ხელები ზეცისკენ აღაპყრეს და წარმოთქვეს:

- დიდ ხარ შენ, უფალო, და საკვირველ არიან საქმენი შენნი!

მყისვე მოესმათ ხმა:

- თუაღნი ღუთისანი იყუნეს მართალთა მათ ზედა და მთხოველთა მიიღეს აღსრულებანი სათხოველისა, ვითარმედ არავინ წარწყმდა ერთიცა მათგანი და ყოველნი ერთ შეკრებულებით დაჰსდგეს წმიდა ცხოველთ შემოქმედისა სამებისა, შუამდგომელად და მეოხად ყოვლისა სოფლისა. იყუნეს უკუე წმიდათა მათგანი ძმანი ორნი, რომელთასა მომზრახობენ ძმოებასა ხორციელ ადრე და ჭაბუკ ყოფასა, ესენი დროსა მას წმიდისა ვნებისა მონამეთასა, ოდეს უწყალოდ მოიკვლოდეს წმიდანი იგი ძმანი

თუალთაგან უღმრთოთასა განერნენ მცირედრე და წარვიდეს რეცა განრინებული სიკუდილისაგან. და ოდეს მოიცადეს კლვისაგან ვერძთა მათ წმიდათასა და ალოხრებად მონასტერთა ლაშქარი იგი განიყო განყოფილნი იგი სხვათა მონასტერთა მიმართ წარვიდეს ოხრებად, ამათგანთა უკუე ბარბაროსთა იხილეს თქმულნი იგი ძმანი წმიდანი, შორის ორთა მათ მონასტერთა, ესე იგი წიხიტურისა და ნათლისმცემელისა, მიეტევნეს ძლიერად და შეიპყრნეს წმიდანი იგი და უარის ქრისტეს ღუთისა აიძულებდეს, გარნა იგინი ეგნეს გონებითა უმტკიცეს ორთა მათა ანდამატისათა. ვინაიცა უღმრთოთა მათგან მახვილითა მიიღეს სიკუდილი სანატრელი და შეერთებაი გუნდთა მათ წმიდათა ძმათა თვისთა თანა და მიერთგან ღელესა მას შინა, სადა იგი მოსწყვიდეს მონამენი ქრისტესნი აქამომდე ორძილობენ ვარდნი ნერგნი მრავალნი, ფარულად სუნნელნი ურწყულთა მათ ადგილთა და ყუავილთა თვისთა მიერ მშუენიერთა და სუნნელთა და ჰნიშვნენ წმიდასა მას სიმენამულესა და ღუთისა მიმართ სუნნელებასა წმიდათა და პატიოსანთა სისხლთა მათთასა. მაშინ უღმრთოთა მათ ალაოხრნეს ყოველნი მონასტერნი, რამეთუ მომზრახობენ მათგან მოოხრებულთა მათ ათთორმეტ მონასტრად, რომელნიცა გარეჰსჯისა უდაბნოსა შინა და კიდეთა მცირისა ალაზნისათა შენნი იყუნეს. ოდეს ალაოხრეს წმიდანი იგი მონასტერნი, ბარბაროსთა მათ და თვისად წარვიდეს. თქვენ გამოგვზავნათ კათალიკოსმან ქრისტეფორემ, რამეთუ წმიდათა ნაწილები შეჰკრიბოთ და დაავანოთ ადგილსა მას, სადაცა





მიიღეს სიკუდილი წმიდასა მას ეკლესიასა ქრისტეს აღდგომისასა. წარვედით მშვიდობით. ამინ!

ბერები გაოგნებულები უსმენდნენ ვარდის ბუჩქიდან გამომავალ ხმას. რალაც განსაკუთრებულ სიმსუბუქეს და ნეტარებას გრძნობდნენ. მათ გულებში არაამქვეყნიურ სიტბოს დაესადგურებინა... ირგვლივ ყველაფერი ლამაზად გამოიყურებოდა... ბოლოს, სიჩუმე მამა ათანასეს სიტყვებმა დაარღვია:

- როგორც ჩანს, ეს ორი ძმა ჯერ სიკვდილს გაჰქცევია და მერმე მიბრუნებულან უკან და მიუღიათ მონამეობრივი აღსასრული.

ბერები იმდენად იყვნენ გაკვირვებულნი მომხდართ, რომ მოგვიანებით აღიქვეს მამა ათანასეს მიერ წარმოთქმული სიტყვები, პირჯვარი გადაინერეს და მორჩილად გაჰყვნენ მოძღვარს. მამაო კი განაგრძობდა:

- შეხედეთ უდაბნოს ქვიშასაც კი მენამული ფერი დაჰკრავს. ადრეც ვარ ნამყოფი აქ მრავალჯერ და ასეთი რამ არ შემინიშნავს. ასე, რომ ეს წმიდა ადგილი უფლის წმიდათა წმიდა გახდა. ღმერთო, შენ გადმოხედე ჩვენს გაუბედურებულ სამშობლოს...

- მამაო, ნიავს კეთილსურნელება მოაქვს, - წარმოთქვა ერთ-ერთმა ბერმა, რომელიც ფეხდაფეხ მისდევდა მამა ათანასეს, - შეხედეთ, რაც ვუახლოვდებით აღდგომის ტაძარს, კეთილსურნელება უფრო და უფრო ძლიერად შეიგრძნობა.

ბერებს აღდგომის ტაძარი მორღვეული დახვდათ. მხოლოდ საკურთხეველი იდგა მყარად. ირგვლივ მიმოფან-

ტული იყო სპარსელების მიერ დახოცილი ბერების ძვლები, რომელსაც ზედ ხორცი აღარ შერჩენოდა, მხოლოდ მირონი სდიოდა და ეს აფრქვევდა კეთილსურნელებას.

მამებმა ირგვლივ მიმოყრილი ქვებით სახელდახელოდ აღადგინეს ტაძრის კედლები და წმიდა ნაწილების დაბრძანება დაიწყეს საკურთხეველში, რომელსაც სახურავი შემორჩენოდა და წვიმისაგან დაიცავდა სინმიდეებს...

...ლოჭინთან კი ყიზილბაშები უკანასკნელ დავალებებს იღებდნენ თავისი სარდლებისგან თუ როგორ უნდა აეოხრებინათ უკვე მათგანვე ორჯერ მინასთან გასწორებული კახეთი...

## XVII

ისა-ხან ყორჩიბაშმა სპარსელთა ლაშქარი ორად გაყო. ხუთი ათასი მეომარი ივრის ხეობაში გააგზავნა, ხოლო ძირითადი ძალებით ქიზიყისკენ დაიძრა. ივრის ხეობაში შესულ ყიზილბაშებს ისევ უნდა გაეელოთ მთებში გახიზნული ქართველების საცხოვრისები, აეოხრებინათ იქაურობა, ჯანმრთელი ცოცხალი ძალა ტყვედ გაეგზავნათ სპარსეთში, ხოლო მოხუცები და სნეული ადამიანები ადგილზევე დაეხოცათ. ასე უნდა გასულიყვნენ ალაზნის ხეობამდე და მერე იქიდან ქიზიყში მებრძოლ ძირითად ლაშქარს შეერთებოდნენ. ტყუილად იხეტიალეს ყიზილბაშებმა ცივ-გომბორის მთების ტყეებში. ირგვლივ ყველაფერი დანგრეული და გადამწვარი იყო. რაც წინა



შემოსევის დროს სპარსელებს გადაურჩათ, დიდ კავკასიონში გახიზნულ ქართველებს გადაენვათ და გადაებუგათ. იავარქმნილი ტყეებიდან ნადირიც გაქცეულიყო და ფრინველთა ჭიკჭიკსაც იშვიათად თუ გაიგონებდა კაცი. ასე, რომ ალაზნის ხეობამდე ნახევრად მშიერმა ყიზილბაშებმა ძლივს ჩააღწიეს. დაცარიელებულ სოფლებში გაშმაგებულნი ეძებდნენ ხალხსაც და საჭმელსაც, მაგრამ ამაოდ. თითქოს მიწას ჩაეყლაპა ყველაფერი.

უცებ, სოფელ შილდის თავზე, ტყეში სპარსელმა მზვერავებმა კვამლი შენიშნეს. არც დაფიქრებულან და ორი ასეული გაიჭრა მთებისკენ. კახელების მხრიდან ეს კარგად დაგეგმილი მანევრი იყო, რომელიც ტალა ტალაურმა თავის მეზრძოლებთან ერთად მოიფიქრა. მშიერი ყიზილბაშები იმდენად იყვნენ გაცოფებულნი, რომ სიფრთხილეს აღარ დაგიდევდნენ და გაშმაგებულნი მიისწრაფოდნენ იმ ადგილისკენ, საიდანაც კვამლი ამოდოდა. სამალავებში ჩასაფრებულ კახელებსაც ეს უნდოდათ. დათქმულ ნიშანზე რამდენიმე ათეული ისარი ერთდროულად გაფრინდა ტყეში მიმავალ ყიზილბაშებისკენ, წინა რიგებში დახოცილმა ცხენ-კაცმა ტყის სიღრმეში მიმავალი ბილიკები ჩახერგა, ქართველებმა, მომხდარისგან გაოგნებული სპარსელები ალყაში მოიქციეს, იშიშვლეს ხმლები და დაბნეული სპარსელების ჩეხვა დაიწყეს უმონყალოდ...

...ახლა კი მთელი შემართებით აელვარდა და ამუშავდა თუში გორგი აფთარაულის ორივე ხმალი. როგორც წალდი ხის წვრილ ტოტებს, ეგრე სხებდა აფთარაულის ხმლები სპარსელების თავებსა და ხელ-ფეხს...

კვლავ გაისმა სტვენის ხმა. ეს ნიშანი იყო, რომ ქართველები გასცლოდნენ აქაურობას და სხვაგან გადაენაცვლათ, რა თქმა უნდა, წინასწარ მომზადებულ სამალავებში, რათა მომზადებულიყვნენ ახალი თავდასხმებისთვის.

- ტალავ! - დაიძახა ტალაურის უკან ცხენით მიმავალმა მატნელმა მინდიამ, - ერთი კაცი მოგვიკლეს მაგრჯულძაღლებმა! კარგი ბიჭი იყო ბედშავი!.. მერე მცირეხნით შეჩერდა, მკლავში ჩარჭობილი ისარი ამოიგლიჯა და იყვირა. - ბუნიკის გაკეთებაც არ სცოდნიათ მაგ ეშმაკის ნაჭლიკარებს! ისარს ბუნიკი აღარ უნდა მოსდედვი!.. ფუი, თქვენი!..

- სპარსელები ისარზე და ბუნიკზე ფიქრსა და ლაპარაკსა დაანებე თავი და მალევე მოინვიჭრილობა ცეცხლითა! - გასძახა ტალამ მინდიას, - თორემ გაგისივდება და ეხლა შენ მიჰყვები იმ ბიჭსა! რომელია ეგ საცოდავი, საიდან არი!?

- თეთრ წყლებში, ფსიტის ციხიდან აგვყვა, - მიუგო მინდიამ და თან ჭრილობაში, სისხლის შესაჩერებლად ხელსახოცს ტენიდა, - იქ იმალებოდა. გაზაფხულზე მაგისი სახლეულობა ყიზილბაშებ ამოუწყვეტიათ. არ იცოდა რა ექნა, სად წასულიყო. ჩვენ შემოგვეკედლა. გამოუცდელი იყო საცოდავი და იგე, დავკარგეთ! ღმერთმა აცხონოი მაგისი სული.

- ცხედარი ხომ წამოიღეთ?

- თქვენებურ გიგოსა ჰყავ ცხენზე გადაკიდებული, - უპასუხა დაღონებულმა მინდიამ, - ადგილზე რომ



მივალთ, სადმე სუფთა ადგილას დავკრძალოთ. აბა, მღვდელი არა გვყავ, ნესი რო აუგოი.

ამასობაში ტალას მიერ გარემოს დასაზვერად გაგზავნილი ბიჭები დაბრუნდნენ. ცხენოსნები შეჩერდნენ. ტალა არც ჩამომხდარა ცხენიდან და პირდაპირ საქმეზე გადავიდა:

- აბა, რა ხდება!?

- გზა თავისუფალია, არავინ არი, - მიუგო ახალგაზრდა კაცმა, რომელიც, როგორც ჩანდა დანარჩენების მეთაური იყო, - მაგრამა ალაზნიი ვაკეზე უცნაური რამ ვიხილეთ.

- დღეი ჩვენთვის ყველაფერი უცნაურია, - მწარედ გაეღიმა ტალას, - იქნება ჩვენც გაგვაკვირვო რა ნახეთ ეგეთი!?

- უამრავი კარავია ვაკეზე გაშლილი, - განაგრძო მზვერავთა მეთაურმა, - და ბევრი ხალხი ტრიალებს ბანაკში...

- მერე ამაში რა არის გასაკვირი? - შეანწყვეტინა სიტყვა ტალამ, - ჩვენ გაშლილ მინდორზე ვერ ვიომებთ, რადგან ცოტანი ვაართ და უთანასწორო ბრძოლა ჩვენი მარცხით დამთავრდება. ამიტომ გვერდი უნდა ავუაროთ მათ და მხოლოდ ჩასაფრებებით დავესხათ თავსა.

- მაგაი არ ვამბობ, ტალა, - თქვა მეთაურმა, - ბანაკი სავსეა ქალებით და ბავშვებით. თან რაღაც უცნაური თათრები არიან, დაბალი და ვიწროთვალეა. ბანაკ კი გარშემო ყიზილბაშები დარაჯობენ.

გაგონილისგან სახტად დარჩენილი ტალა დინჯად ჩამოხდა ცხენიდან, ორივე ხელით უნაგირს ჩაეჭიდა, ზევით აიხედა და აღმოხდა:

- ღმერთო, შენ გვიშველე! დაიწყო შაჰ-აბასმა იმის გაკეთება, რაც ჩაფიქრებული ჰქონდა!

მერე პირჯვარი გადაიწერა და შუბლი უნაგირს დაადო. ასე იყო გარინდული, სანამ გიგომ მხარზე ხელი არ დაადო და ჰკითხა:

- რაო, ტალა? რა ხდება, არ გვეტყვი?

ტალამ ასწია თავი, გადახედა თანამებრძოლებს და უთხრა:

- შაჰს უნდა, რომ ჩვენ მამულში თურქმანი ჯიშიი თათრები ჩაასახლოი. ეგენი ელები არიან. ეს ამბავი ჯანდიერმაც გვითხრა, მაგრამ ვერ ვიჯერებდი... და აი, ჩამოუთრევია ეს რჯულძაღვლები!..

- და სად წაიყვანს ამ ვინროთვალემა თათრებსა? - იკითხა მინდია.

- ქიზიყიდან უნდა რომ დაიწყოს მაგათი ჩასახლება, - მიუგო ტალამ, - მერე ნელ-ნელა მთელ კახეთ მოსდებს და საბოლოოდ დაასამარებს ჩვენს სასოებას ერთმორწმუნე რუსეთთან ურთიერთობისასა.

## XVIII

ტალა და მისი თანამებრძოლები ყიზილბაშებზე მოულოდნელ თავდასხმებს აგრძელებდნენ და არც თუ ცუდად გამოსდიოდათ ეს საქმე. მტრისთვის ისინი მოუხეტებლები იყვნენ. სპარსელების ხოცვით ხმლები გაუცვდათ ვაჟკაცებს. თუმცა დახოცილი თათრებისგან იმდენი



იარაღი რჩებოდათ, რომ ერთ ასეთივე რაზმს თავისუფლად შეაიარაღებდნენ. მაგრამ ბრძოლა თანდათან გაჭირდა, რადგან ადრე დაზამთრდა კახეთში. გაუსაძლის სიცივეში ტყეში ყოფნა შეუძლებელი გახდა, ზოგჯერ კოცონსაც ვერ დაანთებდი, რომ მტრისთვის შესამჩნევი არ გამხდარიყავი. გაუჭირდათ ქიზიყელებსაც. ისინი ვერ გატეხა მტრის შემოსევებმა, ვაჟკაცურად იბრძოდნენ, მაგრამ გამუდმებულმა ომმა, მტრის სიმრავლემ და მკაცრი ზამთრის დადგომამ თავისი გაიტანა...

...ქიზიყელები დამარცხდნენ...

შემდეგ ყიზილბაშები დავით ჯანდიერისა და მისი თანამებრძოლების ადგილ-სამყოფელისაკენ გაემართნენ. ეს უკანასკნელნი მოსახლეობის დალესტნის მთებისკენ გაყვანას ხელმძღვანელობდნენ. დიდი თოვლი და საშინელი ყინვები უაღრესად ართულებდა ქართველების მდგომარეობას. ყიზილბაშები დაედევნენ გახიზნულებს და ათი ათასამდე კარგი ვაჟკაცი, რჩეული ქართველი დაატყვევეს. ტყვედ წაიყვანეს აგრეთვე ენისელის და ზაგემის სანახებიდან სამი ათასამდე კომლი და სპარსეთის გზას გაუყენეს.

უპატრონოდ დარჩენილ კახეთს, როგორც სჩვეოდათ, ლეკები შემოესივნენ. კახეთი თითქმის დაიცალა მოსახლეობისაგან. ზოგმა მთებს მიაშურა, ზოგი კი ქართლში გადავიდა. რამდენიმე რაზმი იყო შემორჩენილი კახეთის მთებში, რომელიც მოსვენებას უკარგავდა ისახან ყორჩიბაშს და მის ყიზილბაშობას. კახეთში დარჩენას აზრი არ ჰქონდა. ამიტომ შაჰ-აბასის ბრძანებით სადამ-

სჯელო ოპერაციები მომავალი წლის გაზაფხულისთვის გადაიდო, ხოლო ელების დასაცავად რამდენიმე ათასი ყიზილბაში დატოვეს.

ათას ექვსას ჩვიდმეტი წლის ადრე გაზაფხულზე შაჰ-აბასი კვლავ გამოემართა კახეთისკენ. მსხვერპლი ამჯერადაც დიდი იყო. თავიანთ ნასახლარებზე მობრუნებული კახელების გარკვეული ნაწილი გაჟლიტეს, ნაწილი ტყვედ წაიყვანეს, ხოლო ნაწილმა გაქცევით უშველა თავს. შაჰ-აბასმა კახეთი ორად გაყო. ივრის აღმოსავლეთი მხარე განჯის მმართველს ფეიქარ-ხანს ჩააბარა, დასავლეთი კი - ქართლის მმართველს ბაგრატ-ხანს. დაცარიელებულ კახეთში თურქმანების მასიური ჩასახლება დაიწყო. შემდეგ შაჰი ქართლში გადავიდა, თავისი ლაშქრისთვის მეომრები შეაგროვა და სპარსეთში გაბრუნდა.

ოთხი შემოსევის დროს კახეთმა უდიდესი და გამოუსწორებელი ზარალი ნახა. თითქმის მთლიანად დანგრეული და გადამწვარი იყო მთელი კახეთი. მაშინ დანგრეული მრავალი ქალაქი და სოფელი არასოდეს აღარ აღმდგარა. ისეთი ქვეყანა, რომელიც ყოველწლიურად ურიცხვ სარგებელსა და შემოსავალს იძლეოდა, დაინგრა და მიწასთან იქნა გასწორებული. კახეთმა თავისი მოსახლეობის ორი მესამედი დაკარგა. ასი ათასი მტერს შეაკვდა, ორასი ათასამდე კი ტყვედ იქნა წაყვანილი.

კახეთის მოთხრით შაჰ-აბასი რამდენიმე მიზნის მიღწევას ცდილობდა. საქართველოს წინააღმდეგობა საბოლოოდ უნდა გატეხილიყო. კახეთში ჩასახლებული თურქმანები კი შაჰის ერთგული დასაყრდენი უნდა გამ-





ხდარიყვნენ და სხვა კავკასიელ ხალხებთან ერთად რუსეთის სამხრეთში შემოჭრის შემაკავებლები. სპარსეთში გადასახლებულ ქართველებს კი უნდა განევითარებინათ სოფლის მეურნეობა და ყოფილიყვნენ შაჰის ერთგული მეომრები.

კახეთში შაჰ-აბასის ჩამოსახლებულმა ელებმა კი ვერაფრით მოიკიდეს ფეხი ქართულ მიწაზე. მთებში გახიზნული კახელები მათ მოსვენებას არ აძლევდნენ. მუდამ ყიზილბაშების დაცვის შემყურე თურქმანებმა, მათთვის ჩვეულ მომთაბარე ცხოვრებას მიჰყვეს ხელი და ხან სად უთენდებოდათ და ხან სად. დაღამება მათთვის ჯოჯოხეთის ტოლფასი იყო. მათ ბანაკებს კახელები ძირითადად ღამე ესხმოდნენ თავს და ყიზილბაშებთან ერთად ისტუმრებდნენ მოუსავლეთში. კახელების „ჭკუის სასწავლებლად“ სპარსეთიდან სადამსჯელო რაზმებს აგზავნიდა შაჰი, მაგრამ ყველა ასეთი მცდელობა ამაო გახლდათ, რადგან საკუთარ მიწაზე მებრძოლ კახელებს ისინი ვერაფერს აკლებდნენ. ქვეყანაში კი ასაოხრებელი აღარაფერი იყო დარჩენილი, რადგან ყველაფერი შაჰის ოთხი შემოსევის შედეგად განადგურდა და დასამარდა.

## XIX

უცებ გაირბინა რამდენიმე ნელმა. სასწაულად გადარჩენილი და ცოცხლად დარჩენილი კახელები, მიუხედავად დიდი შიშთანობისა, ნელა-ნელა უბრუნდებოდნენ თავიანთ ეზო-ყურეს. ტალამ და მისმა თანასოფლელებმა თუშეთიდან ყვარელში გადმოიყვანეს თავისი სახლულობა და ნელა-ნელა დაიწყეს ეზო-ყურეს აღდგენა, რომელიც მტერს მთლიანად მიწასთან გაესწორებინა. სპარსელებმა, დიდი ბეგარის გადახდის ფასად, კახელები დატოვეს თავიანთ ნასახლარებზე, თუმცა მკაცრად გააფრთხილეს, რომ ვაზი არ გაეშენებინათ. წინააღმდეგ შემთხვევაში სიკვდილით დაისჯებოდნენ.

- მაი ვაზიი გარეშე როგო უნდა ვიცხოვროთ, ხალხოო!? - ეკითხებოდა წყაროსთან შეკრებილ თანასოფლელებს ტალას ბიძაშვილი ხეიბარი გაბრიელი, რომელიც თავისი აღმოჩენილი სამალავების წყალობით გადაურჩა სპარსელების რისხვას. შიმშილსა და აუტანელ სიცივეგამოვლილ გაბრიელს თავის თავზე მეტად ვაზის აჩეხვა და განადგურება აწუხებდა.

- გაბროო! - მოესმა გაბრიელს ორღობიდან მომავალი ტალას ომახიანი ხმა, - რა ყურები ჩამოგიყრია საჩეჩელაანთ ვირივითა, - მაგაზე დიდი უბედურებანი გადაუტანიათ ჩვენ წინაპრებსა და არ უწუნუნიათ დედაკაცებივითა!

ტალა წყაროს უკან მდგარ დიდი მუხის ქვეშ დადგა, ფეხები გააბოტა და დაიძახა:



- აბა, კაცები მოდექით აქეთა! კარგი ამბავი მაქ  
თქვენთვისა!

ყველანი წავიდნენ ტალასკენ და თან ერთმანეთს  
გაკვირვებულნი უყურებდნენ. მათ ყურებს კარგა ხანია  
არ სმენოდა ეს დავინწყებული სიტყვები: „კარგი ამბები“.

ტალამ გადახედა თანასოფლელებს, ნელ-ნელა გა-  
ღიმებული სახე მოელუშა, ჩვეულებისამებრ მარცხენა  
წარბი ასწია და წარმოთქვა:

- ჩვენა ყველანი ერთად ვიბრძოდით და ერთმანეთი  
მრავალჯერ გაგვიტანია. ერთმანეთი ჩირი გაგვიზია-  
რებია. ეს ერთობა ეხლა შრომაშიც უნდა შევინარჩუნოთ.  
ამიტომაც დაგიძახეთ ცალკე დედაკაცებისა და ბავშვე-  
ბი გარეშე. ყველასა კარგი სახლეულობა გყაამთ, მაგ-  
რამა იმაშიც დამეთანხმებით, რომა დედაკაცები პირშია  
ხანდახან სიტყვა არა ჩერდება. წინაპრებისა ხო გახსოვთ  
- „შავ ლუდსა, წითელ ღვინოსა განა სუყველაი სმა უნდა,  
პირში მოსულსა სიტყვასა განა სუყველაი თქმა უნდაო?“

- ჰო! კარგი, ტალა! რა შორიდან უვლი ჭაპაანთ ყო-  
რესავითა? - დაიძახა ვანუამ, რომელიც ტყეში ახლად  
მოჭრილ და გამოთლილ კომბალს დაყრდნობოდა.

- სადღაა ჭაპაანთ ყორე!? - გაცინა მიხას, - იგრე გა-  
უსწორებიათ მინასთან ყიზილბაშებსა, რომა ქვებიც კი  
აღარა ყრია ეზოზედა.

ჰოო! კარგით, კარგით! - შესძახა ტალამ და ხელი  
მალლა ასწია, - გავიცინეთ, გვეყო. საქმეზე გადავიდეთ!  
სპარსელები შემოსევის პირველი დღეებიდანვე, მე ჩემი  
ეზოი ვაზი მოვთხარე და მალლა მთაში გადავიტანე. იქა,

ტყეში ორი მდელია. ერთგან რქანითელი დავრგე და მეორეგან კიდენა - ქართლიდან ჩამოტანილი ახალი ვაზი ჯიში - საფერავი. ვიცოდი, რომ ყიზილბაშები იმ ადგილებზე ვერ იპოვნიდნენ და ღმერთის შენეებით გამიმართლა კიდეცა. ეხლა მოვიარე იქაურობა და იგეთი კარგია, რომა ავ თვალ არ ენახება. იქვე გასხვლისაი რქებიც ჩავყარე, ვიფიქრე გაიხარებს-მეთქი და ეგეც გამიმართლა. ალაგები ბევრია იქა და ყველაი გეყოფათ, ვაზსაც გავამრავლებთ მტრის ჯინაზე და ქრისტიე სისხლი გვექნება ბარაქიანადა. აბა, ეხლა წამოდით და ვნახოთ ჩვენი ახალშენი.

ყვარლები გაჰყვენენ ტალას და ნაშუადღევს მივიდნენ ადგილზე.

- კაცოო, ტალავ! - უცებ წამოიძახა გიგომ და ჰაერი ხარბად ჩაისუნთქა, - რა ძაან ქინძის სუნი დგა ე! თუ მეჩვენება!?

- არ გეჩვენება, გიგოვ! - გაეცინა ტალას, - იგე, ზეით ტყის პირამდე ქინძმორეული ადგილია. საიდან ამოვიდა ამდენი ქინძი ამ ადგილაი არავისგან გამიგია და ეხლა ვერც ვეკითხები. თქვენ ხო არ იცით რამე ამ ადგილიი შესახება? აი, იქა მეორე მდელიზე, სადაც რქანითელი გავაშენე - ჩვეულებრივი ბალახია.

- ამ ადგილიი შესახებ არაფერი გამიგია, - ჩაილაპარაკა დაფიქრებულმა გიგომ, რომელმაც ამ არემარის შესახებ ყველაზე მეტი იცოდა, - არც ჩემ წინაპრებ უთქომ რამე... - მერე მხრები აიჩეჩა და განაგრძო, - გემო როგორი აქ ყურძენსა?



- იგე, თვალშია შესული, - თქვა ტალამ და ვაზისკენ მიუთითა, რომელიც უკვე სიმუქეში გადასულ ბრონეულ-ლისფერ მტევნებით იყო დახუნძლული.

გიგომ ფრთხილად მონყვიტა ყურძნის მტევანი, პირ-ჯვარი გადაინერა, რაღაც ჩაიჩურჩულა თავისთვის, მერე ერთი მარცვალი მონყვიტა მტევანს, ჯერ აკოცა და მერე დააგემოვნა.

- აბა, როგორია? - ჰკითხა ტალამ და მოუთმენლად ელოდა პასუხს.

- ქინძი გემო ააქ, გიგოვ? - ჰკითხა ვანუამ და გადაიხარხარა.

- ქინძი გემო რა ცხვრი ჩაქინძულია! - იწყინა გიგომ და ახლა მეორე მარცვალი დააგემოვნა.

- ცოტა ჩვენც გაგვასინჯე, შე შეჩვენებულო, იგრე რო მიადექ მაგ ყურძენსა! - წამოიძახა მიხამ და თანა-სოფლელებს გადახედა.

- კაცოო! ყურძნი მეტი რა არი ამ ქინძმორეულ ალაგასა! ადექი და გასინჯე! - იყვირა გიგომ და ტალას მიუბრუნდა, - ტალავ! შენა აქა ხო საფერავი გადმორგე?

- მაშა. - გაელიმა ტალას.

- ესა საფერავი არ არი! - თქვა დაფიქრებულმა გიგომ.

- დასტური, - მიუგო ტალამ, - საფერავი გადმორგე ჩემი ეზოდანა და იგე ფერიც იცვალა და გემოცა. აბა, რას ამჩნევ, გიგო?

- ყურძენი სასიამოვნოდ ტკბილია, - თქვა გიგომ, - ამ ქინძმორეულ ალაგასა სხვადასხვა ხილის გემოები უფრო გასდევს, ვიდრე მიწისა და ყვავილოვანი ბალახისა.

აბა, რა გითხრა. მე მგონი საფერავთან შედარებით ტკბილი და მსუბუქი ღვინო უნდა დადგეი - ალილო და ხვალილო! ამასაც მალე ვნახავთ, ენკენის თვე კარზე გვადგა.

- გამოდი, რომ ეს სხვა ყურძენია, - თქვა ტალამ და ზეცისკენ აიხედა, - დიდ ხარ შენ, უფალო, და საკვირველ არიან საქმენი შენნი. კაცებო! ვაზიი ახალი ჯიში გვაჩუქა ღმერთმა და სახელიც უნდა დავარქვათ!

- ტალავ, შამქმნელი შენა ხაარ და ნათლიაც შენ იყავ! - თქვა გიგომ, დაიჩოქა ვაზის წინაშე და ეამბორა მას.

- ნავიდეთ მაშინ, იგე ტყეში ჩემი მარანი მააქ და იქ აღვნიშნოთ ახალი ვაზიი დაბადება, - თქვა ტალამ და თანასოფლელებს ტყისკენ გაუძღვა.

ტყის სიღრმეში მთის ციცაბო კალთაზე კლდე იყო აღმართული, რომელშიც ბუნებრივად გვირაბი შედიოდა. ტალას იქ ოთხი ქვევრი ჩაეფლო მიწაში და იქვე სახელდახელო მაგიდა გაემართა. როგორც ჩანს, ტალაურს თადარიგი დაეჭირა და სკამზე დადებული ხურჯინიდან ამოალაგა დედას პურები, ყველი, მწვანილი, მოხარშული ცხვრის ხორცი და ხილი.

- გუშინ თელავში ვიყავ საქმეზე, - თქვა ტალამ, - ჩემი ნათლიი შვილი მოვინახულე და აი, ეს საგზალი გამამატანეი ხურჯინითა და ტიკით ღვინო - ძველი შემორჩენილი ჰქონდათ. აბა, კაცებო, მოდით და აღვნიშნოთ დღევანდელი დღე.

ყვარლებმა უფლის სადიდებელი მიირთვეს, მერე დასხდნენ გაშლილი სუფრის გარშემო და ყველამ ტალას მხეხდა, რომელსაც უნდა ეთქვა ის სიტყვა, რომლისთვი-



საც შორი გზა გამოიარეს მრავალჭირვარამგადატანილ-  
მა ყვარლელებმა. ტალამ თიხის ჯამებში ჩამოასხა საფე-  
რავი, ასწია სასმისი და წარმოთქვა სადღეგრძელო:

- ჩემო თანასოფლელებო, თანამებრძოლებო, ჭირი-  
სა და ლხინი ერთად გამზიარებლებო, სისხლისმსმელ-  
მა შაჰ-აბასმა ჩვენი განადგურება და ქართველი კაცი  
ჯიმ-ჯილაგის ამოძირკვა სცადა კახეთის მიწიდანა,  
მაგრამა მიუხედავად ესეთი ტანჯვა-წამებისა საწადელ  
ვერ მიაღწია. ეს ყველაფერი კიდენა მაღალი ღმერთი  
მფარველობით მოხდა და ვაზი განადგურები მაგივრა-  
და კიდევ ერთი ვაზი ჯიში დაგვიმატა, ჩვენი საყვარე-  
ლი საფერავი შვილობილი, რომელსაც მე ქინძმორეულ  
დავარქმევდი სახელადა. აბა, სხვა სახელსა ველარა ფიქ-  
რობს ჩემი თავი და თქვენ თუ უკეთესს მეტყვით, მეც  
იმას დავარქმევ.

- ქინძმორეული გაუმარჯოი! ქინძმორეულსა!..

ყოველი სადღეგრძელოს შემდეგ ამ სიტყვებს იმეო-  
რებდნენ ყვარლელები და თან უფალს ადიდებდნენ...

## XX

მეფე თეიმურაზი აქტიურად განაგრძობდა ოსმა-  
ლეთთან და რუსეთთან მოლაპარაკებებს, რათა მათგან  
სპარსეთის წინააღმდეგ საბრძოლველად შესაბამისი  
დახმარება მიეღო, მაგრამ ყველა მისი მცდელობა არა-  
სასურველი შედეგებით მთავრდებოდა.





თეიმურაზის გაუტყეხლობითა და აგრეთვე მისი ოს-მალეთთან და რუსეთთან კავშირით გაცოფებულმა შაჰ-აბასმა ჯავრი მისი ოჯახის წევრებზე იყარა. თეიმურაზის ვაჟები ლევანი და ალექსანდრე დაასაჭურისებინა, რის შედეგადაც უმცროსი ვაჟი გარდაიცვალა, ხოლო უფროსი კი ქკუიდან შეიშალა. უფრო გვიან, ენით აუწერელი წამების შემდეგ, სიკვდილით დასაჯეს თეიმურაზის დედა ქეთევან დედოფალი...

...ირანის მბრძანებელი მაინც ვერ ძღებოდა ქართველთა სისხლით და ახალ-ახალ მიზეზებს ეძებდა ქვეყნის დასასჯელად...

...და იპოვა კიდეც...

იმ დროს კახეთს მართავდა შაჰ-აბასის მიერ დანიშნული ფეიქარ-ხანი, რომელიც ხორნაბუჯის ციხიდან განაგებდა ქვეყანას. მან კახეთში მრავლად ჩამოასახლა მუსლიმი მომთაბარე ტომები - ელები. მიუხედავად ამისა ქვეყნის დიდი ნაწილი მაინც დაუსახლებელი იყო. თანდათან მთებსა და საქართველოს სხვადასხვა კუთხეებში გაფანტული კახელებიც მოგროვდნენ და თავიანთ კერებს მიაშურეს. ქართველების მომრავლებამ ფეიქარ-ხანი შეაშფოთა და შაჰ-აბასს აცნობა, რომ კახელები აჯანყებისთვის ემზადებიანო. გამძვინვარებულ სპარსეთის მბრძანებელს, რომელსაც თავი სამყაროს მმართველად წარმოედგინა, კახეთი ყელში ძვალავით „გასჩხეროდა“ და მოთმინებას აკარგვინებდა, უფრო მეტიც, ამ პატარა ქვეყნის დაპყრობას შეაკლა მთელი თავისი არმიის დიდი ნაწილი და მაინც საქმე ბოლომდე ვერ მიიყვანა. სასწრაფოდ იხმო თავისთან ყორჩიხა-ხანი და უბრძანა:

- ნახვალ საქართველოში და კახეთს ძირიანად მოთხრი! ერთი გურჯი არ უნდა დარჩეს მაგ მიწაზე! ხოლო ქართლელებს, რომლებმაც გაბედეს და კახელები შეიფარეს, ტყვედ წამოასხამ! ვინც არ დაგემორჩილება იქვე მოჰკვეთე თავი და ყველას დაანახე თუ როგორ უსწორდება მზეზე მაღალი შაჰი მოღალატეებს!

- შესრულებული იქნება შენი ნება-სურვილი, სამყაროს მბრძანებლო. - ამოიკნავლა ხორჩიხა-ხანმა და მყისვე დაეცა შაჰ-აბასის ფეხებთან.

აბასმა დახედა ყორჩიხა-ხანს, მერე თავი ასწია, მოჭუტა ცბიერი თვალები და დაამატა:

- გიორგი სააკაძეს წაიყვან ეტიკად, ზურაბ ერისთავთან ერთად. მსურს, რომ კიდევ ერთხელ დამიმტკიცონ ერთგულება! ასი ყური და ასი თვალი გამოიბი და მაგათი ყველა ნაბიჯი მაცნობე!

ყორჩიხა-ხანი ჩამოვიდა საქართველოში, მაგრამ არც მას ენერა აქ დიდი დღე. მარტყოფის ველზე აჯანყებულებმა, გიორგი სააკაძის მეთაურობით, ისეთი დღე აყარეს მომხდურებს, რომ ოცდაათათასიანი ლაშქრიდან სამი ათასმა ძლივს გაასწრო სამშვიდობოს. აჯანყებულებმა რამდენიმე დღეში განმინდეს ქართლ-კახეთი ყიზილბაშებისაგან. ფეიქარ-ხანმა მოახერხა გაქცევა, თუმცა მან და მისმა ხელქვეითებმა ნაძარცვი ქონება ვერ წაიღეს. თეიმურაზი, რომელიც იმ დროს ოსმალეთის საზღვრებში, გონიოს ციხეში იმყოფებოდა და დახმარების სათხოვნელად რუსეთში აპირებდა წასვლას, ქართლ-კახეთში მოიწვიეს და გაერთიანებული სამეფოს



ტახტზე დასვეს. ეს დიდი მნიშვნელობის მოვლენა იყო. საქართველოს გაერთიანების მოღვაწეთა ოცნება თანდათან ხორციელდებოდა.

ყორჩიხა-ხანის არმიის ერთიანმა განწყევტამ თავზარი დასცა შაჰ-აბასს. მან წამებით მოაკვლევინა სააკაძის ვაჟი პაატა და მოკვეთილი თავი გიორგის გაუგზავნა საქართველოში. ქართველების დასასჯელად კი შეყარა უზარმაზარი არმია და თავისი სიძის - ისა-ხან ყორჩიხაშის სარდლობით საქართველოში გამოაგზავნა.

...მარაბდის ბრძოლაში დამარცხდნენ ქართველები...

...თუმცა ქსნის ხეობაში ამოხოცეს ყიზილბაშთა თორმეტი ათასიანი ლაშქარი თავის მეთაურ შაჰბენდეხანიანად...

...სპარსეთის უძლეველობის მითი ისტორიას ჩაბარდა...

...შაჰ-აბასს საქართველოში გამოლაშქრების სურვილი გაუქრა...

იმის მაგივრად, რომ ქართველებს, მიუხედავად დიდი დანაკარგებისა, ეზრუნათ ქვეყნის გაერთიანებისა და გაძლიერებისათვის, ზოგიერთ თავადთა ლალატის შედეგად, კვლავ ლუციფერი ჩადგა მათ შორის და თეიმურაზ მეფე და გიორგი სააკაძე დააპირისპირა ერთმანეთთან, რასაც ბაზალეთის ტრაგედია მოჰყვა. ბოროტმა არ იკმარა ორივე ქართველისგან წმიდა დედოფლის და შვილების შეწირული სისხლი და ძმათა სისხლისღვრა მოანყო, რომელსაც ორივე მხრიდან უამრავი ქართველი შეენირა...


...წუთისოფელი ერთ დიდ საუკუნედ გაგრძელდა...

...ტიროდა დედა ქართველისა...

## XXI

...წლები მიჰქროდნენ, როგორც დოდის დროს ჰელოსკენ<sup>23</sup> მარბენალი ბედაურები...

უკვე მესამე წელი იწურებოდა, რაც სისხლისმსმელი და ქართველთმოძულე შაჰ-აბასი აღარ იყო ამქვეყნად. კახელებმა ამოისუნთქეს თავის მამულში. ტალა ტალაურს უნდოდა, რომ გადამალული საგანძური დაებრუნებინა ეკლესიისთვის, მაგრამ ვერ გაეგო ვისთან მიეტანა. მეფე თეიმურაზი სასახლეში თითქმის არ მოდიოდა. ის კახეთის მეფე კი იყო, მაგრამ მისი მმართველობა არ იგრძნობოდა, რადგან ხან ოსმალეთში იყო გადახვენილი, ხან იმერეთს სტუმრობდა და ხან სალაშქროდ დადიოდა. ახლაც, დაუფიქრებლად დაარბია შაჰის სამფლობელო - განჯა-ყარაბაღი, რითაც დაუპირისპირდა სპარსეთის შაჰს - სეფი პირველს და ქვეყანაც საფრთხის წინაშე დააყენა. ამის გამო დაკარგა ქართლის მეფობა და მისი ადგილი ქართლის ტახტზე სპარსეთის შაჰმა გამაჰმადიანებულ ქართველს - ხოსრო მირზას ანუ როსტომ-ხანს უბოძა. მუსლიმან მეფეს ხომ არ მიუტანდა სინმიდეებს. ამიტომ ტალამ გადანყვიტა ახლახანს აღსაყდრებულ კათოლიკოს ევდემოზთან მისულიყო. ევდემოზი უცხო არ იყო თეიმურაზისთვის. მისი ძმის, ლევანის ასული ელენე, დავითის, თეიმურაზ პირველის ძის მეუღლე გახლდათ. თუმცა, ტალამ მაინც ვერ გადადგა ეს ნაბიჯი მეფის თანხმობის გარეშე - „ვאי თუ გამიწყრეს მეფეო“ და მოცდა ამჯობინა. ერთხელ, ლაშქრობიდან დაბრუნებული მეფე



მონახულა ტალაურმა, მისგან დასტური მიიღო და გაემგზავრა ტფილისში კათოლიკოსთან შესახვედრად.

მთებსა და ტყეებში მოხეტიალე ტალამ დიდი ქალაქი რომ დაინახა, ეუცნაურა და უხერხულობაც იგრძნო. თითქოს შეიბოჭა, ვერ მოძრაობდა ისე ლალად, როგორც ეს ტყე-ღრეში გამოსდიოდა. რამდენი წელია არ ყოფილა ტფილისში. ქალაქი გაზრდილიყო, მაგრამ დაკვირვებული თვალი მასაც შეამჩნევდა მტრისგან დარბევის კვალს. ადამიანებიც მომრავლებულიყვნენ. უცნაური ჩაცმულობის კაცებიც შენიშნა, რომლებიც შაჰების ჰარამხანებში მოცეკვავე ქალებს უფრო ჰგავდნენ, ვიდრე კაცებს, განიერი მოფრიალე შარვლებით და უცნაური ქუდებით. ქალებივით მიაქანებდნენ უკანალებს და თან თავზე ხილით სავსე ხონჩები<sup>24</sup> ედგათ. ტალამ ვერ მოითმინა და მისკენ მომავალი კაცი გააჩერა და ჰკითხა:

- ძმობილო, შენდობას ვითხოვ, მე მთიდან ახლადჩამოსული კაცი ვაარ და იქნება გამაგებინო, ეს სხვანაირად ჩაცმული ხალხი ვინ არიან? - და ხელით თავზე ხონჩადადგმული კაცისკენ მიანიშნა.

უცნობს გაელიმა და უპასუხა:

- ეტყობა ქალაქში დიდი ხანია არა ჰყოფილხარ, ძმობილო?

ტალამ თანხმობის ნიშნად თავი დახარა და მორჩილებით დაელოდა პასუხს.

- ეგენი ჩვენმა ეხლანდელმა მეფემ - როსტომმა ჩამოიყვანა სპარსეთიდან. ზოგი კინტოს ეძახის და ზოგი თუქსუსს.<sup>25</sup>





- ვერ გავიგე, ძმობილო, - დაიმორცხვა ტალამ და ლოყები შეუნითლდა, - ბევრი სიტყვა გამიგია ამ წუთის-სოფლის ორომტრიალშია და ეგეთი სახელები არ ვიცი.

- წუნკსა, მატყუარას და ფლიდსა ნიშნავს, - მიუგო უცნობმა, - მთელი დღე ქუჩა-ქუჩა დახეტიალობს და ვაჭრობს. ოღონდ ფული მიეცი და არაფერზე გეტყვის უარს. მიხვრა-მოხვრაზე ვერ ატყობ?

უცნობმა დატოვა სახტად დარჩენილი ტალა და განაგრძო გზა. ტალა კი გაჰყურებდა უკანალის ქნევით მიმავალ კინტოებს, რომლებსაც ერთი ხელი წელზე მიეხვინათ, ხოლო მეორეთი ხონჩას იმაგრებდნენ თავზე და თავისდაუნებურად წამოსცდა:

- ერიჰაა! ამითვინ ვიომეეთ!?

ტალამ კითხვა-კითხვით მიაკვლია ევდემოზ კათოლიკოსს. იგი ლოცვას აღავლენდა მარიამწმიდის ეკლესიაში. ტალაურს დიდი ხანია საეკლესიო გალობა არ ჰქონდა მოსმენილი. სტოაში გაჩერდა, პირჯვარი გადაინერა და სმენად იქცა.

ლოცვა დამთავრდა. საკურთხევილიდან ჯვრით ხელში გამობრძანდა კათოლიკოსი და დალოცა მრევლი. როგორც კი შეხედავდა ადამიანი ევდემოზ კათოლიკოსს, მყისიერად მის მიმართ მოკრძალება უჩნდებოდა. ძველი აღთქმის წინასწარმეტყველს მოგაგონებდათ ხშირად. რთულ დროს მოუწია ეკლესიის მწყემსმთავრობა ევდემოზ კათოლიკოსს. ხშირად იტყოდა ხოლმე: „როსტომის მეფობის დროს იწყო ქართლის წესმან და რიგმან გარდაცვალება. განმრავლდა სიძვა და არანმიდება, ცოდვა

იგი სოდომ-გომორული და მეძაობა და დედათა თანა აღრევა. შემოვიდა ზოგად-ზოგად ტყვის სყიდვა თავადები-საგან, აღზევდნენ მეძავნი და ბილწების მოქმედნი. მეფის ფუფუნებისა და ცოდვის მოყვარეობა თანდათანობით გადაედო ერს. თვით სამღვდელთა და მღვდელმთავართა მიდრეკეს კეთილისაგან და აღერივნეს ერთა თანა. მოუძღურდა სჯული და განირყუნა წესი ეკლესიისა, რამეთუ არღარა ეძიებდნენ სულიერსა საქმესა, არამედ ხორცთათვის ზრუნვიდნენ ყოველნივე. სიმართლის მოქმედნი და წრფელნი გულითა და ცოდვის მორიდდლნი, უპატიოქმნილნი ცუდებად და შეუძლებლებად წოდებულნი, სასოებით იტანდნენ ყოველგვარ გასაჭირს“...


ასეთ პირობებში ძალიან ძნელი იყო კათოლიკოსობა. ამიტომ ღმერთმა გამოარჩია ადამიანი მართალი სულითა და გულითა, მონაი ღვთისა ევდემოზი, რომელიც მოქმედებდა მწყევსმთავრისთვის შესაფერისი უშიშრობითა და თავდადებით. არც მეფის პირდაპირ მხილებას ერიდებოდა. სადაც შეხვდებოდა როსტომ-ხანს, ყველგან ეუბნებოდა: „მაჰმადიანების მამა ხარ და ქრისტიანთა მამინაცვალყო“.

როგორც კი კათოლიკოსი ევდემოზი ტაძრის სტოას მოუახლოვდა, ტალა მორიდებით წარსდგა მის წინაშე, მუხლი მოიყარა, მარჯვენაზე ემთხვია და სთხოვა:

- დამლოცე, უწმიდესო, მე ცოდვილი.

- ღმერთმა დაგლოცოს, შვილო, - წარმოთქვა კათოლიკოსმა და მარჯვენა ხელი თავზე დაადო ტალას, - შორიდან ჩამოსულს ჰგავხარ, რა გაგჭირვებია?





- მეფე თეიმურაზს გამოვთხოვე ნებართვა შენთან მოსვლისა, უწმიდესო. - უპასუხა ტალამ, - ტალა გახლავარ ტალაური. საქმე საშუროა...

- გამომყევი, შვილო. - წამოაყენა კათოლიკოსმა ტალა და ტაძრის ეზოში მდებარე სენაკისკენ გაუძღვა.

ტალამ ყველაფერი მოუყვა კათოლიკოსს. ევდემოზმა ყურადღებით მოუსმინა ტალას და შემდეგ უთხრა:

- მადლის ქვა აუცილებლად გარეჯში უნდა დავაბრუნოთ, ხოლო დანარჩენ სინმიდეებს ჩვენ აქ მივხედავთ, რა თქმა უნდა, დროებით, სანამ მშვიდობა დამყარდება ქვეყანაში.

- უწმიდესო, მაპატიეთ კადნიერებისათვის, - მორიდებით წარმოთქვა ტალამ, - გარეჯის მონასტრებში არავინ არ არის ამჟამად, თან ლეკებიც დათარეშობენ და მადლის ქვა...

- ვიცი, შვილო, მაგრამ თუ მადლის ქვა არ დაბრძანდება თავის ადგილას, იქ არც მოსაგრეობა დაიწყება და არც მადლი გარდამოვა. ამიტომ ასეთი რამ გააკეთე. დავითის ლავრაში არის ფერიცვალების ეკლესია, სადაც საკურთხევლამდე, მარჯვნივ წმიდა დავითის საფლავია. მის ზევით გამოანგრიეთ კედლის ნაწილი, ამოაშენეთ ნიში, იქ დააბრძანეთ წმიდა ქვა და მერე ისევ კედლით დაფარეთ, რომ ავი თვალისთვის შეუმჩნეველი შეიქმნას. მოვა დრო და უფალი თვითონ უჩვენებს მორწმუნეთ წმიდა ქვის ადგილსამყოფელს. სინმიდე არსად დაიკარგება.

ტალამ მადლობა გადაუხადა კათოლიკოსს და კურთხევის აღსრულებისათვის წავიდა კახეთში.

## XXII

გარეჯში დავითის ლავრას სამი ცხენოსანი მიადგა. ტალა და გორგი აფთარაული, რომელსაც თავის ვაჟიც ახლდა, ცხენებიდან ჩამოხდნენ. მხედრებმა ცხენები კარიბჭესთან დატოვეს, თვითონ კი მონასტრის ქვედა ეზოსკენ გასწიეს, სადაც კლდეში გამოკვეთილი ფერიცვალების ეკლესია მდებარეობდა. ირგვლივ ყველაფერი იავარქმნილი და განადგურებული იყო. როგორც ჩანდა სპარსელების შემდეგ აქ კიდევ რამდენიმე მომხვდურს ეთარეშა. ეკლესიის კანკელი ნახევრად დანგრეული, ხოლო საკურთხევლის ტრაპეზი ძირიანად მოთხრილი დახვდათ. ერთადერთი, რაც ხელუხლებელი იყო, ღირსი მამა დავით გარეჯელის საფლავის ქვა გახლდათ. ვაჟკაცებმა მუხლი მოიყარეს წმიდა მამის საფლავთან, ემთხვივნენ და სამშობლოს გადარჩენა სთხოვეს. მერე ისევ ეზოში გამოვიდნენ და დავით გარეჯელის და ლუკიანეს სენაკების წინ დაყრილ ქვებზე ჩამოსხდნენ.

- ვაჟავ! - უთხრა გორგიმ თავის ვაჟს, - წყალი არ ამოიღე ხურჯინიდან?

- მოვიტან ეხლავე! - წამოიძახა ვაჟამ და მკვირცხლად წამოხტა.

ტალამ ხელის აწევით გააჩერა აფთარაულის ვაჟი და თქვა:

- აი, აქ ზევით დავითის ცრემლების წყაროა და ის დავლიოთ, მარგებელიც არის და სამკურნალოც.



- მეც გამიგია მაგ სასწაულმოქმედი წყლის შესახებ. აბა, გაგვიძებ, ტალავ! - წარმოთქვა გორგიმ და ფეხზე წამოდგა.

წყაროზე ამოშენებული კედლები დანგრეული დახვდათ, ხოლო კარი დაღეწილი. წყარო კი დამშრალიყო.

- პაპაჩემი, დიდი ტალა გვიყვებოდა ხოლმე, ნათელში იყოს მისი სული, - თქვა ტალაურმა და პირჯვარი გადაინერა, - წმიდა წყაროს თუ ურჯულო და უწმიდური შეეხო, ის უსათუოდ დაიმალება და დაშრებაო. ეს წყარო, როგორც მე მსმენია დავით გარეჯელმა ლოცვის შედეგად აღმოაცენა კლდიდან, ამიტომაც ეძახიან დავითის ცრემლებს. ჩვენ, აბა, რომელი მლოცველები ვართ, რომ ისევ მოვაბრუნოთ უკან...

- რატომაც არა! - შეანწყვეტინა სიტყვა გორგიმ თანამებრძოლსა და მეგობარს, - სამაგიეროდ მადლის ქვა გვაქვს, რომელსაც უამრავი სასწაული აქვს აღსრულებული.

- ღირსი მამა დავით გარეჯელის ტროპარი და კონდაკი მე ვიცი! - ამაყად წარმოთქვა ვაჟამ და პირჯვარი გადაინერა.

ტალამ ჩოხის გულის ჯიბიდან ფრთხილად ამოიღო აბრეშუმის ნაჭერში საგულდაგულოდ გახვეული მადლის ქვა, გახსნა, პირჯვარი გადაინერა, ეამბორა სინმიდეს, ფრთხილად მიიტანა კლდის იმ ხვრელთან, საიდანაც ოდესღაც დავითის ცრემლები მოდიოდა და ახლა დამშრალიყო, მერე ვაჟას გახედა, რაც იმას ნიშნავდა, რომ უნდა დაეწყო ტროპარის კითხვა. აფთარაულმაც



აღარ დააყოვნა და რამდენიმე წლის შემდეგ წყაროსთან კვლავ გაისმა სულის მაცხოვრებელი სიტყვები:

- ოფლითა მით მოღვაწეებისათა, განზავებულნი ცრემლთა წყარონი ძღუნად მიუპყრენ ან სავედრებელად მეუფესა, და ითხოვე აღორძინებაი მისი, რამეთუ ცრემლით სთესე, და სიხარულით მოიმკენ ნაყოფნი უდაბნოსანი, ჰოი, დავით, ბრწყინვალეზო სოფლისაო, და მეოხო სულთა ჩვენთაო.

ვაჟამ კიდევ ორჯერ წარმოთქვა ტროპარი და მერე კონდაკის კითხვა დაიწყო:

- შუამდინარით აღმოხედ ვარსკულავი ყოვლად-ბრწყინვალე, და მოიწიედ უდაბნოდ გარესჯად და და მიერითგან მოსვლითა შენითა, ვითარცა სამოთხე ნერგთაგან წმიდათა სცენდებიან, ნერგნი სიტყვიერნი, რომელთათვის ოხასა ნუ დააცადებ, დავით სანატრელო.

ტროპარ-კონდაკის წაკითხვის შემდეგ, ვაჟამ დაიჩოქა წყაროსთან და შეჰლაღადა წმიდა მამას:

- ჰოი, ღირსო მამაო დავით, შეგვიწყალენ და მეოხ გვეყავ უფალთან, რამეთუ გადმოგვხედოს მონყალითა თვალითა და შენი წყაროს გარდამოდინებით გვამცნოს სავანე ესე კვლავ აღორძინდება თუ იავარქმნილ იქმნება აგარიანთაგან, რამეთუ დიდ ხარ შენ, უფალო, და საკვირველ არიან საქმენი შენნი.

თითქოს კლდის შიგნით რაღაც დაიძრა. ტალამ მადლის ქვა ისევ გაახვია ნაჭერში და ჩაიდო გულის ჯიბეში. თან ერთი წამითაც არ აშორებდა თვალს კლდის იმ ადგილს, საიდანაც საუკუნეების განმავლობაში გადმო-

დიოდა დავითის ცრემლებად წოდებული წყარო და ჰოი, საოცრებავ, ნელა-ნელა დასველდა კლდე და მალე პირველი წვეთი ჩავარდა ქვაში ამოკვეთილ ჭურჭელში, რომელიც მისვლისთანავე საგულდაგულოდ ამოასუფთავეს ტალამ და ვაჟამ...

...ეს ნიშანი იყო უფლისგან, რომ გარეჯის სავანეში მალე განახლდებოდა მართლმადიდებლური ღვთისმსახურება...

გახარებულმა ვაჟკაცებმა დიდი სიხარულით და შემართებით აღასრულეს კათოლიკოს ევდემოზის კურთხევა და მადლის ქვა მინიშნებულ, ადამიანთა თვალთაგან დაფარულ ადგილას დააბრძანეს.

თანამებრძოლებმა რამდენიმე ჟამი დაჰყვეს მონასტერში, შემდეგ მოახტნენ ცხენებს და გაჰქუსლეს კახეთისკენ. გზად მოინადირეს ფრინველიც და ცხოველიც. სალამო ხანს ალაზანსაც მიადგნენ. ტალამ თავისი სალარა გააჩერა და მამა-შვილ აფთარაულებს უთხრა:

- ეხლა ჩემთან უნდა წავიდეთ და კარგად ვიქეიფოთ! თუშეთში ხვალ გაგაცილებთ!

გორგის გაეცინა:

- სად გვეპატიჟები, ტალავ! ამ აღმა-დაღმა სიარულში სახლი შენ ჯერ არ აგიშენებია და...

- სამაგიეროდ მარანი მათე გვირაბში და კარგი ქინძმორეული!

- ეგ, რაღაა?

- აი, წამოდი და იხილე!



XXIII

განადგურებული კახეთი, უკვე მერამდენედ, ფეხზე  
ნამოდგომას იწყებდა. მტერი აურაცხელი ჰყავდა შინ და  
გარეთ. ჩვეულებრივ ამბად ქცეულიყო სპარსეთში წას-  
ვლა, იქ მაჰმადის რჯულზე გადასვლა, ისევ სამშობლო-  
ში მობრუნება და სპარსეთის მოხელედ მსახურება. მეფე  
და დიდებულები ერთმანეთს ეჯიბრებოდნენ, ვინ უფრო  
ერთგული იქნებოდა სპარსეთის მბრძანებლისა. ერთა-  
დერთი ნათელი წერტილი ქართველობისა დედა ეკლესი-  
ის და უბრალო ხალხის წიაღში ბრწყინავდა, რომელთაც  
უდიდესი სასოება ჰქონდათ ღმერთისა...

...გარეჯის სავანეში წვეთ-წვეთად მოედინებოდა  
ცრემლები ღირსისა მამისა ჩვენისა დავითისა...

## ბანმარტაპუბი

1. ყიზილბაშები (სპარს) - წითელთავიანები. შიიტ მეომართა დაჯგუფებები.
2. შათირი (არაბ) - შიკრიკი.
3. შირაზი - ქალაქი სამხრეთ ირანში.
4. სეფევიდები - სპარსული დინასტია (1500 – 1722 წ.წ.)
5. ალავერდი-ხან უნდილაძე-ირანის სარდალი და პოლიტიკური მოღვაწე. გამაჰმადიანებული ქართველი.
6. ხვითო - მარგალიტი, რომელსაც გველი ინახავს და ზოგჯერ ათამაშებს.
7. ამირა (არაბ) - მეთაური, მმართველი, მბრძანებელი.
8. ტურალა (მონღ) - მოურავი.
9. ბეგლარბეგი (თურქ. სპარს) - ფეოდალური ტიტული. თანამდებობა.
10. ყულარალასი (თურქ. სპარს) - შაჰის პირადი დაცვის უფროსი. ყული - შაჰის მონები.
11. თოფხანე (თურქ. სპარს) - ირანში საარტილერიო პარკი. თოფ(თურქ) - ზარბაზანი, ხანე(სპარს) - სახლი.
12. ლულამები (არაბ) - მონებისაგან შემდგარი ცხენოსანთა გვარდია.
13. ჰარამხანა (არაბ. სპარს) - აკრძალული სახლი, რომელშიც ოჯახის უფროსი თავის ქალებთან, მონებთან და შვილებთან ერთად ბინადრობს.
14. ყარა (თურქ) - შავი.
15. სახმილავი - სადარაჯო. ადგილი მხილავთა.
16. სუდარა - დაკრძალვისთვის განკუთვნილი ზენარი.
17. ეტიკი - გზის მცოდნე.
18. ხერკი - ახლანდელი საგურამოს და თეზმის ხევი.





19. გიაური (თურქ) - უღვთო, ურჯულო, გარეწარი. არამუსლიმანი, სხვა რელიგიის ადამიანი.
- \* რქანითელი - ადგილობრივი კახური ჯიშის ვაზია. შორეულ წარსულში მას კუკურას უწოდებდნენ. „კუკურა“ ნაწარმოები უნდა იყოს „კაკი“ „კაკურასგან“. ეს ახლანდელი საინგილოს ძველი სახელწოდებაა. რაც შეეხება წარმოშობის დროს, ამის შესახებ მონაცემები არ მოიპოვება, რადგან XIII საუკუნეზე უფრო ადრინდელი სამეურნეო ისტორიის ძეგლები დაცული არაა.
20. საღარა - შუბლთეთრი ცხენი.
21. ფუსტები - ქართული სამხედრო-საეკლესიო რაინდთა ორდენი.
22. სიჩქურე - გაუაზრებლად, ნაჩქარევად მიღებული გადაწყვეტილება.
23. ჰელო - სვეტი თამაშის ადგილას (საბა). ფინში.
24. ხონჩა - ხის ლანგარი.
25. თუქსუსი - წუნკი, ცბიერი ადამიანი.

### გმოყენებული ლიტერატურა:

1. მიხეილ საბინინი - „საქართველოს სამოთხე“ - პეტერბურგი 1882 წ.
2. ივანე ჯავახიშვილი - „ქართველი ერის ისტორია“, ტ.V თბ. 2012 წ.
3. მიტროპოლიტი ანანია ჯაფარიძე - „საქართველოს სამოციქულო ეკლესიის ისტორია“ - ტ.IV. თბ. 2012 წ.
4. „ძველი ქართული აგიოგრაფიის ლიტერატურული ძეგლები“.
5. „წმიდათა ცხოვრება“ - თბ. 2001 წ.
6. „საქართველოს ისტორია“ - ტ. III თბ. 2012 წ.
7. Геевский В. Н. и Шарер Г.И. „Краткий отчетсадоводства Закавказья“. Труды Кавказского об-ва сельского хозяйства, №8, 9, и 12. Тифлис, 1885.



დაიბეჭდა შპს „მნიგნობარის“ სტამბაში

[www.mtsignobari.ge](http://www.mtsignobari.ge)

0102, ქ. თბილისი, კიევის ქ. №10; ტელ.: 294 05 71



მე კახელი ვარ, მეომართა შთამომავალი. ჩემი წინაპრები გარეჯის მრავალმთის უდაბნოს ბერთუბნის და დოდორქის მონასტრების საეკლესიო ყმები იყვნენ. სამშობლოს დასაცავად,

ჩემს და ჩემნაირების წინაპრებს ბევრი სისხლი აქვთ დაღვრილი, ხოლო ქვეყნის აღდგენისთვის ერთი ამდენი - ოფლი. საუკუნეების განმავლობაში მტერთან ბრძოლაში მოწყვეტილი და ტყვედ წაყვანილი კახელების ადგილი ბევრმა ქართველმა და უცხოტომელმა შეაგესო და თაობების შემდეგ კახელად იქცა.

მე, მინდა ვთხოვო თითოეულ მათგანს, მუდამ ახსოვდეთ ის ჯიშინი მოდგმა ერისა და ბერისა, რომელმაც მათ ეს ნამდვილი ქართული მინა-წყალი ჩააბარა. ჩვენ საზეპურო ერთი ვართ, არ გადავჯიშდეთ ხალხო! არ გავხდეთ „ბოროტი მევენახეები!“ ღმერთი არ გვაპატიებს!

ბოლოს, კი შაჰ-აბასის მიერ ტყვედ წაყვანილი და ფერეიდანში დასახლებული კახელების სიტყვებს შეგახსენებთ: „ღმერთს უბარებოდეთ!“

ISSN 078-9021-828-500



9 789941 488096